

序

粵自神禹鑄鼎象九州凡寓內山川載在職方者蓋詳矣哉然其
 大者固按牒可攷若阻遠幽邃或闕眺所未及即書不具載載不
 加詳而山川之勝槩與夫往哲之芳蹟往往幾於煙滅希蹤方外
 者恆三竊歎云余不佞性耽幽癖每見一泉一石輒戀戀不能舍
 去殆自幼已然比筮仕雲江躬繫簿書不遑遊覽即青原之勝未
 遂登臨迄今不無悵想後絲省垣出參浙藩總儲務公署即倚吳
 山下時邀客飛觴得快心於十景之巔尋遷右轄入閩則與武夷
 君為莫逆凡三徜徉於九曲迨致江右政歸偕同年王敬美遨遊
 匡廬尋鹿洞天池之勝再信而行自是得反初服回思寓內奇觀
 浙曰吳山閩曰武夷楚曰匡廬景勝甲天下余宦輒所經具得託
 足遐覽而其間峙者流者幽者收填胸次庶幾乎夙願可償既歸
 田暇豫闢百畝之園為頤庸之所邑故多奇石手自掄選平地為
 山隨意區畫名曰卷石小境盤桓終日自適其天容與將九載偶
 於夢寐中神遊攀岩陟嶽非生平所覩又或夢有餽奇石盈庭堪

賞既寤直以夢視之未幾奉詔起西川捫參歷井鳥道天梯歷經
艱險及入粵見風洞華景諸巖佳勝寰中罕儷又靖藩諸王孫聞
以奇石相遺恍若往日夢中景象因公餘周覽桂林之勝陟降巖
巖溯洄洲嶼靡匪奇邁其勝以山計者曰獨秀曰瀛曰南溪曰伏
波之類凡十有八以川計者曰瀛江曰陽江曰南溪曰彈丸曰訾
冢洲之類不一而足且磨崖鏡字皆古名人詩賦其上每臨眺間
則簇峰澄練與目謀松篁澗瀨與耳謀而詩篆之幽麗奇絕者又
與心謀色色象象總名曰山川之勝而叢聚於桂林即吳山武夷
巨廬當不少讓顧彼三勝者炳炳圖志中而桂獨無有竊為山靈
怏怏因別駕張君羽王素稱博雅且世居灘山下為山川主人與
余有舊誼相過遂以志屬焉君遜謝不能因諷以有勝如此不如
無有之語又請為君供副墨之需而藩使管君世臣徐君君羽復
從史馬君於是旁搜博採援古質今凡諸山之巒岿諸川之邈絕
及數百年之古文遺事郡國政績文獻流寓彙編成帙凡一十有
二卷前四卷為桂勝志槩也後八卷為桂故志故實也二志作而

山川之幽僻古蹟之幾於沈晦者至是悉顯直與吳山武夷巨廬
諸志相彪炳俾宦遊茲土者得按圖攬勝則勝與志合見與聞合
幽懷益暢而詠賦益增即未涉足於桂者亦展卷瞭然如指諸掌
而山川藉是永有聞於四方矣張君之功甚偉而不佞之幽癖及
夢所感徵庶不孤哉庶不孤哉是可為桂之山川賀矣余因命臨
桂何令太庚授之劄劄氏以廣其傳云時萬厯庚寅孟春之吉欽
差總督兩廣軍務兼理糧餉帶管鹽法兼巡撫廣東地方兵部右
侍郎兼都察院右僉都御史中都節齋劉繼文撰

序

嘗讀柳子厚訾家洲記稱桂林多靈山拔地峭起林立四野意欣然嚮之顧去松數千餘里欲一登眺無繇也萬厯己丑夏會余奉命鎮撫西陲道衡湘入桂林驟見石峰交立雲表左顧右盼令人輻轄久迺知郭以內為獨秀疊綵華景諸小其外則棲霞彈丸龍隱峙其左隱山西峰中隱踞其右又伏波灘雉旁跨江水水則灘陽二江會于灘山沕瀟南湊以入海而訾家洲實為之襟喉此其大觀也余未遑周覽即一二所覩記峰巒銳者筆聳劒植稍有起伏或旆而尾或几而憑又或列獻可數或端笏以謁其平者屏倚幕張詭麗非一中有巖洞或堂或室或闕或閣乳凝苔繡諸石駢附者又千態萬狀尚訝子厚所稱為未備云且海內名山稱鉅麗者豈少哉然皆數峰而止迺桂城內外不出數里而玉筍瑤簪森列若此抑又奇矣先是督府大司馬節齋劉公游而樂之謂勝概不可無紀因張君羽王博雅能文且世家灘山麓遂以屬筆張君於是原本山川采輯題詠為桂勝又因桂勝撫拾前聞補苴遺事

而桂故作馬蓋志形勝他無關於形勝者故實所以徵形勝出無
關於形勝者不與也故桂勝出則不出戶而可以遊神桂故出即
未暇咨詢一展卷而其人與事瞭然在目其有功於山川甚偉非
徒備野史已也書成司馬公既序而付之梓謂余乃山川主人宜
序諸末或有進言于余者曰粵西巖穴即荒州下邑往往多奇絕
匪直桂也顧采阻幽以表揚之以故湮滅弗彰今桂之勝得司馬
公而著聞山川之晦信非偶矣余不其然山川鍾秀效靈不以時
間又安知繼今來不有探奇好古如司馬公搦管能文如羽王氏
者出以續全省之勝以補文獻之遺豈不尤偉也哉此亦司馬公
意也余請注目以踈時萬麻庚寅清和穀旦欽差巡撫廣西地方
都察院右副都御史前兵科都給事中侍經筵官華亭蔡汝賢撰

序

右司馬兼中丞兩廣督府靈璧劉公去歲冬初東下裝嚴過故吏
張子語之曰自不穀有事於四方見所在一泉一石粗足寓目其
人莫不有志記用表厥勝乃雲峰煙澍參錯如繡如子桂者顧反
獨無有勝如此不如無有子山中人盍圖諸語訖驚起謝不能具
白今南都大司馬連江吳公按浙侍御華亭蔡公先後見屬一如
今指皆固謝已之公笑謂曰子云不能悉乎在對曰地勝固爾抑
人也殊勝桂雖乏人擁朱輪乘獨軺迭往迭來豈乏四方之英雋
乎撫有山川以其餘間或陟在巘或降在原亦或汎川溯洄嶼或
撫景以興詠或紀遊以見名山川藉之故永有聞比豈非殊勝耶
不此志記焉得勝公曰然又曰日不穀家居嘗夢入山觀山西壁
徧有題刻子今言與夢合顧曰不能得無慮抄撮不給故耶不穀
是任慎勿讓明日公果遣麾下四出蒐致此臨發授意藩使鄞管
公為過申命更選鈔者俾益具錄既又以一人領衆山不勝其書
檄縣行視亟議以濟居無何參藩雲間徐公以代行藩事至陸續

抄撮十得六七書亦草具四五參藩公聞之以暑著書時枉勞苦
又屬縣以增廣未備縣令南海何君奉檄唯謹選諸生稽古者挾
捐工與俱廩從優厚於是崢嶸之杪邈絕之濱人爭猿攀鳥集齋
楮墨以往數百年之古文遺事出布人間張子既幸驟得未覩又
辱公近檄府給以筆札參藩公間日趣取草親為校定府丞呂君
與諸大夫亦間過視雖則不敏敢不厲志况前被公激發以有勝
如此不如無有之語哉書凡十六卷因名桂勝所為卷第以先奉
公授獨秀諸撮本家灘山下日就手寫所得次之餘悉按抄撮至
者之先後以為卷第外桂故八卷用輔以行其意亦具桂故序中
萬曆乙酉秋七月朔灘山人張鳴鳳序

桂勝卷一



獨秀山

踞城稍東凝秀獨出頗與眾山遠故曰獨秀國初考卜其陽為靖
江宮殿朱邸四達周垣重遠蒼翠所及皆禁籞間地以故彤亭畫
觀馬外人鮮得至者山刻有孔子像按圖乃元人所為及見鄭叔
齊記則即山建學自唐已然莫休符謂其時有從事所居似唐以
前府治亦在是有巖曰讀書以劉宋時始安太守顧延之著名巖
前故有五詠堂鐫顏五君詠

風土記云獨秀峰在郭中高聳直上周迴一里餘

虞衡志云讀書巖在獨秀峰下直立郡治後為桂主山傍無坡阜

突起千丈有便房石榻石牖如環堵之室靖江府圖云亭有清樾

喜陽拱秀望江臺有凌虛館有中和室有延生軒有可心所有修

玄門有擁翠平轟拱辰朝天其上則玄武閣次則觀音堂三官廟

山半則靈官及山神祠皆其所禮神處其下有池曰月牙可用泛

明 張鳳鳴 撰

舟又有樂山探奇瞻雲三處可備清眺穿雲則其將陟巔之道也

詩

六朝宋顏延之 未若獨秀者 我我郭邑間

顏二句見唐鄭叔齊記中惜未睹其全然茲山發詠自顏始

他蓋未之及故特存之見經名賢賞異獨秀最先矣

唐張固 孤峰不與衆山儔 直入青雲勢未休 會得乾坤融結

意擎天一柱在南州

宋沈晦 老鶴下遙天 昂昂在林表 霜毛臨野人 逸氣秋天香

矯矯顏始安 不受冠帶繞 清真自嵇阮 一醉萬事了 請書空谷

中生翳白駒 皎長哦五君 詠極目送飛鳥

呂愿忠 洞口微雲惹卷舒 石巖相對一蘧廬 賦才晉宋多夷

曠好景古今難 字儲茗盃已驚浮 雪浪齋廚我聽響 鯨魚子雲

識字終何用 且請人間未見書

紹興甲戌三月二十七日知府事呂愿忠訪顏氏請書巖淪

茗鼓琴裴回久之預者四人機宜劉襄監郡朱良弼司理葉

文 仁

唐監察御史裏行鄭叔齊新開石巖記 城之西北維有山曰

獨秀宋顏延之嘗守茲郡賦詩云未若獨秀者我我郭邑間嘉

名之得蓋肇於此不藉不倚不騫不崩臨百雉而峙立扶重霄

而直上仙挹石髓結而為膏神鑿嵌霄呀而為室囂漳可遠幽

偏自新勝槩岑寂人無知者大庥中御史中丞隴西公保鄣南

服三年政成乃考宣尼廟於山下設東西庠以居胄子備俎豆

儀以親釋菜雖峻陟可尋而叢薄未翦公乃日常從以上每指

荒榛而授事為力無幾得茲穴馬闕而外廉隘以旁達立則良

其背行則躡其躡於是申謀左右朋進畚鍤之可跳者布以

增遷石之可轉者積而就階景未移表則致虛生白矣豈非天

賦其質智詳其用乎何暑往寒襲前人之略也譬猶士君子韜

迹獨居懿文遊藝不遇知已發明則蓬蒿向晦畢命淪悟鹽車

無所伸其駿和氏不得成其寶矣篆刻非寵庶貽後賢建中元

壤

口

年八月二十八日記

宋郡守孫覽五詠堂記 桂林之為郡千山環秀而井邑之內
一山峙立狀如冠冕凡州堂臺亭榭開戶相倚清輝可掬玩之
無斁游者忘歸名曰獨秀山山復有巖可容十許人蕭爽虛涼
坐卻煩暑宋顏延年出守是邦來遊巖間讀書為文以自娛名
曰讀書巖蓋紀於圖記者其略如此歷大庾中李昌巖為桂管
觀察使因建學其下建中間御史裏行而鄭叔齊為之記脫落
延年事而獨載昌巖之事景平建中相去視今為未久不應頓
失其傳觀叔齊文字猥陋非愛奇博古之流亦不能考尋前載
也余元祐五年被命承乏於此視事累月聞斯巖名嘉顏延年
好尚不忘訪求古迹而荒崖斷石榛莽蕪穢殆不可見乃命寺
僧芟夷營葺之創為堂軒以面巖曲而唐人名刻猶有存者因
鏡其旁曰顏公讀書巖延年才高性偏放蕩不羈前後見斥於
徐羨之劉湛輩不能無怨嘗著五君詠旨味閒淡推重一時然
亦以此取怨當路故又榜其上曰五詠堂五詠雖非延年在桂

所為而乃平日自況也并刻之左右嗚呼士之負才不羈而趨
世尤疏者其大足以殺身滅宗次或流離困挫不能自保者踵
相躡也如近年文采江左以來蓋一二數少與謝靈運齊名辭
氣軒揚凌傲當世亦略相似靈運竟以僂死而延年獲免蓋幸
矣後來者遊其巖觀其詩足以想見其平生大槩云

題名

唐刑部員外郎孟簡元和元年三月三日記

宋朝奉郎通判桂州軍州事楊書思政和二年九月晦來

孫覲北歸提點刑獄董莽招經畧安撫劉彥適轉運副使陳充轉

運判官趙子巖餞於蒙亭飯後登鐵牛寺塔徒步入藏院觀無盡

老人畫像初寮道人書榜讀書巖所刻五詠晚集於靜寄紹興四

年十月十七日

淳熙改元冬常恭曾游 開封王維則拉張信之吸茶巖下山主華公預馬淳熙十年歲次

癸卯七月十九日題

有宋顏公讀書巖六字篆者不書名疑即孫覲題名內云初寮道人書榜初寮則王安中自號不則孫覽之鏡也又有宋乾道九年蔣時日新所篆雙清室三字

郡志云有舊刻雪洞二字

灘山人曰環桂諸山以千百計惟獨秀中城崛起有王公貴人之象焉自前世剖符持節開府是處今靖江以同姓諸王建國南中為明藩屏館宇金碧跨山彌谷蓋足當其盛矣抑尚可請者曰顏光祿一出守遂以二始大著郡名至梁之裴遠為始安自稱三始喜見言論又桂山諸詩造端光祿實在是山請得以諸繕修餘才即巖構祠比宋五詠堂之例庶使先政之流風不墜而本山之餘韻益光亦一盛舉也不然盍試觀孫記乎鄭舉其詩尚爾不免曾謂大國而可不議及此乎當必有請之者

灘山

陽江西來東入灘水魁然起據南皋之端是為灘山橫障江口引犇瀾東注有北招伏波南與鬪雞雉山并力扞江之狀洞曰水月

門出水上其高侔闕夏秋之交移舟入中遊魚千百濺灑几席間洞朗潭激光相映燭瀆水諸巖洞不能及也南溪諸山列戟山陽陽江餘波出堆山者亦迴合於前故宋提刑方公信孺即南壁下建精舍以居曰雲崖軒軒廢已久前邵令君以仁於提刑所鑄詩前建屋署榜曰古雲崖軒因祠范方兩公於中前學憲都陽劉公應麟增起廊舍學憲南昌熊公惟學易牆以磚今兩廣督府靈璧劉公繼文復命修飾自是可漸復舊觀矣軒左有洞東出曰東暉

東有高巖曰南酉

風土記云灘山在訾家洲西一名沈水山以其山在水中遂名之故老相傳龍朔中曾降天使投龍於此今每歲早請雨潭中多有應前政元常侍以其名與昭應驪山音同故遂改為儀山虞衡志云水月洞在宜山之麓其半枕江刻作大洞門透徹山背頂高數十丈其形正圓望之端正如大月輪江別派流貫洞中踞石弄水如坐捲蓬大橋下

詩

宋方信孺題雲崖軒 不用窮探費杖藜 隱然林壑挾城隍 曾
 尊月洞千巖上 更著雲崖一段奇 拂拭軒窗容俎豆 發揮泉石
 借聲詩 瞿曇頗似知人意 已約梅花帶雪移
 張自明和 萬里風煙倚瘦藜 湘南曾自一登陴 雲崖知在宜
 山麓 水月傳誇古洞奇 四字丹書無夢見 千峰蒼玉有誰詩 門
 前繫馬松陰下 雅背斜陽影屢移
 張孝祥題朝陽巖 空巖目望一牛鳴 不要郵籤報水程 天接
 海光通外徼 地連岡勢挾重城 絲綸疊至龍恩重 繡斧前驅蠻
 霧平 鳳閣鸞臺有虛位 請君從此振朝纓
 又 飢腸得酒作雷鳴 痛飲狂歌不自程 初上波瀾生健氣 歸
 來鐘鼓動巖城 不應此地沈鴻業 盍與吾君致太平 伏櫪壯心
 猶未已 煩君為我請長纓
 張自明遊朝陽巖 綠野年來喜有秋 行春到處小淹留 朝陽
 亭上初披霧 水月巖中更枕流 行徑不容周俗駕 桃溪還泊晉
 漁舟 遠頭自愧非元老 濫總師干之壯猶

又 乘輶初至憶前秋 豈意持麾尚此留 立屋得僧成宴喜 遊
 山如謝欠風流 勸酬同把菊花盞 來往自操蓮葉舟 向晚洞門
 煙漸鎖 祇應歸興更夷猶
 張栻紀所遊 灘江即湘江 激激清見石 其東列羣峰 秋水碧
 復碧 日出霧露收 草邊上逼側 憑眺舒望眼 已足慰疇昔 更窺
 巖穴勝 創見為驚惕 如何數里間 奇觀屢接迹 窺同厦屋深 劃
 若巨靈擘 日月遮光景 風雲變朝夕 石橋幾年成 乳竇一時滴
 神龍舊隱處 仰視多見辟 蛻迹凜猶存 隱隱印霜脊 下有澄湫
 深 餘波漱蒼壁 往者已仙去 來者此其宅 薄晚叩松關 風過聲
 索索 聊麾車騎退 容我且散策 卻望訾家洲 輕船渡前磧 回首
 煙樹林 已復桂蟾魄 宇曠淨餘滓 羣物被光澤 河洲寄遐思 空
 巖皎虛白 清輝猶可窺 水色相激射 天邊與川上 亭亭如合璧
 居然廣寒遊 不用假六翮 班坐依微瀾 晤賞共佳客 與之想千
 載 詎有今古隔 簫鼓歸夜闌 觀者燦城陌 往往羅杯尊 班班見
 嚴核 諒因年歲豐 人意少舒適 視爾意少舒 於予多忻擇

張自明水月洞 癸水江頭石似浮銀河影裏月如鉤無人弄
杵看蟾兔有客乘槎訪斗牛自古鵲橋傳七日何年桂子落三
秋金輪待欲長無缺玉斧仍須妙手修

文

張孝祥朝陽亭記 丙午上巳余與張仲欽朱元順來游水月
洞仲欽酷愛山水之勝至晚不能去僧子元識公意即其上為
亭而山俯江倨登覽之會五月晦余復偕兩賢與郭道深來水
潦方張朝日在牖下凌倒景涼風四集仲欽欣然舉酒屬余曰
茲亭由我而發盍以銘之余與仲欽頃同官建康蓋嘗名其亭
曰朝陽而為之詩非獨以承晨曦之光惟仲欽之學業足以鳳鳴
於天朝也今亭適東鄉敢獻亭之名亦以朝陽而巖曰朝陽之
巖洞曰朝陽之洞元順道深合辭稱善即書巖石記其所以為
仲欽異日還朝左券云
又朝陽巖詩序 往為仲欽賦朝陽亭亭在建康其詩曰便合
朝陽作鳳鳴江亭聊此駐修程南瞻京洛臨雙闕東望仙家接

五城日上白門兵氣靜春歸淮浦暗潮平遙憐幕府文書省時
下滄浪自濯纓明年余為桂州仲欽以常參官十六人薦為廣
西提點刑獄公事又明年余罷去仲欽直秘閣實代余蓋與仲
欽昔嘗游朝陽巖而樂之於余之行也仲欽置酒巖上時佳賓
客咸集顧不可以無語乃膚建康之詩以記余與仲欽事契如
此為巖表異日之雄觀云

范成大復水月洞銘并序 水月洞剌灘山之麓梁空踞江春
水時至湍流貫之石門正圓如滿月樣光景穿映望之皎然名
賓其實舊矣近歲或以一時燕私更其號為朝陽邦人弗從且
隱山東洞既曰朝陽矣不應相重乾道九年秋七月初吉吳人
范成大莆田人林光朝考古揆宜俾復其舊成大又為之銘百
世之後尚無改也銘曰有嵌孱巖中淙漲湍水清石寒圓魄在
上終古弗爽如月斯望灘山之英灘江之靈復其嘉名范子作
頌勒於巖從水月之洞
題名

曾布陳倩笛時中劉中傑齊謀劉追宋元豐二年中秋遊
 瀉熙乙未歲仲秋日廣漢張敬夫約長樂鄭少融玉山趙養民
 同遊水東諸巖薄暮自松關放舟泊水月洞天宇清曠月色佳
 甚因書崖壁以紀勝槩
 臨江曾宏正崇仁吳湜廬陵楊壽惠三山陳華子羽士李可道
 同遊子公邁公适侍瀉熙癸卯九月望
 桐廬詹儀之以瀉熙戊申四月辛巳同臨賀別駕涂四友新欽
 陽守陳昭嗣前桂林郡文學陳邕泛舟訪水月洞登訾家洲時
 亭榭一新江山改觀懷古攬勝觴詠忘歸後一月辛酉約幕屬
 陳邕唐廷堅雷憲屬陳東漕屬黃奕余稱劉三錫來尋盟
 延陵吳宗旦宜之新安朱晞顏子困冒雨泛舟遊朝陽洞以訪
 水月水色正碧洞月宛然無異望冰輪於雲峰缺處舉杯酌月
 乃還紹熙改元授衣假
 丹陽張奎以紹熙甲寅正月四日集賓僚廬陵胡槐相臺王思
 詠吳門范藻臨川董居誼新安汪楚材郡人滑懋於報恩寺之

翛然亭食已泛舟龍隱遂過訾家洲詠水月洞登慈氏閣從容
 竟日而歸桂林山水之勝冠絕西南易節此來雖去鄉益遠而
 餘登覽心開日明歸思為之頓釋云

瀉熙丙午先公吏部通守是邦戊申春拜欽陽太守時連帥桐
 廬詹貳卿與先公為道誼交不以吏屬視一觴一詠莫不與焉
 疇累侍膝下年未冠今四十五載矣紹定己丑疇自零陵守蒙
 恩再昇節來南登桂嶺四望簪帶宛然白雲何在情已不能自
 勝歲餘幸所部相安得以暇日攜累輩游水月洞細晚懸崖上
 有詹與先公所識歲月愈愴然於中命成之來前曰汝知之乎
 先公自擢第至二千石歷欽貴徽三郡俱有治狀入拜右侍郎
 輪對論

闕

由龍隱涉訾洲夷猶水月之下把酒賦詩人物與象山俱清無涯
 而樂亦無涯矣

贛曾原一汴趙希圃瀉祐壬子止已盤薄水月詠南軒遺篇光霽

熙然懷哉若人

雲崖二真書旁有佛像下鐫唐僧知深為合浦令呂興造佛像記

朝陽洞三篆張孝祥書

水月洞三篆谿園居士書

谿園乃宋靜江倅吳億之別號

亦在其間詩蓋張維諸人作苔凝水蕩不復可錄又有杜循自記所得陸游書與詩南宋文名陸生最重然亦剝磨過半矣曾宏正詞非邁俗故獨存題名乃朱晞顏師表一方願詞憶歌者何或問范方祠所起曰余碑中略具之項讀文穆公論桂山也曰吾家東南奉使幽薊南宅交廣西至岷峨之下所經太行常山衡嶽廬阜靡不登覽乃博大則有之峰巒奇秀舉出桂下雖九華黃山仙都雁宕及夔之巫峽亡以過也桂山宜為天下第一云提刑之注意諸山也其傳備矣莆文獻志反訾其歸營所居於鄉之巖以為癖非戀戀諸勝故耶又不特銘水月軒雲崖已也何可無祠以奉厥志况兩公往皆見德於士民乎或又問諸山志古此獨變文何夫祠有章往勸來之意焉非若倚山而亭臨川而閣徒恣賞於泉石

寄情於雲煙以自適其適也其義正故其指顯變例而志諸公之舉祠何尤之有

雉山

山東北麓下款江水其上側起有昂首欲飛之勢名或因之昔人遂以白雉聞僧顯誦經事附之

●山在灘山南溪諸山間往城南

虹橋未築時灘波撼其東陽江遠其北襟帶雨水潭縮其較弭擢登泉巖門在焉巖自南入稍深詰曲可七八丈倚山南望見灘挾

陽江與彈丸南溪諸水澔澔長邁瀾縈灘迅縹絲天際泐泐然欲起即攬雲於蒼梧觀濤於南海也有宋諸公當日宴集禊亭青蘿

閣今皆不知所在近得僧粗營庵居鐘磬餘音適與水石蕭寥之響相答亦堪清聽乃山北危崖佛閣平野酒亭非不據勝互列巖

表然巖壁無一舊刻豈昔人遊覽有未及哉母亦以閣則迫山阨

陋亭則對岸喧囂自昔已然矣

詩

陸游詩

宋黃照 為愛空門息世機 儒衣不著著僧衣 淵魚林鳥已聞
法更待當年瑞雉歸

長老月公乃興國八年狀元王公之族子

章峴 偶投雉巖宿洞穴 窮屨顏旁通赤明 天南極地所震更
登雲外頂下視江之灣 羣山無我笑 畏汝碧玉環 我久墮塵網
歲晚嗟良難

又自龍隱巖泛舟至雉山 晴溪幾曲度澄灣 朝涉龍巖晚雉
山林叟野僧休笑我平生所得是官閒

汴陽高士勤德修許賓元忠崇寧二年七月初四日同遊雉山
程子立安撫邕管周公儀許元善范貴之張通甫張景通蘭太

冲柳成甫李端臣洪仲達程聖欽范少房同通叟飲餞雉山崇
寧壬午季夏望日

鄒浩 客睡當年記雉山 杜鵑聲切枕難安 今朝歸向山頭過
不見杜鵑空夢殘

尚用之留題 座下聞經本至誠 改頭易面悟前身 信知大道

無難事一念直如雉化人

提點劉事蔡瑗留題雉山院 白雉聞經向北山 轉身來伴老

僧聞大都善見能開悟 天上人間任往還

孫覲青蘿閣 蠻村避地已三年 過寺尋僧半日閒 小樹吹香

花漠漠 斷崖漱碧水 潺潺枕柳葉 底秋聲滿 柏子煙中客 夢還

便擬買舟隨釣叟 一蓑煙雨繫蒼灣

張棖楔亭 一曲清江正可憐 隔江新竹露娟娟 好風吹我曲

肱夢起看飛雲度碧天

題名

轉運使屯田外郎蘇安世與進士趙揚來遊并男台文祥文炳文

彥文待行乙未三月二十三日

大宋治平元年臘後一日運判孔廷之具舟案部因率通判范子

明機宜姚原道知龔州丁錚飲餞于雉山 提刑余藻書巖石以紀

武陵張頡仲舉甬上苗時中子居洛陽劉宗傑唐輔吳興劉誼宜

父七月自真山來遊元豐元年八月初

轉運使朝散大夫直集賢院陳情權提點刑獄奉議郎彭次雲權
提舉常平奉議郎齊堪權發遣提舉常平通直郎劉誼元豐二年
十二月十七日同遊雉山巖寺留題

元豐辛酉歲孟夏二十三日君美會仲舉仲隱范元子期自壽寧
早饒泛舟晚飲雉巖是日仲隱被旨還使湖南李時亮題

通直郎經畧司管勾文字李孝忠同叔永寧簿吳朋彥周元祐二
年九月七日來遊

元祐六年三月二十四日自道遠樓出桂江泛舟至雉山觀巖洞
微雨不可登絕頂沂流過壽寧復還道遠置酒高郵孫覽溫陵謝

季成漣水孫傑荆渚朱袞宣城董必曲江潭揆劉暉同遊

東都程建子立崇寧甲申清明前一日挈家遊男徹術衍侍行

鄱陽程欽之率龍舒劉成之文陽梁晦叔溜州范貴之臨川徐伯
應鄱陽萬彥亨劉長孺南康范少房南海張守道同游雉山男昇
侍大觀戊子九月望日

張子修農子源王君錫宋義夫何由道張方仲侯伯壽出餞於此

大觀庚寅九月二十一日 刻首有闕文 政和二年三月二十

七日南郡唐晉德攜家遊鋼鉢銓錫侍行

建安謝敷信都李溫古原田永年長沙裴曉廣陵楚執規淮海楊

書思政和癸巳孟春晦日回來

端臣適用聯襍凌顛景款幽叢岑然吸酪奴為無方遊維摩丈室

蓋自生白政和丙申季秋次朔

杜賢萬劉資中張方仲自龍隱過雉山政和三年三月二十日

清湘唐孝稱宗舉開封劉若愚息夫若水幾道乘暇登永寧閣復

飯雉山紹興丙申重九日

元壽攜家來丙寅仲春十有四日

肥鄉胡彥溫以職事約束提鹽會議蒼梧桐廬詹體仁招三山熊

景瞻飲餞於雉山之禊亭雨餘江山如洗樽俎無復暑氣檢校陳

迹一別蓋六年縱步巖戶景物尤勝勸酬歡甚豈偶來還勝於時
來耶瀋熙十有一年夏五月甲寅
莆田李子凝甲戌九月二十八日東還刑使檢詳餞別於此

豫章李大異帥桂之三年勸農於廣壽寺是日春和景明天氣清
淑因從容禊亭觀前賢鐫刻過午而歸通判翟舒胡楓臨桂令斛
邁偕來嘉泰改元仲春望日

劉晞書雉啣雨大字晞即里人隱居長山者

灘山人曰雉之盛在宋世士大夫輕舟便輿望巖至止夫豈有棲
霞之奇與龍隱之廣坦哉良以近峙郭南不煩遠策下當江滢且
可臨泛况介居諸山之中東西馳騫指顧最便又是時合浦朱崖
舉隸部內漕司憲使歲中案行往返多南道出祖入勞假茲成禮
不然豈慕白雉而來耶經不東傳雉不南化山不知作何名可發
一棊十餘年前斯巖莫傳焉非以亭館既殘巖棲無庇主者棄如
遺迹遊侶因而斷轍哉無足深慨者惟士大夫所題名昔本賢豪
今餘文字就壁索視一值其人如蘇轉運之高義乎低回其下必
不忍去竊慨夫挹翰舊區行觴餘址衣冠所萃工墓是叢乃何地
不可歸骨獨與是山爭尺寸之土甚無謂也飭以厲禁使人不侵
其惟賢府公明令君乎

南溪山

從鬪雞山北水口入是為南溪山以溪名諸峰迴合四壁峭懸煙
翠黝蒼著衣如染唐李公渤愛其映帶溪流特於玄巖白龍多所
穿築白龍之前溪水澄碧中有泉出是為新泉亦公之所鑿自殫
精思製序綴詩及去桂之際留題致意後或改玄巖曰觀音轉玄
巖而上有巖曰泗洲僧人巖居者取所奉彼教內兩大士號之至
宋東南諸巖曰劉仙下則穿雲緣穿雲東北行以有仲遠足迹名
曰仙迹劉仙之旁閣出巖際名曰通明其前有道觀落落長松據
牀小憩頗有蕭疏之狀然似不若白龍玄巖倚映寒漪流龍芳藻
花猶池植鳥似家禽隔水茆居砧杵聞發不知身在莽蕩之野也
已

盧衡志云白龍洞在南溪平地半山中翕有大石屋由屋右壁入
洞行半途有石室劉仙巖在白龍洞之陽仙人劉仲遠所居也石
室高廣出半山間

詩

唐李渤題玄巖 玄巖麗南溪新泉發幽色巖泉孕靈秀雲煙
粉崖壁斜峰信天插奇洞回神闢窈窕去未窮環迴勢難極玉
池似無水玄井昏不測仙戶淹復開乳膏凝更滴丹砂有遺址
石徑無留迹南眺蒼梧雲北望洞庭客蕭條風煙外爽朗形神
寂若值浮丘翁從此謝塵役
宋呂愿忠 萃律倚空躡怪石輪囷夾道臥長松白龍應已沖
天去巖竇歸然有故蹤
假守呂叔恭拉機宜劉子思監郡朱國輔經屬陳朝彥自中
隱巖過白龍洞叔恭之子大鈞侍行紹興甲戌季春之七日
朱晞顏 慶元改元寒食日陪都運寺丞遊白龍洞時牡丹盛
開小酌巖下夕陽西度並轡而歸
小溪漱碧響潺潺路入龍宮香靄間佳節謾添新白髮故人賴
有舊青山花時幾共湘南醉萍跡何當嶺北還歸路聯鑣紅日
晚多慚龍臥白雲間
胡寺丞和 懸崖怪石水潺潺宜有神龍隱此間窮勝不妨歸

險洞尋春那止看羣山攀龍行即天邊去躍馬聊同野外還好
景良辰適相會一尊且共水雲間

曾宏正 老仙乘白龍飛入白雲鄉巖前刻舟痕遊子常彷徨
清商韻風松疑有笙鶴翔我欲往從之居然塵鞅韉酒闌下山
去回首空慨慷

臨江曾宏正 瀉祐癸卯閏望同三山常挺臨川吳湜羽士李
可道來遊子公邁侍

李曾伯 老龍昔未蛻嘗蟄此山中霖雨春疇足風雲夜壑空
兩崖高下倚一徑往來通不願千金劑惟祈百穀豐

瀉祐庚戌覃懷李曾伯因勸農來此得四十字是日微風扇
和輕雲閣雨千峰翠滴四野綠秀枝禽對語春意駘蕩無極
徜徉久之緩轡而去賓佐四明史偉之廬陵曾垓眉山楊挺
東嘉林拾三山倬夫子廬陵王真孫長沙胡盛盱江周子榮
潼川楊牧之清湘滕處厚續至

唐李渤玄巖序 桂水灘山右匯陽江數里餘得南溪口溪左
屏外崖巖鬪麗爭高其孕翠曳煙遷迤如畫左連幽野園田雞
犬疑非人間沂流數百步至玄巖巖下有灣壤沮洳因導為新
泉山有二洞九室西南曰白龍洞橫透巽維蛻骨如玉西北曰
玄巖洞曲通坎隅晴眺灘水玄巖之上曰丹室白龍之右曰夕
室巽維北梯險至仙窟北又有石室參差研豁延景宿雲其洞
室並乳溜凝化詭勢奇狀俯而察之如傘如輦如欒如輻如
蓮蔓藻井左睨右瞰似簾似幃似松偃竹裊似海蕩雲驚其玉
池玄井嵐飈迴環交錯迷不可紀從夕室梁溪向郭四里而近
去松衢二百步而遙余獲之若獲荆璆與隋珠焉亦疑夫大舜
遊此而忘歸矣遂命發潛蔽深磴危宅既翼之以亭榭又韻之
以松竹似讌方丈似昇瑤臺麗如也暢如也以溪在郡之南因
目為南溪兼賦詩以紀之寶曆三年三月七日序
郭顯卜居銘 皇宋開國幾二百年金人入逼衣冠南遷桂獨
宜人歲無嵐煙溪山之勝間出神仙泌源新顯志慕精專卜築

巖下鑿井耕田榜揭歸去養真自然燒煉丹藥徜徉林泉莪莪
蘇壁排空插天紹興己巳勒銘記馬棲霞子書

題名

白龍山在桂城之東南登山之西而至其洞深廣可數楹石之穹
隆隱然若神物化去而留其跡洞之名蓋亦舊矣元祐己巳二月
八日上黨苗子居歷陽高時仲金陵李師正蔡陽吉鄰幾乘暇以
遊愛其佳趣且忘其歸因刻於石以志其來爾會稽關蔚宗題以
上饒盧潛禮濟北段微之毘陵胡茂方同郡樓元弼武夷葉振卿
紹聖乙亥秋九月中泚遊
湘陰彭子民陶達王長孺洛陽席貢從詔使案部還桂同遊白龍
洞己卯春

公輔公密侍親遊春來此政和辛卯季春旬休日
南郡唐晉德攜家同遊男銅銖銓錫侍行政和二年三月二十七
日題
李景言王子舉渭之昭瀉熙丙申立夏日同遊

陳正中銓訖之官王景醇林亨仲飲餞於乙卯仲冬
慶元丁巳立秋後三日同幕集觴於此豫章王岳次山溫陵趙庚
叔長沙陳克仁壽卿長樂陳昂中定謨臨川楊文明仲藻
慶亭翟子埜歲在庚申重五休務日攜家往尋巖洞之勝時暑風
清微涼氣襲人徜徉終日不知夕陽之在山也
長沙李勁正臣胡持正雅叔唐嶸次之朱佐君輔蕭仲仁元之嘉
定甲子端陽日憇此
嘉定辛未中元後四日計臺臨汀楊公子直復出案未歷之郡憲
臺括蒼管定夫帥守濟北李誠之載酒白龍洞留款先是去夏六
月大暑公初行郡亦嘗觴此夫仕而南多鄙夷其民怠忽迺職使
者間畏炎毒未嘗一跡按部公連歲犯暑殆遍走二十四州尊年
精明人所難及父老有迎拜而問者曰使家壯也何用而見用於
遲晚近也弗留而肯留於遠外吾儕嶺民懷私惠而勤勞使家一
至於斯公呼而謝之曰上有命老弗容辭遠弗敢憚懼我之矜汝
者或有未至而汝之憐我者姑置勿言遂一笑登車既行勒茲語

於巖石用告我同志云

東萊呂祖昇長沙王濟美自千山觀聯騎來遊嘉熙初元正月三日

南溪山三篆字

玄巖洞三隸字

觀音巖三真字

劉仙巖
宋李師中留題大空子隱居可道非常道真空本不空荒郊自
生閒地又栽松無欲更何慮有為終必窮風雲上天去老子信猶
龍

曹輔遊劉道人巖

故老能將舊事傳仙翁蹤跡尚依然方知物

外壺中景隱隱煙霞有洞天

梁子美和

神仙靈異古今傳窮理修真本自然遺址宛存疑谷

口蒼崖喬木聳青天

呂愿忠

平湖小隊出郊墟盡日登臨據隼旛聞道仙人尸假去

尚應猶學世間書

假守呂叔恭拉機宜劉子思監郡朱國輔經屬陳朝彥紹興甲戌季春七日來遊

趙夔桂山諸巖歌 秦皇開郡為桂林古號名邦五嶺陰山琢玉
簪攢萬疊江分羅帶繞千尋青青四顧列羣山生自天工巧若鏡
玲瓏拔地聳層秀崢嶸嵯峨星斗間其中有巖十二所伏波靈顯
存祠宇顏公讀書窟室中疊絲北山如列布何年龍隱沖霄去鱗
鬣形模鏡石路仙人劉公飛昇時巖壁宛然遺舊題穿雲仙跡次
左右闕
虛道氣多南溪白雉聽經生人類蕭寺豐碑有元記信知一性無
不通石甯陰陽苔蘚蒙西南中隱尤勝絕穿處得名因呂公曾公
程公皆舊跡遺愛在民傳古昔沈沈巖谷有餘光矣方勝槩神難
藏週迴不遠郭郭輪蹄追賞何忙忙
又桂山諸洞歌 宜人之地少陵詩閱玩前賢詞意奇爛然五詠
非虛語位壓坤方占一維青青四顧列羣山生自天工巧若鏡玲
瓏拔地聳層秀崢嶸嵯峨星斗間其中有洞十二所七星山下棲

觀

景

霞府日月華君顯跡靈遇者當時鄭冠卿歸到人間已三載仙洞
光陰時未改至今舊記傳無窮玄巖蟠螭聞白龍一泓澄碧寒潭
瑩水月圓明下翠峰枕城樓環俯視絲鎖喬林春日媚秦碑柳記
已難觀離水南流泛渺漫慶林巽穴玄風出華景高明隱丹室西
方虛秀貫山腰南華朝陽風景繞夕陽北牖通仙徑白雀嘉蓮池
淥淨許多佳致卒難題留與詞人膺雅詠
漳州先生徧遊諸經故作是歌以總之紹興甲戌中秋南溪郭
顯勒石穿雲巖將仕郎劉振書
張孝祥劉真人贊 河目海口須髯怒張人貌而天者耶其骨已
朽其人不死與天地齊年者耶山高谷深變化成空一笑相從惟
我與公乙酉十月朔書付巖中道士文道華使刻之石

桂勝卷二

明 張鳴鳳 撰

伏波山

山東劃江岩亦東嚮自非風雨晦冥初景微射先燭岩室漸晃潭壑孤峰羣木如出潭裏亦巖居川觀之麗矚也且無他道可入非舟莫達故遊舸多集其下唐伏波廟在郭東北二里去山較遠宋元豐間遊者題作伏波取麓過瀾迴故云任呂賦詩于巖曰玩珠不似後人相循還珠已也或云還珠亦宋人為桂帥清德之頌蓋比孟嘗珠去復還馬以其時合浦隸桂部其意則美惜無所據山後則桂城東北雉堞交加故西一面界在城中東北有蒙城遺址亭詩與記并鐫山壁又癸未水光月兩亭今廢題名內有龍石在木龍渡去山里許水中有石龍狀若羣飲其上巖門又有試劍石亦鑿空伏波為之者

風土記伏波廟在郭中之東北二里是東漢伏波將軍馬援之祠也

虞衡志云伏波巖突然而起千丈下有洞可容二十榻穿鑿透戶
牖傍出有懸石如柱去地一線不合俗名馬伏波試劍石前浸江
瀆波浪洶湧日夜激盪之

詩

宋章峴 江瀾洄泐蓄山根山裂巖開石室存
溺鬼夜呼千嶂黑螫龍晨起一川渾
金沙試決通泉脈翠壁閑題破蘚痕
三伏幾人逃畏暑豈惟河朔有清樽
崔靜和韻 古木纏溪出 根四時香火廟空存
人家曉聚鳧鴨亂水怪夜翻星斗渾
靈洞仙遊雲自鎖陰崖龍去石生痕
幸同軒從乘餘興酣醉清時酒一樽
任續賦玩珠巖 山林自空閒遊人事
幽討岫幌與雲關來跡可堪埽
良維蠹孤峰玉簪倚天杪桂水琉璃碧
洄泐下縈繞銜銜巖穴深蚪龍雙天矯
坤倪露幽秘造化殫奇妙巧勝概當眼
何方覓蓬島悠悠世俗情是非苦膠擾
水中蟹何罪徒勞愠心惜人厄困无妄
磔石埋幽窈風月幾年恨山光慘蘿葛
星郎大

嶽孫長城隱南表戎旃整且暇高情恣登眺
郊坰擁小隊一見顏色愀舊觀俄頃復洞戶
天重曉傷心日月遁人世幾番老山川
不相似歲久依然好呂巖標強名往事人
能道孟公謾驚坐子夏冠非小桃符錄餘
慶邨勝城濮兆冥數今乃驗常情定誰考
哦詩紀貞石聊侑芳樽醪

呂愿忠和韻

朝野樂昇平園林窮勝討快雨洗塵埃
秋山淨如埽游儵聚江灣飢鳥集木杪羣
岫鬱崢嶸一水翠繚繞雲頭蒼狗變龍蛇
亂天矯巖洞真奇崛造物逞天巧近在堂
奧間超然類三島暫捨簿書忙何時脫紛
擾靜聽黃栗留一聲還復悄麗譙去咫尺
跣步即幽窈斷崖暗蒼蘚喬木蔽蘿葛山
腹有遺祠隱然見華表筍輿訪崇臺空曠
縱遐眺八柱因樵蘇歎息心為愀在候三
蜀秀冰壺湛春曉有藥駐朱顏可以長不
老雄篇頃刻成舉座悉稱好夏玉副鴻球士
夫喜傳道五嶺顛觀東一覽衆山小呂巖
何興廢事固有前兆新詩刻翠岷異日可
稽考玩珠紀勝遊聊復醉清醪

宗道傳 銅柱威聲漂百蠻 肯貪稠載溷溪山 無人為起文淵閣
閣端的珠還 惹惹還 朱晞顏 天斲神剜不計年 洞中風景異塵寰
江波蕩漾青羅帶 巖石虛明碧玉環 地接三山真跡在天連 合浦寶珠還重來
恍似乘槎 歸舟多載小江春 重訪東巖舊履痕 插水峭崖猶有方信孺
路垂天怪石本無根 金華仙伯真知己 惹惹將軍足斷魂 安得北山公
可作倩渠移取向家園 曾宏正 癸水亭 危亭倚巖隈 聲名叶地讖
時浮桂藕香永絕 戈甲侵敗柳 裊煙絲 枯荷立霜枋 呼童理吳榜
日月數乘興 蒙亭倡和長白 桂林山水冠衡湘 蒙亭正在灘水旁
清流洄洑眩波光 高崖古木爭蒼蒼 下有芰荷滿橫塘 面面風來面面
香 新詩一詠酒一觴 爽氣渾如秋氣涼 酒闌巖下踞胡牀 汲泉煮茗
沈煙長 從容談笑聲琅琅 水光山色爭輝芒 東山蘭亭各一方 風流兼
追謝與王 回頭塵事皆茫茫 為計不若行樂良恨

柄

我到此情難忘 遙指白雲思故鄉 江東尚用之 江亭勝槩冠三湘
仁智所樂皆其旁 翠岫俯映青羅光 上有喬木摩穹蒼 亭下穿道覆銀塘
水面風來笑語香 騷人相值喜飛觴 雄辯清談五月涼 飲餘相與坐方牀
論文日暮興何長 佳篇疾讀韻琅琅 直疑星斗換光芒 格高調古說奇方
况復筆法追二王 事業無窮歎茫茫 丹鉛點勘策非良 與公致道心
可忘 浩歌直造無何鄉 三吳李彥 桂江繚繞通湖湘 佳山四插江之旁
嵐光滴翠漾波光 岸頭秀木皆青蒼 誰人築室枕西塘 新荷敲風炳炳香
君嘗招我來攜觴 登臨樂臆生清涼 倏思伏波離空牀 且及尊前飲興長
紛劇雄辯聲何琅 客傳俗事江亭芒 蠻歌蛋曲笑遐方 應無夢惱楚襄王
但驚歲月去茫茫 報國宜多為畫良 功名未白何時忘 此心疇敢憶家鄉
邵武葉宗嚮 我行幾許踰沅湘 直抵八桂灘水旁 千山倒影搖溪光
秀光不借草木蒼 茲亭構勝俯回塘 野花風遞羅綺香

巖前伏波流羽觴一洗塵思生清涼疑有仙人白玉牀壺中景
迴日月長步此仙籟音琅琅世間名利真毫芒此景不獨冠南
方恨不築室輕侯王回首塵跡空渺茫督去未必計非良其如
樽酒情難忘恍然一夢五雲鄉

附巖間二詩

范成大勸駕詩

維南吾國最多儒聳觀迢迢赴隴書竹實秋

風辭穴鳳桃花春浪脫淵魚月宮移種新栽桂江水朝宗舊鑿

渠況有龍頭坊井在明年應表第三閭

桂林曹勣詩云我向月中收得種為君移向故園栽今年用故

事移桂正夏進德二堂又復朝宗渠水以符文章應舉之記趙

觀文王世則兩人皆魁天下今狀元坊存焉故拙句中並及之

瀉熙元年秋九月

朱晞顏詩有序 洞底石間得古木一株花葉咸無而枝幹峭

拔如峴山晉柏蓋石之精英凝結而成光澤瑩潔不減冰玉扣

之其聲鏗然珊瑚不足道以是知海物惟錯其中亦何所不有

但世人未之見爾因成鄙句刻之八桂堂下巖石間以識歲月
云慶元改元小春吉日 天教海若效珍祥不與千秋春競芳
擲地遺音清夏玉凌雲直幹凜凝霜誰浮鯨海星槎到猶帶蟾
宮月桂香冶葉浮光埽除盡堅高直欲共天長

宋李師中蒙亭記 桂林天下之勝處茲山水又稱其尤而在

城一隅荒穢不治若無人知者數千百年間豈天秘地藏不以

示人意必有仁智者然後能樂蓋性情自得之也經略吳君嘗

為諫官以言事罷不復遂來殿方既安邊靜民而後及此師中

覽而壯之又因斯民之樂名其亭而繫以詩曰凡物之蒙在人

亦昧既有見焉其迹難晦斯亭之成景物來會江山之勝相與

無際鳧鷖在水或在於潯中州蒲蓮迤邐靜深巖壑沈沈雲氣

長陰自公以暇來燕來臨同民之樂而無醉飽之心嘉祐七年

八月二十日尚書戶部員外郎直昭文館知桂州嶺南路經略

安撫吳及上石是時師中以度支員外郎為轉運使

黃邦彥蒙亭記 紹聖改元秋八月天子以龍圖閣胡公帥桂林公素負才業歎歷中外所至有聲故治桂凡再暮邊境告甯乃得遊山水間訪其昔所嘗聞今所未見者則伏波巖之蒙亭出焉先是嘉祐中經畧吳公即巖之左以為亭名蒙漕使李公記之而鑿于巖之崖亭久埋廢記亦湮沒一日憲使梁公出其家舊所藏蒙亭記以觀焉由是益知其亭之詳巖在城東北隅茂林修竹間有徑寂然而幽循山而轉石門磴道迤邐趣雅如在壺中卻立仰視巖峯律歷乎江水之湄洞宇嵌空可以容賓從而列豆觴亭遺址僅存公斤基而新之凡此皆前日之荒涼岑寂隱晦而蔽蒙今則變而為超絕殊偉之雄觀蒙其顯矣方信孺寶晉米公畫像記 寶晉米公世居太原後徙襄陽自公始定居潤州以宣仁后恩補秘書省校書郎洽光尉淮南幕改宣德郎知雍邱縣 監中嶽廟授漣水軍發運司勾當公事 撥發入為奉常博士知常州不赴管勾洞霄宮知無為軍復召為書畫院博士擢禮部員外郎知淮陽軍痒生于首

謝事不許卒于官 年 月 葬丹徒長山下信孺順道洽

光訪公遺跡得此山養病篇及 石刻來桂復得僧紹言尉臨桂秩滿寓居西山資慶寺頗與紹言遊故有此作其他蹤跡則缺如也至于序中云書于桂林 堂今亦失所在豈舊尉耶公作畫史 始尉官桂林而是時文章翰墨已足高跨千古然蔡天啟誌公墓書洽光不及臨桂豈所謂名 者臨桂中耶抑先臨桂後洽光天啟所書畧及之耶公之孫 公遺文如北山養病篇紹言詩序等作皆逸焉豈公時 次偶未見此耶公 碑皆書熙寧七年今去此且一年百二十餘載其聲名與天壤相終始於 先 游桂林者或未必知其詳信孺將漕于公之曾孫 秀實為靜江府 支使藏公自作小像有小朱題字 其游山時 此 刻之伏波巖公題名之左且高宗御製碑 像贊冠馬併 公平 於下方 舊游使來者尚可以想像其凌雲御風之高致云嘉定八年八月旦朝奉郎廣南西路轉運判官莆田方信孺記其小影之上有高宗御製贊曰襄

陽米芾名書得六朝翰墨漁獵無餘骨與氣勁妙逐神俱風姿
亦然縱覽起予旁有注又先南宮戲自作小像真跡今歸御府
友仁書友仁芾子世稱小米者

題名

知桂州兼經畧安撫陸誥提點刑獄公事余藻轉運判官孔廷之
兵馬鈐轄白均徐印新知鬱林州姚原道經畧司勾當公事劉恕
治平二年立夏後二日會于此藻題
南陽達夫會稽蔚宗清江志康熙寧壬子八月望日同遊東巖
潘景純米黻熙寧七年五月晦同遊
起居舍人龍圖閣待制知桂州曾布子宣轉運使尚書度支郎中
直集賢院陳倩君美副使殿中丞苗時中子居提點刑獄太常博
士劉宗傑唐輔提舉常平秘書丞齊諶子期管勾常平前江山縣
丞劉誼宜父元豐二年六月初三日同遊伏波巖
建安陳倩吉水彭次雲歷陽齊諶吳興劉誼元豐三年十二月二
十四日同遊伏波巖後二日大梁和斌獨遊王載

曲江譚挾弟拱忤湟川蕭汝明同游紹聖丁丑孟秋二日文初題
朝請大夫直龍圖閣知桂州兼經畧安撫胡宗回醇夫朝奉大夫
轉運副使程節信叔朝散郎提點刑獄梁子美才甫奉議郎提舉
常平譚揆文初累會伏波東巖茲巖勝絕在桂林洞穴之上其蒙
亭之本末景物之支會已載經畧司管勾機宜文字黃邦彥之記
云紹聖三年十月二十二日管勾書寫機宜文字胡義修奉命題
路分程子立被命西邕兼將黃忱君錫餞別于蒙亭時元符己卯
孟夏既望

鄱陽程節信叔曲江譚揆文初臨川劉蒙資明全魏董道守道廬
陵曾鎮次山自八桂堂過伏波巖吸茶遂遊龍隱洞辛巳清明前
二日謹題

乙未元日端臣復遊

曹聖邁黃彥舟劉秉文李端臣躑躅青驄綠綠楊芳榭挹滄瀾與

春工相忘無何鄉政和丁酉絕煙節

清源劉鑑逢時膠州蔡懌樂道晉江呂汴子會祥符馮元震亨之

襄陵侯材晉卿蒼溪王蕃子宜自湘南樓泛舟過伏波巖避暑抵暮而歸宣和己亥六月十六日李昇之譚振尚肅之黃鐸同遊桂林富有巖穴而盛暑易于來遊者唯東巖冠之宣和庚子六月二日三衢毛子嘉率天台周文虎昨陽張君原四明林茂民巴陵黃師心三衢徐伯材會飲于此翌日天台周彥作復攜酒與昨日諸公偕來獨文虎伯材不至而宜陽吳廷貺與之建安練山甫補官宣和乙巳寒食前二日攜家來遊子宗袞宗元宗孫應侍行甥潘希孟奉命書

經畧安撫蔡懌同提點刑獄尚用之轉運判官黃鐸轉運判官曹邁提舉常平王舜舉廉訪使者練山甫早飯靈巖過曾公巖棲霞風洞程公巖烹茶晚會于八桂伏波巖抵暮而歸時宣和乙巳季春初十日題

晉江呂成之詣樞府稟議紫洲李域建安呂著長沙李服休都嶠陳覺湘潭吳芾飲餞于伏波巖靖康初元季夏四日

孫仲益自山還晉陵桂師率二漕憲車餞于八桂堂劉立道陳

景淵董令叔趙少隱紹興四年十月二十一日

潮陽劉昉方明自蜀還鄉過桂林寓八桂堂治舟伏波巖下追昔為兒童侍先子官于此邦始至以政和乙未之秋而其去以宣和乙亥之春今三十年恍如一夢感歎之餘因識巖壁庶使後有考焉男汶渭漆孫男駒騎鸞鵬外甥葉騏侍行紹興戊辰六月中浣方明以戊辰六月登舟東歸翌日解維泊雉山又翌日聞命復帥湖南遂還八桂辭不獲命改元而北以十月二日啟行赴鎮是用再勒于前題之左方浚儀張璩温之被命前來賜經畧施大資止八桂堂五日復還武林因暇縱步來觀是巖紹興丙子末伏前一日

賜下有三字似夏樂窩豈施有所居名之御書遣賜又恐涉謬故不具書

拱甫鄭子禮挈家來遊隆興甲申中秋日

林得之置酒喜豐堂劉子思滕子昭蔡濟忠張安國林德光同集

乾道元年臘日

宋公玉歸豫章王壽卿姚周卿由子謩張子真子斐程善道黃德制王儀之滕彥真飲餞于此乾道己丑六月十七日

秦舜卿李南夫淳熙甲午重陽日來遊清之官秦寧王登叟李壽言

淳熙丙申三月九日王千秋袁陳席珍謝長卿李于呂伯餞于

癸水亭千中千乘與馬方信孺楊志李閱祖嘉定六閏

嘉熙改元初伏後一日長沙雷文瑞祥仲趙師華舜臣虞臣寅之

劉應定直甫羅仲孺巨卿黃岡徐敏子銜命措度南州館穀巖側容四明戴炎長沙韓夢發

寶婺周翦星渚馮勃外孫上饒尤日新侍時淳祐丙午仲春下澣

淳祐丙午立冬後七日廬陵劉受祖之橫槎惠祖之蒼梧艤舟伏

波巖下蘭溪趙立德成以寶祐甲寅歲閏六月十有一日攜家東歸艤舟

還珠洞至二十一日遊徧諸巖洞即行

長沙胡德新盤叔泛灘歸湘猶子克紹同資中郭又新居安及鄉

人周德明清叔梁世賢國佐鍾整子浚鄭益謙遜伯飲餞癸水亭

裴回巖下笑談竟日執別煙雨中寶祐乙卯元宵後一日

覃懷李曾伯長孺以淳祐己酉來牧是邦越十年再開制閩屢至

此洞每輒煮泉瀹茗襄回竟日令人起清斯濯纓之想不知身在

飛鳶點點墮水處也蓋參山帶水勝絕天下而此洞又居參帶之

勝舊有癸水一亭因城築令更為之男杓杞籽孫國華侍景定庚

申首夏二日謹識眉山朱景行以咸淳戊辰十二月三日登舟於此

吳興陶定安世來游甲申冬十一月初張公位張唐輔吳正禮同

游劉舜舉張子容直子安胡宗周同來庚寅三月中澣靜江軍三

大字集賢殿修撰熙河蘭岷路經畧安撫兼知熙州鄱陽鍾傳

書寶文閣待制知桂州兼廣南路經畧安撫使鄱陽程節上石

正夏堂三大字隸書吳郡范成大立昨陽杜易書還珠洞三

大字或曰張孝祥書

灘山人曰伏波功烈著在嶠南及壺頭沒而薏苡之謗興去征南
歲月頗遠顧獨令東巖蒙斯號謬矣此考或為頌桂帥之言與尹
氏志符謂張維以張孝祥更之孝祥故有朝陽亭棠陰閣兩記美
維假此并張公洞答孝祥亡足疑者第所在壁峭潭深抄搨譚險
無從得其本觀之為快也當伏波軍行時亦未出此道不然武谿
之吟何所發之即邛離入越亦從桂陽下匯水武水出臨武匯水
云在四會漢書出湟水出東道為便新息故遵用焉乃餉道及他
兵間或經此前葉令議祀兩伏波不知邛離曾未涉境有其舉之
新息是已奈何邛離云乎范之勸駕無關於山以序有朝宗渠先
之以祖道終之以信孺渠繫不細朱之異木得之山下故附見之
光月癸水兩亭詩僅存曾之一餘蕪詞不敢概入蓋有以哉

七星山

渡江而東則有七星峰峰駢岫列高視近野羣山莫與並然亦有
諸巖洞冷水出其東棲霞出其西又有玄風彈丸為棲霞左右掖

南則龍隱雖小隔越諸峰迴映連綴狀斗故曰七星彈丸溪水流
經山前冷水亦自有泉橫貫其中以曾相國布梁水上故巖一名
曰曾公棲霞相傳名起自唐宗改為仙李巖玄風則陰廳從洞出
坐者忘暑彈丸本以溪石圓轉名之而其他煙堂霧室半出空中
道絕不可攀窺者有七八處若在地上列炬可入火光所及瑋怪
觸目不可勝數雖乳所鍾巧踰雕畫孰為此者造物人謀鬼謀烏
可效乎惜不遭班張左潘觀靈祕發盛藻賦之以傳而徒得菟瑣
如宋以來載筆者能無慨哉非此又無所錄龍隱特起別之
棲霞 唐祀玄於此故名玄元棲霞洞傳聞洞前有唐慶林觀又

曰東觀

風土記云東觀在府郭三里隔長河其東南皆崇山巨壑綠竹青
松峒崆幽奇登臨險易不可名狀有石門 之狀而隘秉燭行
五十步有洞穴坦平如毬場可容千百人如此者八九約略相似
皆有清泉淥水乳液葩漿怪石嵌空龍盤虎踞引燭緣涉竟日而
還終莫能際相傳云昔有人好泉石多求花果裹糧深涉而行還

計其所行已及東河之下如聞棹楫湍湍之聲在其上又山外高峰舊有亭臺近已摧壞

虞衡志云棲霞洞在七星山七星山者七峰位置如北斗又一小峰在旁曰輔星石洞在山半腹入石門下行百餘級得平地可坐數十人旁有兩路其一西行兩壁石液凝洳玉雪晶瑩頂高數十丈路闊亦三四丈如行通衢中頓足曳杖鏗然有聲如鐘鼓聲蓋洞之下有洞焉半里遇大壑不可進一路北行俯俚而入數步則寬廣兩旁十許丈鐘乳垂下疊疊凡乳狀必因石脈而出不自顧石出也進里餘所見益奇又行食頃則多岐遊者恐迷途不敢進云通九疑山也

詩

唐從事盧順之於東觀席上贈張侍郎
渡江旌旆動魚龍
令節開筵上碧峰
翡翠巢低巖桂小
茱萸房濕露香濃
白雲郊外無塵事
黃菊筵中盡醉容
好是謝公高興處
夕陽歸騎出疏松
張侍郎固和
亂山青翠郡城東
爽節憑高一望通
交友會時

絲管合羽觴飛處笑言同
金英耀彩晴雲外
玉樹凝霜暮雨中

高詠已勞潘岳思
醉歡慙道自車公

張遊東觀
巖岫碧孱顏
靈蹤若可攀
樓臺煙靄外
松竹翠

微間玉液寒深洞
秋光秀遠山
憑君指歸路
何處是人寰

宋孫觀
十載汗修門
簪蠹侍帝垣
五雲深莫窺
衆星拱以繁

一坐牖背書身落
梅上村山川
發餘想鐘鼓
眩昔聞星圖煥斗

極兩兩錯地文
今夕復何夕
乘槎造天閭
日月豈可挾
參井定

足捫誰能揭
其柄為我酌
瀛樽

呂愿忠
郊原同按轡
杖履陟青冥
山色混林樾
溪光照斗星

峰高插戰兔
徑曲穿庭一聲
千巖特音

張孝祥
登七星山賦
呈提刑仲欽
魁杓厯厯控雲嵐
地闊天

虛萬象涵不與
天公管喉舌
猶堪嶽立鎮湘南

張維次
經略舍人韻
列岫凌虛瀟翠嵐
龍泓澄澈七星涵
巖

瞻好向西湖著
飛去何妨自嶺南

張自明
玉洞沈沈鎖碧虛
月華曾伴日華居
刁圭影觸金丸

彈蟬蛻形留錦鯉魚舊隱已荒三徑草仙人忽授數行書丹霞自有棲真處十里風松可跨驢

羅大經從趙季仁游洞作瑰奇恣搜討貝千趾老仙遺祠邈誰始後繼述之李復李異同枝根隆復社巨畫更饒埒前美紫氣臨關西未止張留著書繫尹喜末孫銘馬適當爾附名崖端永不毀

范成大碧虛亭銘并序唐鄭冠卿遇日華月華君于棲霞之洞與之笛不能成聲傾壺酒飲之僅得滴漉獨記其贈詩二篇出門見二樵者問曰洞中樂乎跬步亦失所在吳人范成大小築其處以識幽討按詩卒章云不緣過去行方便那得今朝會碧虛即以扁榜且銘之巖壁銘曰空洞維石中玉碧誰歟知津有翹負芻我來扣門兩翁在否雖不能醉君酒為君作亭表巖之扁名翁所命而我銘之

題名
河間俞獻可上谷燕肅趙郡李誥聖宋天禧二年秋月中浣元同

遊

皇宋慶厯四年甲申九月二十三日辛巳廣南西路提點刑獄尚書虞部郎中隴右李承德尚書職方員外郎新知永州榮陽潘衢

轉運判官太常博士安定梁戴

曹聖延李端臣躩雲磴摩星魁倚筇少憇于此丁酉七夕前三日經略安撫蔡懌樂道提點刑獄尚用之仲明廉訪使者張洵仁仲

宣和甲辰八月初八日同游

紹興六年丙辰歲上元日八桂龍躍并宛邱唐全同刊仙李記到此因而刻題

方城張淵道晉陽路質夫贛州曾吉甫桐廬方務德潮陽劉方明

紹興戊辰六月丁酉同登七星山

紹興丁丑正月己巳府縣官屬汝陰張好禮定叔開封李喬元傳

之睢陽王處存子安洛陽楚偃師言長沙吳延年永錫壽春魏美

言季及溫海戴子琦君美清江楊鱣正伯休務相從尋春于訾家

洲訪程公巖入棲霞洞憇于黃氏之園極一時觀遊之勝繼至者

二人開封賈戒之公戒柯山陳梁伯初 余素有山水癖游宦江
浙逾二紀明峰繡川歷覽幾盡飽聞八桂巖洞之寄恨未能一到
得郡鬱林因攜家謁清惠祠泛舟過龍隱食已由曾公巖入栖霞
洞 窈窕數里不能極其涯既出相羊石扉宴坐終日有野雲飄
素練羣峰錯蒼壁超然頓忘俗意信壺中有天語非虛誕又疑飛
空步霧乘風駕鶴而來想山島蓬宮不異此也隆興初元七月廿
七日三槐王定甫之書會稽諸葛國瑞永嘉林勝遠行偕 乾道
癸巳重九吳人章潭邃道范成大至能攜家同登七星山遂遊棲
霞水月諸洞
鄭少融趙養民李正之范至能落壺天觀還會碧虛瀉熙元年
范至能赴成都率祝元將王中顯游子明林行輔周真夫諸叔國
時酌別碧虛瀉熙乙未二十八日
增城崔公正子被旨奏事以癸酉上春下浣舟行先一日括蒼管
定夫濟陽李誠之會飲于湘南已而游屏風彈子巖棲霞洞又泛
舟龍隱歸集于脩然亭時積雨新霽風月較美清流碧嶽隨處莫

不呈獻特為公妍黃童白叟夾道相與咨嗟深惜公去蓋公持憲
甫暮年而行部之日居半未嘗足歷巖洞及茲召行肯為一日留
酒行加歎曰天下巖壑稱誦此地誠亦希有人生臭味投合此會
良未易得景物與人情覺相愛戀此意尤難忘其為我饒此語于
巖石他日以墨刻寄似亦足以慰所思云故書

莆田方信孺 嘉會七星山嘉定 陽月來

呂偉信留桂林五月凡山水之勝無不登覽於其行也蔡顏仲具
酒率韓弼時蔣商澤同遊以別之陰風淒涼倍有離羣之念癸卯

九月二十日

瀉祐辛丑六月二十一日昭武謝遠叔達金江右蕭灝曹朋年周
復明曾遊

萬必達瀉熙改元仲秋九日獨步壺天關回憩碧虛伏讀鄭君事
蹟長歎二真景昔時之集今獨何異于愚也敬書

洞有李彌大仙李巖三大字 洞門上有方信孺遊四大篆書又
有小書嘉定甲戌七月既望刻于棲霞洞

玄風洞 虞衡志云洞去棲霞亭數百步風自洞中出寒如冰雪

詩

宋曹輔同歐陽晦夫邂逅遊風洞 一水羣峰翠若堆洞天終
日鼓風雷每懷絕境超然處卻與幽人偶爾來
李彥弼與曹聖廷遊風洞及七星觀賦長句 文英子建聲華
坦少陵嘗詠波瀾濶迢流疊鍾宜春觀君紫芝真秀拔華山
駭耳汗血孫奚取王良手芻秣駸駸凌厲追遺風胡為頓纓馳
乃射虎耽疏豁強顏方喜安斗筲稟分何能塊圭撮胸中琳琅
第埃瑤自恣鉉鋒之破割時過西隣靳發藥雷引玉泉澆膝渴
新商執矩蚤威令甘靈騰虛推虐魃約君飄鳧負滄漪背泛青
天 夫闕風來空穴襲髮毛刷腋涼颼振絺葛冷然便擬列子
遊不待別起青蘋末徐躋七星趾山椒杓魁敵虛狀旋斡近君
白雪熱何有高談一激錐囊脫拔肩作者古徯徑餘事篇章隨
擊鉢盤跣不減二華君妙閱枯槩戰挑指光騎搖縱莫可留四

序翩翩幾箭筈頂看金柳流鶯鳴俄聽玉露叢蟬聒清輝默韻
無絃琴烏用檀槽揮一撥我方騷愁愁到骨潛睨蠹蟬眉目綠
徒操詩窮擁鼻吟 或酒酣將月喝生平剛腸久已屈賴爾匹
夫難志奪故交紛紛翔赤霄大鈞播物昭窮達德尊一代元坎
珂儒腐百年決羈羸南溟垂翅雲翼收北窗點卧霜鬚捋病馬
猶期春草長涸魚終需江水活君行趨觀長安日軼興橫秋疇
可遏公卿傾風定援手鴻造機緘由一揆江湖要作迴相忘靜
言可笑相濡沫

趙夔 青嶂橫開高幾重鏡巖直上半天中虛明洞口千年久
澄澈流來一溜通海蚌張頤方吸月雲龍奮跡遂乘風隼旗出
有隨軒雨指日秋成賀歲豐
張孝祥 山入烏巒連越雋天開斗野對珠宮應憐桂海長炎
熱乞與清涼萬竅風
文 宋柳開銘并序 出桂城東抵慶林觀背山下有洞出風溘化

元年開知州事往避秋暑因刻銘於
桂東巖峰洞穴空
通淒肌森襟沒骨浸心瑩雪若潔凝冰若冽暑宇如燠周陬流
毒其何如斯為能去之崩山峩峩崩水湯湯亘古綿今氣炎土
荒物爽爾情候乖邦節夏雨多涼秋旱多熱春表冬扇朝順夕
變反側無恒天癘相仍我來中百慮時窮備然自釋忘歸終
日勒銘巖石用紀罔極

題名

程節信叔張敦溫景直董遵守道許端臣中甫元符三年五月十
九日遊

政和壬辰季秋丙子經畧安撫使王先之邀轉運副使陳道夫提
點刑獄唐夢傳提舉學事陳質夫提舉常平陳從道走馬承受陳
明遠轉運判官唐晉德蚤集東禪寺飯於安樂堂煎茶少憩遂過
風洞

宜春曹邁聖廷廬陵李彥弼端臣凌商繼絕湍桴挾隨車之霧潤
探空穴之薄膚於是乚雲子甌酪奴討文囿之菁英研道樞之虛

無恍契夫禦寇之冷然刻翔乎寥陽之清都政和七載丁酉七月
上澣日李昂霄奉命書來風亭落成少隱置酒會者幾人立道景

淵令升汝弼仲益紹興甲寅七月十一日

彈丸山宋人名其巖曰彈子今曰
水經云灘水又南合彈丸溪水出於彈丸山

詩

朱晞顏 傷弓柱木謾猜嫌巖石稜稜彈樣圓鵬鷲橫空秋凜
凜鳧鷖渡水晚翩翩私心灰冷慵思繳蹇步塵勞不受鞭挾彈
張弓付年少歸歟趨取菊花天

宋陳讜

地迴山奇怪神仙喜穴居百雲剌洞巧五石補天餘

商野幽人夢周南太史書心乎愛邱壑勝槩一躊躇

徐夢莘與鄉人宴集巖中作 吾儕生江南遠近且鄰鄉一官

皆為貧餬口走四方遇合良獨難動如參與商誰知自有時朋

盍聚炎涼外臺參計畫幕府佐紀綱出宰得壯縣司教涖郡庠

曹掾勝三語薄顏其仇香不止似人喜頓覺吾輩張合坐尊序

迴

齒避席敬行觴巖洞縱登覽杖履陪徜徉棊矢以相娛嘯歌情
意長舉酒起祝規愛我藥石良古人尚植立君子道其長平生
學忠孝餘力從文章臨節不可奪當官有何強窮乃見節義老
當志彌剛鴻鵠在寥廓騏驥終騰驤願言各勉旃事業要輝光
他日光上道富貴無相忘
無名氏訪東溪舊居 出山曾與白雲期為道歸來自有時花
老任從春盡盜客愁甯免鬢絲絲知還迴有陶潛興念遠誰憐
宋玉悲見說竹林新筍盛已分清影入藩籬
又 去去來來醒醉間事牽南北自相關寒蛩數處坐中苦歸
雁幾聲天外間情愛已流三峽水夢魂時傍七星山去齊孟子
休濡滯豈必虞庠好鑄顏

題名

諸巖多奇觀獨少寬平縱步之適惟彈子巖前有地官餘畝水竹
窈窕環以遠山經略眉山劉公焯始買地為圃隔橋築亭仰觀崖
石如坐冷泉對飛來諸峰遂為桂林勝遊之窟淳熙庚子中秋日

百

李克

坦

暮 慶 春 盡

飲

會於靈隱亭登舟貫龍隱得雨甚涼沂流酌癸水亭上醉荷香而
歸括蒼梁安世題

江西鄉人同仕於廣右者十有二字蹊成叔郭有憑克誠潘修文
叔李石韞玉徐夢莘高老王璟季文張垣明仲蔡詵子羽陳公璟
師宋魏沐熏父王思詠詠之孟浩養直淳熙重光赤奮若仲秋中
澣講鄉會於湘南樓過彈子巖題石

淳熙九年歲在壬寅暮秋初吉七閩熊飛景瞻以憲事行部至桂
林與鄉人官遊者李暮東暉李桐伯廣王揆欽之陳閱周卿上官
駿子聲鄧夏卿仲華吳三錫寵卿吳榮漢老楊延季洪卿陳璧廷
珪鄭震希聲潘元震子聲陳光祖昭遠吳孝友次張趙冲虛中莊
漢輔李良蔣孟震震卿朱木仁叔陳鷹定夫會於諸洞以廣庚子
之盟與者濮陽馬演季長青社錫良弼傅鳳臨川蔡詵子羽
桐廬詹體仁三山林惠偶遊龍隱曾公棲霞彈子諸巖洞天霽氣
和徜徉終日第憲車行部不得同此樂也淳熙乙巳正月中澣
蒲陽陳謙正仲自三城辟守懷澤就銓計臺仲子連侍行臺府賓

習

中巷汝溪

濱

佐移尊水東盤薄松關歷覽曾公棲霞彈子諸巖洞游者十二人
 北嶽王宗孟景醇趙庚叔泉山初林子蒙亨仲廣平李正夫爾老
 廬陵董世儀子羽建安鄭繼勳少周劉襄伯寵臨川楊汝明仲藻
 西安徐誦叔虞金華宋姓茂叔新安朱權聖與長沙李魯玉伯温
 時連雨忽霽寒氣亦斂景物呈露極歡乃歸慶元改元冬十一月
 二十有六日
 開禧改元季冬濟東都趙善惠作肅領兒曹汝列汝瀧汝渲來遊
 壻昭武謝甯孫鄧友直外孫謝瀆鄧筠侍行 後一年清明前間
 傳說功高傳巖野謝安石著謝公山激泉救旱為霖雨磨石書勳
 破海蠻應共白雲同一意帝鄉歸去未能還

詩

曾布和 從事區區厭獨賢尋幽深入翠微間旋開榛莽東郊
 路偶得神仙舊隱山都嶠三天臨瘴水靈巖十里接溪蠻何如
 咫尺隣風穴杖履時時一往還
 苗時中 紅旆尋幽東郭旁泉巖新得冠殊方一川氣象天開

作萬古榛荆地蔽藏崖穴乍驚堂室闢榜名知與日星長異時
 人指溪橋水思愛還同召伯棠

劉宗傑 謝公高興在東山尋得仙巖郡邑邊萬朵連峰凝碧
 乳一溪鳴玉逗寒泉由來物外無情景須信壺中有洞天嶺服
 已安衰詔近莫將歸夢更留連

彭次雲 目擊煙霞畫卷舒披榛敲石得蓬壺洞天日月千年
 久人世塵埃一點無靈藥難尋雲縹緲落花不見水縈紆使君
 鳳閣翱翔近謾與東山作畫圖

齊謙 天作地藏知幾年公來因得茂林間誰言物外真仙境
 祇接人居近郭山石乳望中蒼玉墜泉源深處臥龍閑行看再
 為蒼生起乘興從容重返還

劉誼 尋得新巖冠一州使君從此作鼇頭千年草莽埋幽致
 今日衣冠成勝遊洞穴已能驚俗眼神仙頃合隱浮邱主人將
 為商霖起還許微官卜築求

楊損賦呈經略龍圖曾公 陽巖高廠納晨曦鶴駕雲駢或可

期神物雕鐫元入妙人工開闢更增奇須知水石清涼處絕勝
塵沙熱惱時紅旆碧幢勞小駐多慙主客濫追隨
尚用之和當暑都忘畏赫曦遊觀邂逅得心期咸其自爾從
天造青以人為特地奇風露乍涼秋至後林蠻散影月明時朱
轡好事留佳客大醉高人許鎮隨
孫覲 羣峰倚天立萬馬屹不動風欹紫玉珂雨暗青絲鞍相
君千里日渺渺孤鴻送披雲觀天功鑿翠出巖洞中空貫長虹
側立藟甘棠有餘誦獨餘澗底泉時與幽人共
李彥弼 嵌竇棲霞敲虛轉杓左驂鸞翼右耳鳳蕭爽排酷烈
境邈氛囂靜者多妙於馬消搖
張金 欲訪仙真小有天路窮崖絕俯靈泉相君聊試濟川手
緊鳳驂鸞盡有緣

宋劉誼記 元豐元年冬交人入貢上方擇人處置事乃詔曾
公自廣州移帥桂府二年南方無事民和歲豐公以其餘暇訪

尋桂之山水奇勝處一日率郡僚遊所謂風洞者縱步而東行
得一巖於榛莽間巖之前有石為之門屈曲而入則流水橫其
中碧乳垂其上周環而視其狀如雕鐫刻鏤殆出於鬼工而不
類於融結者也公於是拂石求前人之跡則未嘗至者焉乃構
長橋跨中流而流以為游觀宴休之處且與眾共樂之自是州
人士女大夫四方之人無日而不來其巖遂為桂林絕觀夫桂
之洞穴最多南而白龍北有石門迴穴據其東隱山在其西皆
唐名流之所嘗遊也觀其詠歌序刻莫不極道其勝槩而歎前
人之所遺者斯巖之景亦冠絕矣而乃獨遺之是真可歎也已
豈當時忽於尋訪而不見耶將唐人之所謂天作而地設之必得
於子之多顯耶余生長東吳號為山水窟中如天台雁蕩最為
奇觀然未有過此者也邦人樂公之德政而願以曾公名其巖
以比甘棠之思余故為書之且以告後人收入為圖經盛事云
公名布字子宣其年九月二十六日管勾本路常平前江山縣
丞劉誼記

題名

元豐三年十二月初五日權本路轉運使朝散大夫直集賢院陳
 倩君美權荆湖南轉運使司朝奉郎直集賢院朱初平仲隱權發
 遣提舉本路常平等事光祿寺丞劉誼父同遊曾公巖時仲隱宜
 父瓊堯體量安撫回歸任會此盧約潛禮胡田耕道劉川子至胡
 義茂修方樓禹隣元弼葉世隆振卿嚴溈質夫傳諒友冲益方元
 哲久迪紹聖乙亥初偕遊
 朝請大夫直龍圖閣知桂州兼安撫經略胡宗回醇夫朝奉大夫
 轉運副使程節信叔朝奉郎提點刑獄曹輔子方朝請郎轉運判
 官程遵彥之邵承議郎提舉常平徐常彥和紹聖乙亥季冬甲辰
 同遊
 轉運判官周元吉寵遷近部副使唐夢傳餞別遊此提舉學事戴
 質夫提舉常平陳從道預馬大觀四年六月十八日權知州事張
 莊正民題時是妙樂來從風洞轉魁龍隱江歸先之道夫夢傳質
 夫從道明遠進德政和壬辰歲季秋丙子日自風洞來遊曾公巖

清坐良久遂過龍隱

經略安撫蔡懌樂道提點刑獄尚用之仲明廉訪使者張洵仁仲

宣和甲辰八月初八日同遊

湘陰彭子民彥修建安劉川子至西安留怙彥強洛陽席貢叔獻

同遊曾公巖元符戊寅九月二十五日庚午題

經略安撫劉彥適轉運副使程袞提點刑獄董莽轉運判官趙子

巖富春故侯孫靚紹興四年七月十二日同遊

番陽汪恪義安劉文桐廬方洪紹興戊辰六月二十有八日同遊

方城張淵道晉陽路質夫贛州曾吉甫桐廬方務德潮陽劉方明

同遊曾公巖紹興戊辰六月丁酉

唐逢堯趙周材劉時舉方稚川王公休汪聖錫紹興辛未二月二

日同遊

淳熙五年廣漢張棧敬夫時以閏六月朔旦北歸湘湖前三日與

長安周椿伯壽來遊水東諸巖以致其欲去之意賓客相追尋於

山間者陽武万俟立中不倚建安黃德琬廷瑞八桂張仲宇德儀

蔣礪良弼公佐李化南夫延平張士侏子真唐弼邯鄲劉乘晉伯
長沙李揆起宗吳獵德夫宜春李逢源造道東萊呂修年永叔
涪熙辛丑立秋後一日括蒼梁次張拉清江徐商老浚儀邢之美
延平張子真柯山李伯寅來遊當暑而寒劇飲不醉
蔣子明王千秋謝長卿紹熙二年六月晦日來遊
鄭子壽倅湘清總檄過八桂姚山列行以嘉定己巳之朔旦偕前
邵陽令三山江信之來遊
潮陽鍾大鳴赴廣東運司進士試莆田方信孺約同訪堯山歸路
過曾程二巖酌別於龍隱來日遂行玉笥山道士胡侏平偕至嘉
平八年六月晦
嘉熙己亥重九日帥守建安徐清叟直翁繡使稽山黃自明明仲
同遊
癸丑十月十七日兵仁叟譚雄飛裴夢貺同遊
高陽許慶元善弘農楊禹圭君寶辛巳歲季春二十九日同遊男
許珪侍行謹題

華陰楊損益老來自成都觀桂林山水奇秀歎未嘗見江都尚安
國長卿於是 金華姚 中文發寵弟充國翁卿定國曼卿定相
楊俊彥周輔相與徧遊巖洞登超然過八桂并雉山探風穴入棲
霞捫七星濯纓於伏波烹茶於靈隱酌酒曾公巖中泛舟妙樂堂
下自戊申至庚戌凡三日而後歷覽物外勝遊一段佳事也宣和
七年歲次乙巳夏六月初十日書
灘山人曰桂諸近山七星為冠棲霞宵邃與人世隔故唐人比之
仙庭如所云日月兩華君世甯有之哉猶燕奉方士談海中三神
山者卒莫至其下雖涉夸誕然是山之勝不可誣也故尹樞仙蹟
記輒剗去之其銘特以清警存李文光楊肩孫真聖殿全真觀記
於攢峰列壑不少光贊反為羽流張其土木何以觀焉圖經故傳
是山慶林觀以有瑞石告唐長世之符至遣李衛國靖就視之事
有無不足辨而衛國為大使安撫嶺外唐書紀之明甚頃循彈丸
溪行見溪旁石壁刻有唐桂州都總管使李衛國公廟天福二年
加封靈顯王字心儀其廟當在是地祠未經桂之伏波與祠衛國

不更顯據哉厥壁嶮嶮上出白雲下鏡清溪留眺良久目眴意迷
憶往期友人故中尉經盍挈臥其壁下冀覩竟日霞洞亟其奇彈
壁挺其秀足令千山望風自失其惟七星乎

龍隱山

七星迴映並薄青其惟龍隱分道宅南自表宜以巖名建山之號
云或曰龍影以龍去影存游者刺舟轉碕入竇見其上石裂長數
丈作鱗甲形登岸緣麓則有大巖如排高門坐皇堂可以廣宴或
題曰龍騰謂龍已絕地上飛右亦有巖日月牙狀月之初乃騰
隱兩巖列坐則丹曜滅焰引舟則玄壑生涼用消夏為快不似諸
空洞來風或中人也騰巖又有滴玉泉泉從山椒點點墮石穴瑋
然作清響宋人來游酌石溜試新茗即此故有釋迦寺環翠驂鸞
兩閣又有兩華堂或曰驂鸞乃宋范公成大亭或仍閣之名范又
有驂鸞記記自吳入桂道里所歷亭廢績建後更名曰怡雲即故
亭地宋游最盛鐫題之衆至環兩巖使壁無完石他巖未之有也
虞衡志云龍隱巖在七星山腳沒江水中泛舟至石壁下有六洞

門高可百丈鼓櫂而入仰觀洞頂有龍跡天矯若印泥然其長竟
洞舟行僅一箭許有洞門可出巖在洞側山半有小寺即巖為佛
堂不復屋焉

詩

宋李師中 過江緣磴尋溪根隱然絕壁天開門傳云此處有
龍隱陰巖凜凜猶疑存風雲已與時變合苔蘚尚蝕初潛痕嗟
予出處不自重遇事輕發難為神

又有序 師中嘉祐三年九月受命來嶺外七年十一月得請

知濟州感恩顧之喜不自勝留詩四章以志歲月今錄其後二

首 乞得衰身出瘴煙一麾仍許視于藩家園在望松楸近自

問如何報上恩 山岫白雲猶繚繞羣飛鳥尚鳴悲四年人

去豈無恨况是梅花滿樹時

張田 龍隱晦冥時莫考龍驤拳攫跡堪驚孔明久臥養全德

老子忽飛歸太清溪上一天常氣勝洞中六月自寒生至神不

得無情處甘澤年年灑百城

治平四年六月題後四十七年政和甲午三月孫修武郎光
祖重書上石

轉運使太常少卿章峴 吏局區區得暇難倚崖高閣暫登攀
羣峰半出重林外小艇橫浮一水間霜葉信風隨鳥逝晚雲沈
石伴僧閒夕陽欲下猶迴戀更鼓清琴數弄還
又丁未上巳重遊 溪干艤棹訪巖扉危磴攀緣不欲歸垂乳
滴聲當佛座宿雲猶潤在僧衣聊開袂席臨流水閒擲文竿到
落暉旅宦天涯廿寂寞送春無意惜芳菲
又留題龍隱巖 碧崖石室俯清漣蟠螭靈虬不記年委蛻去
為天下雨抱珠歸作洞中眠照開霧脚澄溪月滴破雲根暗穴
泉負郭勝遊雖信美柔間留愛我無緣

熙甯戊申仲秋二十六日刻於崖壁男凝書

張激 桂嶺摩天灘波經地兩磅礴盡石之變窮人之秘禹所
鑿故其高者峭拔排空礪矛掣而其下者宏曠洞達倅觀閣瞻
彼龍巖穹窿龍窠跨寥廓發地百尺蜿蜒蟻踞勢挾攬騎風乘

雲去為膏澤起焦涸或為至人老子孔明世程獲結融肖像綵
介朱 宛如昨風醒雨澁森然向人恐遂躍秦龍不官孔甲劉
累失其學亦復舞湫號蚓生物困陵轆我昔笠澤覽觀湖海天
一握正見神物下飲濤波醜澆瀟蒼鱗修尾其大環臂煙霞薄
須臾上征疾雷迅雨間飛電自喜壯觀絕後前邀霄壖豈知白
首矣陬水石窮脈絡雄姿偉態摩娑沈歎窘揚推潭湫涵澹尚
其來游醉挂瀑山空月寒風露淒然誰與樂却視陳迹感欽陵
谷貽以愕我作銘詩 牙嘆喞媿灑噩琢之嵌巖日月齊光萬
古託

許子紹晉題龍隱巖 矯首初來北斗峰直穿山腹作玲瓏石
間蛻骨痕猶在淵底藏珠水更通霖雨幾年巖野去臥龍何處
草廬空眼中要識真英物寫迹無勞想下風 淳熙改元重九
男升之侍

朱晞顏詩四首錄其二 遊壺天觀泛舟過龍隱洞小酌至月
上乃歸浪道湘南是瘴鄉玉壺銀闕四時涼臥龍不起葭灰動

愛日空驚綉縷長浮蟻且同佳節醉探梅不作少年狂暮歸慙
媿山頭月照我駸駸兩鬢霜

又暇日過龍隱山有以千葉白梅獻者輒成鄙句
素豔重重疊雪輕先春不怕雪 凝人言五嶺地皆熱誰折一
枝寒欲冰似笑疏花太孤瘦故教密葉擁千層湘南別有新春
樣拚醉花前喚不應 同時胡寺丞劉教授和梅詩以不及朱
故不錄

張釜 何年此地蟄龍飛石壁蜿蜒尚有蹤為報龍公莫貪睡
郡人于爾卜豐凶

張叔信後有小序 幾年鱗甲蟄清淵一旦飛騰石自穿遺跡
漫存離舊隱定應銜雨去朝天 洞口巖高著數椽湫靈聽法
護金仙騰身一躍天池後雲霧於今尚滃然

番陽銀峰張叔信慶元戊午季春上澣偶因暇日攜家尋勝巖
洞固多而此尤絕豈非神剎地設者耶聊書二紀其異同遊鄉
儁余儼季莊汪邁養浩

方信孺 春波飽微綠斗柄玉空明方舟貫巖腹鶩鶴相酬鳴
仰窺穹窿頂宛轉百怪呈僅餘鱗甲碎不見頭角猛下闕清冷
淵演迤萬頃澄但同魚鳥參勿遣蛟龍驚扶苔撫奇篆倚棹看
題名三將標殊勳自與山不傾誰歟贅小築政恐山靈嗔南洞
更幽絕仙佛依崢嶸太虛可為室豈復資樂楹乳泉助若椀中
有冰雪清何須驂鸞去此即白玉京鼎來不速客抱琴忽逢迎
愛此無絃曲崖溜同一聲為君洗塵耳喚我詩魂醒祇愁白衣
到好句亡絲成 石門原不鎖巖屋本無基九夏花猶在千年
樹倒垂僧閑方定起客到每歸遲甚欲眠蓬葉沿崖讀斷碑
曾榜武夷九曲何如桂嶺七星水石小容螭 煙雲長帶龍腥
愛山那惜走千迴生怕前驅後騎催石上參差鱗甲動眼中
在處畫圖開驂鸞未辨乘風去浮鷁何妨載雨來人事百年俱
變滅祇應題字不塵埃 兩腳初收魚尾霞滿溪流水平溪花
尋源曾識武陵洞泛宅如浮 水家但得嵌空元有路何如峭
絕不容車道人辛苦經雲水成塔從來自劫沙

無名氏 翠壁凌雲聳禪扉向水開巖高隱靈跡地勝隔羃埃
瀑影簷前落江聲檻外來斜陽無限景歸意幾徘徊 絕頂敞
靈洞危空寶榻開塵軒飛瀑布幽境出氛埃暑先秋去嵐光
向晚來忘飢聊一息鷗鳥共徘徊 亂峰凝碧鬪巒岿曾有神
龍此蟄蟠靈物已興甘澤去高巖依舊插雲端

題名

尚書外郎熊同文侍禁閣門祗候王貞白殿中侍御史俞獻可大
中祥符五年九月九日同來獻可書

廣南西路體量安撫使副余靖安道漕副熊文支經略安撫蕭固
幹臣轉運使宋咸貫之兵馬鈴轄柳涉公濟提點刑獄李師中誠
之馬仲芳子政通判黃照晦是日遊風洞棲霞洞遂遊此嘉祐五
年十月晦日題趙璞書奉台旨書

大宋治平元年仲冬二十七日同轉運判官孔延之長源前安撫
司勾當公事姚原道彥聖新知龔州丁錚帶聲自壽寧院抵慶林
觀少休風洞上登棲霞洞却下漾槎泊龍隱巖行觴嘯詠日薄西

渡提點刑獄余藻質夫因書遊覽之勝刻于巖石

經臣張覲執中劉彝志康傳燮熙寧甲寅六月八日同尋回穴山
飯於是巖酌石乳之溜試郝源新芽香色相得皆絕歎賞數四遂
同舟以遊風洞

權發遣轉運使尚書屯田郎中直集賢院張頡副使殿中丞苗時
中提點刑獄太常博士劉宗傑管勾常平前江山丞劉誼元豐元
年八月二十四日遊龍巖

起居舍人龍圖閣待制知桂州兼廣西經畧安撫使曾布權發遣
轉運使尚書度支郎中直集賢院陳倩權副使殿中丞苗時中權
發遣提點刑獄太常博士劉宗傑權發遣提舉常平秘書丞齊諶

管勾常平前江山縣丞劉誼元豐二年二月十日遊迴穴
南豐曾布己未上巳盡室經日歷覽東觀巖穴之勝遂遊雒山
南豐曾布甬上苗時中洛陽劉宗傑歷陽齊諶吳興劉誼元豐二

年四月二十日同遊
熙寧六年轉運使張覲經臣提點刑獄李宗儀唐輔馬化德之轉

運判官杜樸元珍提舉常平關杞蔚宗傳變志康議事於桂林
月二十九日成書過迴穴察訪廣西公事許彥先覺之題
比部周應期 陳大順判官張 進士林豐 熙寧七年六月

初八日同遊

朱子文劉伯宗元豐初年六月二十八日同遊

朝請大夫直龍圖閣知桂州兼安撫經畧胡宗回醇夫朝奉大夫
轉運副使程節信叔轉奉郎提點刑獄曹輔子方朝請郎轉運判

官程遵彥之邵承議郎提舉常平^{平糶}和紹聖乙亥季秋甲辰同遊
朝散郎經畧安撫使司勾當公事盧約瀛州防禦推官管勾書寫

機宜文字胡茂修和州防禦推官權管勾機宜文字樓禹鄰^{澧州}
錄事參勾當公事業世隆紹聖壬午七月癸巳^五信安留怙彥強江

夏黃忱君錫零陵陶達由聖弟迴鄰之宣城侍其鉉希聲洛陽席
貢叔獻元符己卯正月十二日同遊龍隱巖

壽之赴官合浦道出桂林遊龍隱巖伏覩先君經畧龍圖留題不
勝悲感元符二年九月旦日第三男供備庫副使新差廣南西路

鉉

鎮

兵馬都監兼知廉州事軍州事張壽之謹記

新定許端卿中甫雅有巖洞之好被召歸刑曹鄱陽程節信叔歷
陽張景溫敦直全魏董遵守道酌別於此而中甫眷眷有惜去之

意元符庚辰五月十九日題
鄱陽程節曲江譚挾臨川劉蒙全魏董遵廬陵曾正建中靖國元

年寒食日同遊
天下洞類多幽陰或遠水清韻不足龍隱巖高而明虛而有容復

臨深溪大槩似碧落洞而登覽之富則過之建中靖國元年臘晦
日譚挾題

譚挾周冕杜奎張灌張元穎錢孝彥李彥弼洪彥昇程鄰周刊范
瑄曾定求辛巳臘中浣同遊

顯謨閣待制經畧安撫使王祖道若愚權發遣轉運副使公事張
莊正民提舉常平等事索述宗禮權發遣轉運判官公事陳邁亨

伯崇宣五年八月十有九日
若愚宗理亨伯正民崇宣五年聯事林屢遊巖洞將紀於石八月

下澣日宗理亨伯正民 未成而偶得此遂題
 韋公輔率胥士穎孫祖德劉與呂會食崇寧登轉魁觀風洞歷曾
 公巖泛舟之龍隱晚酌於驂鸞閣大觀庚寅十一月二十五日士
 穎記於石
 朱輅國器韓靖安道杜綜公賁戴孚中道純周裕若德李伯修時
 敏政和政元孟春既晦遊曾公巖登風洞浮江下龍隱抵暮而後歸
 陳仲宜道夫唐最夢傳戴安仁質夫陳中復從道趙淵深之唐懋
 晉德政和辛卯九月十有三日同遊龍隱巖
 建安謝勳古原田永年長沙裴曉侯廷季義柳杜傑淮陽楚執規
 楊書思鄱陽張琮臨川劉芑政和三年二月二十九日自東禪泛
 舟過龍隱巖
 劉鎡蔡擇呂汧馮元震侯材王蕃宣和己亥仲秋二十三日同遊
 魯郡尹溫叔孝家來遊日暮乃歸男穉侍行建炎庚戌六月上澣
 少隱置酒偷然會公弼景淵似矩鉞罷拏舟絕溪遊龍隱巖酌乳
 泉煎沈水解衣盤薄久之過棲霞晚復集於寧壽紹興五年三月

初十日
 建安陳杲景初襄邑鄭安恭子禮莆田吳贊仲一溫陵康寧元壽
 昭武饒浚明彥觀方城

濟翁吳祖憲叔章觀啜茗
 於此晚集信善題
 桂堂陶家園棲霞洞
 隱晚集雉山過于家園二
 日

方明紹興戊辰六月十
 劉汝昌叟桐廬方洪稚十
 八日同遊

素仲稚川餞別於八桂之
 巖舉觴相屬悵然有正月

中澣

唐時逢堯廬陵劉彥登

王忠臣子厚臨川

端中洛陽李津元映

紹興己巳春社同登龍過

遊曾公巖

朱景通將之石龍黃繼道董全老解官憲幕王師孟詹元簡邊方

稚川劉公孟餞別於脩然亭飯罷遊龍隱巖過棲霞洞登山臨水

離思黯然抵暮還湘南小酌紹興庚午九月日既望

唐逢堯趙周材汪聖錫劉時舉王公休方稚川紹興辛未六月二

日同遊

後五十一年紹興丙子十月初五日轉運判官王孝先來遊恭觀

先公經畧尚書舊志驚歲月之逝想風木之悲揮涕而書謹勒諸

石

開封蔣公被旨廣西幹事因遊諸洞至此少憩建武劉文舉偕行

改元隆興季秋初七日命姪存思書於石記宅日觀

七閩孫師聖黃壽之江清卿修卿陳啟宗黃升卿張子真子斐王

公左謝少魏乾道丁亥六月上休自七星聯鑣過程公巖小集龍

隱泛舟由朝陽以歸師聖子德卿壽之子希呂侍行

金華朱紱永嘉周去非直夫豫章簡世傑伯俊西洛王子燧晦叔

廣漢張杓定叟之甥甘奕可大來遊壬辰三月晦

淳熙十三年冬十月己亥桐廬詹儀之開封王寅祖姑蘇孫詔遠

職事之餘來遊龍隱是日大風重裘不煖俯仰久之至骨為聳

淳熙己酉中元日李景淳徐體仁劉益仁來遊龍隱巖樂水石之

勝徜徉久之

桂林巖洞龍隱其最也下有潭泓澄縈紆貫於巖腹世傳昔有龍

蟠伏其間因以名焉公同廬陵曾天若姪女呂祖平新塗董世

儀建安劉源來遊得二十八字紹興改元十月吉日新安朱晞顏

慶元戊午正月八日集松關之脩然亭既而拏扁舟延緣過龍隱

為水石更酌及暮登橋以歸董世儀子羽王崑德貢熊思遜謙甫

呂大信不約曾三畏無過武居仁榮叔王琳子休饒祖堯述古楊

相魏翁劉龜習李占楊汝明仲藻魏璋廷珪劉正之子正余棣林

華高正臣治表趙善欽欽之趙師撫聖從范行閔景騫喜而來與者趙彥繼仲正

魏郡王子羽公飾臨江劉正之子正廬陵李如圭寶之豫章黃銖公權慶元戊午中秋前二日來遊臨流班坐洗盞更酌久之而去

嘉定己巳合沙黃師淵子仁師騫子孝師哲子與師參子魯師雍子敬鄭潤輔濟仲同遊嘉定甲戌立秋後二日韶國趙善淇衛叔

假守玉融因獲登檻同遊螺川李卿月子西鄮山朱變德和男汝巉侍

曾同洪友成朱鉅朱鑑潘瀾劉天成趙必益必矩嘉定丙子十月朔同遊龍隱

嘉定丁丑立秋後一日昭武鄒應龍景初南 吳純 德粹廬陵曾煥文卿同遊

右文殿經畧安撫廬陵胡槻伯園提點刑獄吳興芮及言子及轉運判官括蒼沈實茂揚嘉定十四年季冬十有四日同遊龍隱時

茂揚已有星郎之命

嘉熙戊戌歲七月癸未龍溪顏頤仲景正邀長沙鍾震伯春登湘南樓過儵然亭浮灘江訪龍隱窮棲霞冷水諸洞之勝羽觴滿引角巾相羊時以令休乘暇幽尋超然物外髣髴乎日月華君之與遊也

涪祐丁未季秋中澣長洲陳信伯茗溪朱應元以幕府休暇日自癸水泛舟來遊龍隱流泉怪石天巧地靈老桂秋蕪風清日美人世之仙境也

河內李曾伯長孺同賓客溫陵錢宏聲父清湘趙奮夫俞仲長沙

楊久恭謙仲三山黃應雷叔震眉山楊埏子西臨川鄧涪德粹衡陽陳彌壽仁父以涪祐庚戌二月中澣來遊是日夕雨初霽風日

和羹相與煮泉瀹茗而去曾伯因為先世遺墨拂塵期而不去者巴郡稅與權異父

朱埴侍二親來觀寶祐戊午冬

閩中朱禛孫以景定庚申帥領右屬南邊倣擾之後惟征惟築日

不暇給賴朝廷威德年穀屢豐邊鄙不聳盜賊衰息咸涪初元春

誤蒙恩召歸行有日頃客任忠益楊恪趙與植朱景行
胡斗元管炎發蔡文周揆王煥陳堃王及公來遊男真侍
古壽呂師夔虞卿以咸淳八年被旨牧桂明年夏五叨召東歸乃
率偕行者壽諸石江陵李直清寅之九江周得一宏英合沙周舜
夫景舜古歛方端夫正仲光山胡文舉公選臨濠孫揚武景武孫
振武景文壽陽楊震孫東叟程遠達伯淮合肥翟國寶君端子元
直元仁元愷元方元哲侍
咸淳壬申嘉平中澣衡山熊桂巖伯 長沙巖龕應之廬陵管浚
發季源衡陽尹可繼可繼子喜
八桂巖洞為天下奇觀同谷李興九華章時發臺闌餘閑躍馬汎
舟仰堯山之高挹諸巖之勝時和歲豐與堯民共擊壤云咸淳甲
戌上巳後十日
雨華堂三大字 東平劉無欲書任心僧惠澄刻 世節堂三
大字 嘉定八年二月吉莆田方信孺新桂林西漕臺廳事為世
節堂長沙易祓書扁磨崖於龍隱巖

谿園居士四篆字吳億書

灘山人曰遊觀美而舟輿湊學士集而雕鏤繁終宋之世騰隱兩
巖衣冠填委矣略覽文字惜其名氏不無先政之思清直如張公
田恬澹如李公師中所至有惠政如苗公時中而余公靖則勳名
最優者也抵掌文藝娛情水石如章太常峴之清思方提刑信孺
之雋賞蓋亦來遊之傑焉而其他聲侔循吏言追有斐逸在諸書
出余觀記之外及未列名茲山者何可彈舉乃宋頌挈歸本傳平
儂之碑桂故備矣至若曾之神道羅之御書並列巖阿用垂不朽
固孝子慈孫之心然水木非其墓道林壑異夫先祠况衆遊之所
歸豈一姓之獨侈朱得屏於高涼洪遙記於鄱郡米程寄詠王正
功留題乳洞龍隱無與也又元祐黨籍崇宣獎諭敕書懲既非惡
賞亦非功何足視後世乎陳彌壽撰董公德政碑磨滅過半雖然
棠下之思峴首之淚豈一門生所鍾念哉

屏風山

山形折疊故以屏名去圓通灣不遠彎水紆滴下接彈九溪未至

灣分道行稍北抵麓又稍東巖門在焉其門東嚮上高下廣外屬
平野野無雜樹彌望皆長松七里諸峰近在東南蒼翠明滅若涌
松濤入巖見兩壁瑩潔如新琢玉屏不但折疊微似已也深入十
數丈地漸高起處有石磴躡盡則天光直射為後小門范公成大
表以空明又於其外作壺天觀觀久廢遊者憩飲巖中如在玉壺
又石壁上有懸崖可捫以登嘯呼其間又令人有五城十二樓之
想壁左有李彥弼為程鄰作建築兗州記故一名程公巖
虞衡志云屏風巖在平地斷山峭壁之下入洞門上下左右皆高
廣百餘丈中有平地可宴百客仰視鍾乳森然倒垂者甚多躡石
磴五十級有石穴通明透穴而出則山川城郭恍然無際余因其
處作壺天觀而命其洞曰空明

詩

宋張孝祥 高巖劃天開仄徑通乳穴隈堆青螺髻蟠嶮白玉
闕外有虎豹蹲內恐蛟蜃窟東縈俯雷電西出挾日月萬壑來
悲風六月不知熱但覺駭心目未易記筆舌平生山水趣嶺海

最奇絕洞有二十四未厭履齒折晚乃遊此巖餘地比僕妄同
來六七士嗜好頗相埒舉酒酬山神慰汝久湮滅

梁安世 宣政喜邊功隆克築州縣程公自名巖 記所建

得既不償費中興棄不繕誕謾磨崖辭當日妄誇銜英英西湖
仙改作壺天觀壁間之大字莊重如我弁詩文鸞鶴音筆勢龍
蛇攀登高瞰洞戶灘水澄如練勝槩出靈臺遐觀起三歎玲瓏
二十四妙墨鐫題徧我來為拂塵端茲侍顏面邦人頌遺愛壽
骨癯且健今 麟堂安得使之見

文

宋侯彭老程公巖記 自湘南樓渡重江而東林垌曠然距水

五里有山如屏儼然高峙若環羣峰而主之其中卷然而虛曠
而邃深幽巖天成仙居神護凡數百步貫徹山之陰高爽塏下
視七星山若導於前西顧州渚城邑可以指數蓋龍隱棲霞之
所蘊蓄與夫轉魁傲雲之所鋪寫是皆兼而有之備具衆美冠
於天南雖使造物者更復運意不可增損崇寧之初鄱陽寶文

程公始開是巖方是時桂人樂公之化而從公之游蓋無日不
熙然也咸以程公巖名之遺愛在人百年之思景物如昔言者
墮淚後數年公之子既來帥桂其忠義文武所以為國家捍邊
而庇其民者亦如公而年尚壯力方剛福祿功名未易量也公
之盛德可信者如此則是巖託公以久者當與召芟同日而語
又非特若羊公之峴山而已昔柳子厚為裴中丞記訾家洲其
辭瑰怪然徒列遊觀之勝而是巖也余可以無藉乎
范成大壺天觀銘并序 凡洞穴皆幽闇偈仄秉燭而遊唯屏
風巖高廣壁立如康莊大厦延納暉景內外昭徹石湖居士名
之曰空明之洞由磴道數拾級出小石穴山川城郭恍然無際
乃作觀臺是名壺天游客詫曰大哉斯壺亟裏如許居士曰世
所有相如空浮華心目顛倒 故善巧者能於寶珠及
以芥子乃至毫端出現塵刹彼觀者不覺不知況一壺哉客悟
且笑曰然則遊戲神道耶居士亦笑而為之銘曰心塵目華三
昧現前我提一壺彌大千無有方所四維上下此三昧門溥施

遊者
題名

經畧安撫蔡懌樂道提點刑獄尚用之仲明廉訪使者張洵仁仲
宣和甲辰八月初八日同遊

桂林巖洞冠天下而此巖最清絕又五嶺之冠也延陵鄧公衍彥
達宜春藍茁文穎秦臺西門賞進賢平陽邱阡仲通達炎戊申天
中節日來遊

經畧安撫建安周與道提點刑獄江東程巨明廉訪使者開封侯
晉卿達炎二年十月初五日同遊飯罷乘興遊棲霞洞

許中甫遊慶林來此庚辰六月二十八日題李似之林德充許師
仲雨仲同來乾道丁亥十一月二十有四日明年七月甲子師仲
與二水唐德柄三衢劉公實後來 後三日再至

經畧安撫使范成大新作壺天觀提點刑獄鄭兩落其成轉運判
官趙善政提點坑冶經畧錢守大正同集淳熙改元十月十日

夏鴻彥淳熙甲子仲秋題

瀉祐丙午復亨之明日永嘉翁安之恭父寶婺章文之文叔開封
劉必聞達可廬陵郭有道景泰在謹忠父盱江黃應龍正父周子
榮景仁縉雲潘景丑孟清江龍奎沃定同餞飲南海錢益良輔於
簪帶亭乃由棲霞步曾巖登辰山同會於此是月也瑞雪翔空愛
景騰耀羣玉獻狀沃野如綺騰馬良集於是乎書
灘山人曰余從巖壁讀李彥弼兌州記而重有感於立名之難馬
程氏帥桂暴兵竭貨以奉異類外之夸示州部內自結於君相顯
有榮名世載不替宜矣未幾而貽梁安世之刺其指與宋史符宜
漢法所謂附下罔上懷護迷國者耶夫既偷取及身之榮又欲規
徽永世之譽假寵文士雕篆名山自以為計之得李記豔矣如罔
功實何故不敢取載侯諸卑卑第為山存之至今里人亦無復知
有何程公巖者范文穆在鎮坦示綏襄不矜威畧公府多暇率遊
宴水方赴桂記驂鸞比去桂入蜀虞衡有志今見傳世聞吳則丹
青石湖桂則俎石名宦不期名而名隨之太史公曰名不虛立士
不虛附茲巖見之矣

桂勝卷三



疊綵山

桂城直北重門夾山山分東行曰鎮南厯仙鶴至疊綵其洞亦以
山名一曰風洞洞左小山曰干越其右小支戟立曰四望唐元常
侍晦各有小記鏤于其山多所發明越亭一詩為茲山麗製至其
移鎮浙東戀戀不忍去見于留別之詠三山蓋常侍之清賞處築
鑿之盛畧具風土記中當揭帝未陸時廣池漸麓茂樹連山干越
四望擁翠而前殘霞斷靄渙漫層崖何異疊綵然不但石文已也
洞後則堯山蔽天而下灘江若練南下鬪雞目之所游羣勝交集
又四望之下亂石縱橫枕藉排突半起半伏坡陀隱軫門逕延曼
亦他山所希有右極城北蒼翠繚落下則混沌上則瞻鶴諸巖互
經亦其輔也

風土記云越亭在府城北與壽聖寺接連有巖洞亭臺高峰碧嶂
山穴透出北面因名北牖洞遠眺長江極目煙水北人至此多軫

明 張鳴鳳撰

鄉思會昌初前使元常侍晦搜達金貂翔翰林歇厯臺省性好
巖沼時恣盤游建大八角亭寫其真其院即為寫真院歌臺釣榭
石室連池流杯亭花藥院特為絕景于時潞寇初平四郊無壘公
私宴聚較勝爭先美節良辰尋芳選勝管絃車馬闌隘路隅
虞衡志云疊綵巖在八桂堂後支徑登山大半有洞曲轉穿出山
背

詩

唐桂州刺史兼御史中丞元晦越亭二十韻 乏才叨八使徇祿
非三顧南服頒詔條東林證迷誤未聞述職效偶脫囂煩趣激水
濬坳塘緣崖歌磴步西巖煥朝旭深壑囊宿霧霸氣爽衣襟涼颺
輕杖屨臨高神慮寂遠眺川原布孤帆逗汀煙翻鷗集江樹獨探
洞府靜恍若倥佗遇一顏契真宗百年成妄故孱瞬石戶啟杏靄
溪雲度松籟韻宮商鴛鴦勢翔遡津梁危約架濟物虛舟渡環流
馳羽觴金英妒粉嫵笳吟寒壘迴鳥噪空山暮悵望麋鹿心但迴
車馬路懸冠謝陶令褫佩懷疏傅遐想蛻纓綈徒慙恤襦袴福盈

禍之倚權勝道所惡何必棲禪關無言自冥悟

又除浙東留題 紫泥遠自金鑿降朱旆翻馳鏡水頭陶令風光

偏畏夏子牟衰鬢暗驚秋西隣月色何時見南國煙花豈再遊莫

遣豔歌催客醉不堪回首翠雲愁

副使路貫和 謝安致理逾三載黃霸清聲徹九重猶輟珮環歸

鳳闕且將仁政到稽峰林間立馬羅千騎池上開筵醉一鍾共喜

甘棠有新詠獨慙霜鬢又攀龍

宋朱晞顏前有小序 新安朱晞顏攜家訪疊綵巖登越亭下臨

江流清風時至忘其夏日之畏云因書以記歲月寶紹熙甲寅重

五後二十日也

不到越亭久榴花今既紅江流寒瀉玉山色翠浮空百越薰風裏

三湘夕照中行藏仗忠信六合本同風

無名氏題分水嶺 無愁為不負人間荒徼虛名是老閑雁迴白

日迷千嶺猿叫黃昏隔兩山下刻嗣吳不知為何人

文

唐元晦疊綵山記 按圖經山以石文橫布彩翠相間若疊綵然故以為名東至二里許枕壓桂水則西巖有石門中有石像故曰福庭又門陰構齊雲亭迴在西北曠視天表想望歸途北人此遊多軫鄉思會昌三年六月歲功南自曲江上極山林四年七月功既

又干越山記文多剝落不可讀大都紀其扞構亭榭與山名干越之故略可見者裁數十字曰直渚之北有虛楹釣榭由此三逕各趨所抵左指山隈右向之僧舍為寫真堂北鑿山逕由東崖茅齋經棲真洞而北史記云秦并諸侯以百越之地為桂林郡吳遣步

騭征南克有干越此後惟有吳都賦字不可讀矣 又四望山小記 山名四望故亭名銷憂亭之前後綿絡山腹皆逕梁危登由西而北復東上疊綵右崖至福庭石門約三十餘步

題名

安南桂管宣慰使馬日溫送馬祭酒上後因遇兵王王人同遊此洞元和九年春四日題

南豐曾布子宣浦城陳倩君美苻離苗時中子居永安劉宗傑唐輔歷陽齊譙子期長興劉誼宜夫元豐二年六月初三日同遊建安謝勳信都李溫古原田永年淮海楊書思政和三年癸巳二月二十四日遊石門洞

淳熙戊戌春分日桐廬詹儀之體仁與僚屬來遊王稔庾王俊仲瑤周邦弼直卿鄭鄖夢授

開禧丙寅寒食日浚儀趙善恭作肅頌兒輩汝洌汝瀧侍行汝渲壻武陽謝甯孫鄧友直來遊外甥謝資鄧筠侍行 吳穎仰方夷吾子容劉孟公來辛未三月丁酉

干越山有唐貞元年間吉州康司士義興房丞江陵韋隨軍皆以所鐫字滅失其名惟前進士陶立言則可觀者亦當時來遊之題名也

疊綵山三大篆字又有福真洞三字亦篆書

干越山三字橫列自左而右山下有棲真洞及洞北門共九大字皆用篆

四望山亦三篆字不著書者姓名然皆元晦時所題鑄混沌巖三
大字亦篆文

灘山人曰諸言疊絲山者一曰桂山以山多產桂又云其上有越
王臺一名越王山至問其故則曰五代馬氏以弟賓節度桂築臺
其間遺址尚在雖然州既稱桂山悉從之何獨是山得顯桂哉第
如所云以多產桂柰何今寥寥也且疊絲之名元常侍自謂本之
圖經非自唐始何必遵行而必曰桂又馬殷乘亂起竊據湖南一
省何足道顧越王之何其悖哉干越四望不復為遊人所屬目即
越亭亦罕有能道其事豈非以淶池揚塵雕闌滅迹無從按視與
常侍至今七百有餘歲三山遺刻詞采清蔚可備頌覽者卒莫有
出其上不以屬之反循他稱可乎藉令越王隆臺中天祇取辱焉
惜華景失其巖光亭詠可為寶積發太息也已

寶積山

夾北城而西是為寶華當山中斷續以雉堞下有重門為西清寶
積山自南來交阨其口前巖東嚮為華景之前橫塘深廣晨飄霞

綺夕麗金波得水而觀益增故唐元常侍晦建亭一曰巖光以巖
拂水而寫光也石屋平敞可視龍隱其後則翠壁上蟠漸至峰首
有諸葛祠從北至西城壁峻削皆斬崖為之雖石頭之險不能過
也唐以前謂西阜高起名其地為盤龍岡諸葛之時無亦因岡名
與臥龍微相似耶或曰珠合不識所謂然此五六山峰嶂參錯據
之其險亘天而疊絲寶積兩巖洞分市對開其上若北城北城據
皇華之清塵申折柳之餘戀非東之疊絲則西之寶積矣
風土記云巖光亭在北羅門外臺亭巖洞亞于越亭亦是元常侍
新置有石碁局爛柯石
虞衡志云華景洞高廣如十間屋洞門亦然

詩

唐元晦 石靜如開鏡山高若聳蓮筍竿抽玉管花蔓綴金鈿
此詩蓋長律其刻至宋尚在今莫能得惟風土記存此四句

爾

宋呂愿忠 斯洞名華景纍纍乳石懸虛崖疑月窟絕頂瞰江
湍巖底金仙 峰頭玉井蓮地形居眾外氣象偉無前徒杖觀
初日歸輿觸暝煙蔽林排翠幄封蘚簇花鈿幽致恣清賞鐫題
記昔年猿啼聲應谷雲破月侵筵策蹇追華駟鳴弦指墜鳶誰
人能畫此為倩老龍眠
張自明 踏破蒼苔覓舊題五言覓得晚唐詩嚴光人憶遺名
好華景天開一段奇鐵鎖掣關纏壁壘玉梯穿路透瑤池古心
未展閒遊戲慙媿平生華子期
鄭會龍題蔣詩翁故居 詩翁仙去舊壇荒雲滿空山花自香
老盡游人春不問杜鵑聲裏幾斜陽

宋李曾伯紀功碑 寶祐戊午朝廷合二廣創制閩命曾伯再
牧防南鄙也尋調建康都統制朱廣用領軍來戍于是此諸道
戍兵並委之總統相與修浚城池為保固計是秋敵略州邑境
賴我師揭之不致深入明年開慶己未築壘甫竣邊警已動七

月敵渡烏泥江八月掠橫山九月二十二日薄我城下幸壁壘
具將士用命一鼓而挫其前鋒遂引退若于數十里外我師晝
夜攻劫大小十餘捷敵氣頗沮相持兩旬由開道而湘亟遣兵
追襲一捷于黃沙士氣彌奮鼓勇直前再捷于衡山敵不克逞
乃悉眾引去夫以敵人金戈鐵馬之銳深入南荒偵伺二十年
馳騫數萬里擁眾而入其聲勢乃前所未有向非桂林砥柱其
衝師武臣力敵王所愾廣南亦岌岌甚矣此皆宗社威靈天人
祐助億萬載無疆之福也茲制閩結局都統制且徹戍以歸龔
石請紀文武賓校氏名載念封疆之危非小變也連年得以固
我封守吾民克免兵難誠同舟共濟者之力矧蒙煙瘴犯霜露
備極勞苦是不可不紀以示永久非事誇詡也提刑提舉兼參
謀四明豐蒞制幾左綿文可嗣眉山家厲河內李曾伯制議永
嘉鄒琳制幹清湘管安昌襄陽李湜時江聶世堅合沙卓年龍
制僉長沙凌炳炎耒江陳彌壽括蒼張建大濟南楊廷九江劉
烈清湘趙倫夫廬陵朱埴會稽陳策制帳都統制長沙朱煥總

管峴山彭興浮光張琦鈴路統制合肥程浚泗水周旺胡梁李
慶山陽楊俊浮光周勝海陵戴俊戎司屬官浮光吳起宗清原
羅萬敬古雲鄭祥

題名

大宋嘉祐三年秋七月安撫兼經畧刑部郎中直昭文館知桂州
蕭固幹臣轉運使金部員外郎主罕師言因冥北郊語臨桂令梁
庚闢萊蕪地得一古洞有刻曰華景其石壁唐桂州刺史中丞元
晦巖光亭詩在焉乃會昌五年四月十日題蓋武宗之乙丑年也
其蕪沒則不能審于何時逮今踰百祀也而復新之于師言且洞
無情物爾能得幹臣師言而興生靈者其興又可詳矣復再踰月
十有六日幹臣師言與提刑屯田郎中宋咸貫之同提刑文思副
使王琚彥溫鈴轄供備庫使李繼明嗣昌通判屯田員外郎周約
中立復游于是貫之因本所以然而書其崖云
提點刑獄李師中前瓊守謝鴻郡丞黃照幕下孟庭堅段惟修周
佺會北巖下嘉祐辛丑正月十九日

兵馬都監閩紳君儀堯界巡檢劉永世廷之知興安縣卞玄冲道
淵熙寧甲戌孟冬初六日會此

似渠景淵令升少隱公弼同來紹興五年閏二月

嘉定癸酉長至前四日方孚若邀管定夫陳膚仲來觀膚仲書榕
臺二字贈主人使鏡之

嘉定七年夏五江西張自明與定武趙蔚來遊

寶積山三篆字在今傍山居者屋後石壁因言壁側有呂公巖榕
臺亦在其地

灘山人曰山故有元在庵主居自為歌述元在之意皆西方餘論
流入中土者所演說例不采錄又蔣詩翁亦卜築其間名氏既滅
文字並亡夫蘭可折而薰不可奪故焚之而香生玉可碎而光不
可蝕故磨之而彩映蔣翁誠深于詩乎金膏玉液與寶積不毀可
也李所詠雲非指本山張詩自怨衰宋反笑晚唐何其謬也顧不
視李刊去之得無以嚴光存哉紀功碑文非孟堅功異車騎且與
寶積不相涉概當黜之然按其文義雖一時誇誕之詞而爾日文

武賓佐姓氏班班巖石亦後來考據資也寶華伊迓胡李兩公築城浚隍圖狀具在雖章時發記漫滅不可讀且摹且鈔藏在故府非覽古者所深念乎桂嶺乃在臨賀彼中自昔有桂嶺縣與寶前小坡何豫宋令甲府帥監司度嶺得任子厥後以道不經彼尋削斯賞呂源何為鐫石坡上罔主聽而市倖賞其大節可徵已知如不然請視范公成大驂鸞錄

隱山 潛洞山 西山

隱山當夾山之南口潛洞出其東北西山屏其西南小于諸山若亂石疊盤北高南下似無奇峰秀壁炫目驚心惟中有六洞洞皆有水不異鑿出上浮水際唐李公渤名其洞之水曰蒙泉疏泉出山名之曰蒙溪諸洞之名各有三隸書曰朝陽夕陽南華北牖白雀嘉蓮疑即渤筆宋人云北牖有渤題名今不知所在亭榭湖水之感具吳韋記中宋則張公維大為修浚拓湖至潛湖洞門今尚有刻多紀其事洞前後兩門可通出入潛有南北之號或因之西山迤邐兩峰夾道上至高處環桂山水其勝溢皆故唐人于此登

高禪刹道觀爭據兩崖崖鐫佛像僅餘金碧若乃樓閣塵銷文字露立烏啼荒塚草蔓石階雖足俯視兩山然積廢太甚不可復支矣

風土記云隱山本名盤龍岡在寺西郭三里與延齡寺相近寶曆年前使李給事渤開置亭臺種植花木有池沼巨巖水深無際有嘉蓮白雀諸洞有慶雲亭在山頂有朝陽亭夕陽亭及連理橘山河秀異皆入畫圖作屏障為信好之珍有從事皇甫湜吳武陵撰碑碣三給事徵起山中後為考功郎宰相皆書下考以天子巡遊蹂踐禾稼無所獻替故也及除桂林有歎雁詩曰三朝四黜倦遐征往復皆愁萬里程爾解分飛卻回去我方從此向南行蓋歎其不復堪遠出云

虞衡志云隱山六洞皆在西湖之上泛湖泊舟自西北登山先至南華出洞而西至夕陽洞窮右石門出至北牖穴口隘狹側身入有穴通嘉蓮西湖之外既有四山巉巖碧玉千峰倒影水面固已奇絕而湖心又浸陰山諸洞之外別有奇峰繪畫所不及荷花時

有泛故事勝賞甲于東南

詩

唐李渤留別隱山 如雲不厭蒼梧遠似雁逢春又北飛誰有
 隱山溪上月他時相望兩依依
 宋孫抗朝陽洞 險絕信天開春蘿蔭古苔不愁雲影閉先得
 日光來片石充碁局涼坡遞酒杯東風偏著意草木爛成堆
 呂愿忠 半世觀山鬢已皤欲求釣艇老漁蓑杖藜又過煙霞
 洞 爛斧柯
 朱晞顏 湖上初驚八月秋嶺頭又見桂香浮中車幾憶陶彭
 澤竹馬多慙郭細侯未遣林泉還舊隱且同巖壑訪真遊一枰
 勝負人何在試問樵柯已爛不
 孫抗南華洞 峭徑入蒼煙他山盡一拳上盤朱鳥翼中寓漆
 園仙清可攜壺賞涼堪拂石眠九疑生接境曾此按薰絃
 呂愿忠 亂崖深峭水淙幽六夏來遊儼似秋安得蘧蘧一覺
 夢倚巖栩栩訪莊周

孫抗夕陽洞 塵寰雖未遠顓氣覺偏滋日落烏啼處秋高風
 勁時吟餘下天籟坐久凜冰肌信是棲幽境涼蟾照履綦

呂愿忠 怪底浮屠不宿秦直搜巖竇意徜徉洞中日月未嘗
 老何事仙家有夕陽

孫抗北牖洞 舊駐東方騎因題北牖名來須風作御去認斗
 為城日氣晚方到雲收寒易生子心匪游行拱北振華纓

呂愿忠 南窗聊寄傲北牖有涼風巖洞幽深處結茆容老翁
 李曾伯 河內李曾伯再牧桂之明年實開慶改元上命三衢

柴士表視邊隘竣事將還夏六月二十一日約憲倉四明豐蒞
 兵帥汪光朱廣用符離朱渙載酒千山觀訪招隱過仙奕感今

懷昔風物固亡恙也時火傘張空水花蘸碧相與徜徉其間清
 不受暑因得四十字并識諸石

自重來嶺嶠豈暇訪湖山緹騎行邊子戎旗護戍閑相看羣玉
 外一笑六郎聞回首西風靜何愁老漢關豐蒞 闡相可翁先

生偕玉人有湖山遊獲侍坐先生有詩輒用韻

西郊陪袞繡雲步八千山行樂五星聚浮生半日閑尋棋楓葉

下載酒藕花間譚笑長城在何人敢度關

孫抗白雀洞禽貴羽毛潔地憐巖壑幽名非華陰凍景似秀

林秋不覩書塵繼空驚歲月道何如潁川鳳千古冠緹油

呂愿忠洞中石燕何長生白雀何因浪得名無限好山難買

得世間奚用孔方兄

孫抗嘉蓮洞地應連海眼終古蓄寒泉四列青蒼壁雙開茁

菖蓮已嗟真賞去猶訝昔香傳未愧東林下霜葩社衆賢

呂愿忠幕幕烟雲鎖洞關旁開六戶類連環芙蓉未是仙家

瑞更約同登太華山

文

唐吳武陵新開隱山記入則維化出則寧物物寧而後志適

乃有西垆之賞始一日命騎西出出門里餘得小山山下得伏

流廟曰石秀水清蔥蔥乎其韜怪物耶乃釋騎蹈履北上四十

餘步得石門左右劍立矍然若神物持之自石門西行十步得

北洞耽平如室室內清縹若繪積乳旁溜凝如壯士上負橫石

奮怒若活乘高西上有石窗櫺窗下望千山如指自石室東迴

三步得石巖巖下有水泓然疑虬螭之所宅水色墨綠其濬三

丈載舟十石舟可坐數十人羅絲竹歌舞飄然若乘仙巖之南

壁有石磴可列樂工十六人其東若畝澮貫石流去不知所止

北壁半穴如懸門徹外容小舟出門有潭袤三千步潭有芟花

潭北十步得溪溪橫五里徑二百步可以走方舟可汎畫鷁渺

然有江海趣魚龍澆瀾鷗鷺如拳自溪潭之間有地丈餘其色

正赤厯石門東南越小舟石林危嶠爽聳左右自嶺下十步得

東巖自巖口直下二十步有水濶三尺許淺沙若畫細草如織

南望有結乳如薰籠其白擁雪自巖西南上陟飛梯四十級有

碧石盆二乳膏滴下可以酌飲又梯九級得白石盆盆色如玉

盆間有水無源者甘自然可以飲十人不竭還自石盆東北上

又涉飛梯十二級得石堂足坐二十人乳穗駢垂擊之鏗然金

玉聲堂間有石方如碁局即界之以奕備然不知柯之爛矣自

玉聲堂間有石方如碁局即界之以奕備然不知柯之爛矣自

堂北出四步直西二筵南入小峽得內洞東有石室如畫頂上方并弱翠輕綠便如藻綉自洞內下仰矚東崖有凝乳如樓如閣如人形如獸狀閣然不知造物之所變化也自樓閣斗下七步次石渠渠深七十尺渠上為梁曲折繚繞三百步遠日月所不能燭矣左右列炬而後敢進自梁直南抵絕壁斗下為飛梯九盤而後及水水北涯有石閣峭甚級以闌干適可宴息水通魚船東出朝陽四隅黝黑方谷如鑿以石下投波聲響山寒氣薄人往往畏恐自石閣還上絕壁西去十步又得小洞俯行三十步左右有鍾乳或垂或滴其極有石室正如禪庵多白色蝙蝠出小洞北上二十步又得外洞石色猶四洞東西壁下有石數十枚其面砥平間有四罇琴薦厥狀甚怪游人列坐肅若冰霰其東有便房桁櫺拱稅支撐環合猶鬼工之椎琢也洞北七步臨西石門石門西去三十九步得西洞洞深九十尺北岸有道可容一軌崖南有水水容若鏡纖鱗微甲悉可數識東過小石門門東順行三十步詰屈幽邃道絕窮崖又寬明置水閣崖下

閣勝九人閣下水濶三十尺伏流崖南亦達朝陽自西洞口南去一矢得南洞洞西壁可譙數十人其東有水輕風徐來微波蕩漾琴高過之當不返矣北上山頂盤曲五百步石牀如牛如馬如熊如羆劔者鼓者笙竽者埴篴者不可名狀石路四周而松蘿萃于西北公曰茲山之始與天地並而無能知者揭于人寰淪夫蘄薈又將與天地終豈不以其內妍而外朴耶君子所以進夫心達也吾又舍去是竟不得志于人矣乃伐棘導泉日山曰隱山泉曰蒙泉溪曰蒙溪潭曰金龜洞曰北牖曰朝陽曰南華曰夕陽曰雲戶曰白蝙蝠嘉蓮生曰嘉蓮白雀來曰白雀石渠寒深若蟠蛟蜃特曰蛟渠或取其方或因其瑞幾焯于圖謀也于是節稍廩儲羨積度材育功為亭于山頂不丹不艤然而成憑軒四望目極千里高禽驚獸蛟翔蟻走恍然令人心欲狂也又作亭于北牖之北夾溪潭之間軒然鵬飛
夏脫鷲潭邦人士
左右翼為廚為廊為歌臺為舞榭
女咸取宴適或景晴氣和蕭然獨坐聽詞于其下嗟乎我俗既

同我風既調茲亭茲山又與人物共之則不知古之甘棠其類是耶他日會新亭之下辱命紀事奉筆遽題于此榮曰成紀公字濬之不名重也內吾為伊周外吾為方召疏山發隱也決泉啟蒙也作亭子來也三者其言乎四賢之志也不異也故書韋宗卿隱山六洞記天作南北星斗辨之地分方夏山川間之其土殊其鎮異故磅礴博厚隱嶙鬱律連岡走峰千里一息秦之山也發地干霄上為嶢嶢攢空交映積為崇嶺越之山也桂林郡郭干巖競秀世情賤目俗態無心故茲山接城郭之間億萬斯年石不能言人未稱馬寶麻元紀給事中隴西李公以直諫匡主圖贊國政時未及秦人安得寧公辭帝鄉白雲為越嶺時雨六條絃布百城震肅人既安年既豐羽扇空搖鈴閣不引盼羣山而獨往興發得絕境而素尚心來茲山在焉且謚為隱若夫地因人弘山自人顯故有巖結太素至說稱傳谷闢洪荒及超號張我得茲山隱以名彰爾其為狀也左扼郡城之固右對招提之刹前虛明而散祝融之火後清泚而壓玄武之水

外孤峰而競秀中六洞而潛通諒仁知之所樂信靈仙之所宅登山自西舉趾維左首至于南華洞洞中水長十餘步濶不可踰深莫之測澄為靈泉播為陽江水側平坦可坐數十人自南華洞西轉五十步至夕陽洞洞長數十丈其旁有水與洞終始在水之東高下有石如砥如礪十數人可想洞窮有石大高可跋及廣不盈尺鑿穴而望復使下尋有潭東去莫究深廣又北轉而東八十步至于石門自石門又東北十五步至北牖洞洞虛潭幽其水潑墨中有巨魚可三四尺鏤鱗鏟甲朱鬣頰尾人或見者龍以敬之潭之左右怪石萬狀如鳥斯飛如虎斯蹲如衣裳發笥如龍蛇出奔乳竇懸玉石壁流雲潭之南有石室深有便房高有石窗追琢不如清瑩可愛又東南轉山一十步至朝陽洞洞中有水傍浸潭側長可數十步三洞之水周圍相通亂于池入于江水中有石高可三尺其色白而容光圓如薰籠大如匡狀以其水浸于潭側故曰側潭尋側潭之西數十步止有潛洞數武可至窈窕深邃羽人來即却上南壁高六十丈有

雙碧石盆懸于半壁容各數升其上尋尺有一白石盆常有水
升餘酌之不竭味甘如醴色白凝乳煎以病愈飲以顏駐其上
可坐五六十左右石壁
從洞口
梯架空得至雲戶戶內博

談局之左右可以

虛明洪纖可鑿有

戶外有二徑其一

徒侶各有攸處

江屬望縈

覽一息橫亭其

以俟登臨是歲孟秋月慶雲見于

西方自卯及

北極望

狀竟變五色相鮮州吏

獻

之公允而不阻既而

因目之為仰雲亭自亭卻下至南華

洞口又一徑西去十餘步至白雀洞郡人有獲白雀來獻者雪

毛霜羽頰皆紅趾且旌雀瑞因志洞名洞口隘狹側身稍通摩

臍夾耳可以方之漸下十餘步其名有立石望之如人次有石

堂光滑寬敞人或宴息可容數十從此更下有玄潭其深莫測

潭東西巖上有一石樓高低可二三尺自下而望如蘇點成雲

南有二石相去纔數尺被服如人狀意若就樓而看者玄潭泓

澄水色如墨見者神竦方暑生寒乃作閣道架潭瞬息疾過西

南透于石穴路右復有乳榭亦如朝陽洞者視其周圍但微小

爾愛其光潤則或適之洞內有穴通嘉蓮洞初嘉蓮洞開而未

得其號會有獻同心蓮者遂紀事而名之從洞北出六十步西

去有洞其深不測中路多白蝙蝠飛舞在空中從東有穴棧閣盤

迴却透玄潭之北有兩穴東穴透明長可數丈人不可過莫能

究之西穴出于洞口洞內平坦石榻縱橫湯茗在茲笙竽其間

有石琴薦冥以撫絃聲越金石自洞西去至夕陽出西山復人

寰六洞之能事畢矣日諸水隱山下池謚曰蒙泉派合成流水

源有二其一源自夕陽注嘉蓮經白雀厯朝陽傍浸北牖出于

南華流注積為池其一源自蒙溪源在北牖洞東北里餘出于

北山自山南流會于南華洞水合而成池池因山麓不資人力

高深向背繚繞營垣五六里間方舟蕩漾靡微風鏡清波棹女

唱榜人歌羽族載依鳧鷗翔泳鱗介是宅魚鼈噲喞野花依藂
遊絲轉空蘋末風清荷底水紅奠者取飢者采與人同利恨斯
池之不大也招提之南長松夾路陰濃閉日韻響含秋外有連
理松異本同幹內有偃蓋松枝低覆空為守之光華作山之粉
澤松側有竹黃緣盡岸策杖未窮步履猶遠北牖洞口有閑田
砥平南北十餘步東西稱是可以施闌檻為戰酒之場可以構
簷楹為更衣之所乃作水閣立風廊辟廚戶列便房華而不逾
儉而不偏面茲池以滉漾對也山之青翠絲竹競藝賓僚滿觴
歌聲過雲舞影臨水取樂今日鄉心暫忘客有中酒而言曰夫
時景賞樂四者難備東西南北百年不閑既別而復會茲山悵
懷而未卜他日請執筆紀大賢獨得之勝并立碣垂隱山六洞
之由匪曰為文且示來者

宋卦德亭銘有序 卦德之亭八觚括蒼管湛營之長樂陳孔

碩名之既而復銘之曰

天地山澤雷風水火既書既分有萬斯夥萬殊一實皆備于我

八司厥位一常主中若樞得環以應無窮流形相擅自我陶鎔
我坐斯亭洞然八極卷舒晦明一出入息八者旁羅吾見其一
題名

治平元年仲冬十八日同魯國長源吳興彥聖遊雁門質夫因題
于洞之左崖

王文若謂之長沙李達超宗關中馬寧祖奉先泛舟
來游鄭廷臣書

淳熙壬寅六月二十日四明王正己伯仁夫攜孥來遊桐廬詹儀
之以寒食休務約郡丞陳昭嗣李晉帥屬周環滕瑣唐廷堅葉子
義郡文學陳邕蚤飯榕溪閣觀青帶甘棠橋歷覽西湖六洞之勝
時膏雨初霽風日融怡流峙動植觸目會心分韻賦詩薄暮而返
淳熙十四年二月戊子

瀉熙丁未七月下澣詹體仁王仲寅孫稽仲觀稼城西小酌招隱
亭亭蓋體仁將漕時所建俯仰十年感慨賦詩近暮乃還
北巖劉愈晞韓以孟冬初澣約建安雷霆復之桂陽姚宋輔佐之
禾川劉伯源慶長金華徐由己克仁號畧楊芳懷英圮上邵康安
長安長沙曾倫長卿安成彭世亨元泰探勝湖上屬時久晴風景
怡暢崇崖巨萼萬狀畢陳泛澄升高窮所未到相羊周覽改度精
廬清興有餘杯行無筭竟夕乃還實瀉熙丁未歲也
嘉泰元年秋七月二日溫陵趙庚西叔徐伯嵩高叟陳煒君顯陳
次山景甫延平廖視明甫李之有叔則鍾安老定叟三山王復古
興周黃士特仲誼莆陽傅誠至叔顧棹叔葉元澤李成臨汀吳雄
夢錫建安劉學裘傅之同游
經畧安撫使莆陽蔡戡定夫提點刑獄公事延平廖瓌季碩轉運
判官長沙吳獵德夫嘉泰三年重九日同遊計使括蒼官定夫帥
守巨野李誠之後先來桂且久未嘗一武西湖巖洞壬申初伏始
獲遊覽自資慶腰輿上山觀憩西峰中峰隱山煮茗談方外移

時泛舟訪招隱巖竇幽邃奇石森列湖光潏灩雲錦帶映誠可賞
已而雷聲殷空雲頭俄興涼風飄灑四顧田野綠秧濯濯荷花鏡
香鼓棹觴吟依約杭湖白蘇如在蒼崖玉立澄潭環馬枕漱其間
又令人有蓬瀛想贛曾原一盱周子榮汗趙希圖時錄洪范得與
瀉祐十二年夏五
嘉定壬申六月下澣括蒼管湛攜家登山觀泛西湖方孚若侍
親婁遊嘉定癸酉
招隱山三大篆書
隱山二大篆書
北牖洞三大篆書
招隱二真書

潛洞
虞衡志云南潛洞在西湖中羅家山上北潛洞中有石室石臺石
果之屬
宋劉穎西湖再開呈張經略 持節南來竦百城就分帥闔握

邊兵盡令殊俗窺風采更許仙山託姓名峴首要須刊偉蹟習
池底事著狂生風流人物今宗主物物俱蒙不朽榮
張維和不賢邴得似長城偶息潢池盜弄兵靜沼何妨無事
飲幽尋聊記所居名千山倒影湖新復兩洞潛珍景旋生紀事
還須武陵筆亭城唯擬看題榮
滕廡和 隱然重望壓邊城號令風行玉帳兵詩思江山真得
助威聲草木盡知名要令萬頃窺黃憲不把干畦付麴生坐使
勝遊還舊觀追隨邴得勝公榮

文
宋張維開潛洞記 乾道四年春正月浚西湖秋七月開潛洞
明年春二月疏鑿李蹊一百六十步有畸可通畫鷁而洞山宛
在水中矣疏鑿之力汲郡袁進平原聶倫東明石良弼競率所
部不日成之廷平張維識于洞濱之石同里曹總書
鮑同復西湖記 桂林西湖今經畧使徽猷張公所復也舊曰
蒙溪去城里餘而近勝槩為一郡甲按唐吳武陵隱山記韋宗

卿六洞說皆述溪潭可以方泳然歲久廢為田尚可考者特一
潭二池池有芰荷廣不踰尋丈餘盡耕稼之壟矣初公游山中
得二記按之以求後讀吳記至走方舟泛畫鷁渺然有江湖趣
則歎曰鬱茲觀美可謂殺風景者矣遂已默記厥由居山之麓
衆泉所會中偃而四穹茲蓋天成第流泉使之不得去則湖可
坐而復乃相所從泄作斗門以闢之未幾水遂盈衍澶漫而若
潭若池橫徑將數十畝望之蒼茫皎澈十峰影落霽色秋清景
物輝煌轉盼若新然吳記以為溪而云作亭牖北夾溪潭之間
韋記以為池而云北牖洞口有田砥平可施闌檻以知昔時猶
有淺陸水所不及之處而今洪深之匯矣其中流平沙隆出波
面如島嶼因築亭其上命之曰瀛洲植卉藝竹映帶遠近南開
招提西隱山為亭每遊覽則憶家山因名之曰懷歸北依茂林
俯流為閣用老杜湖水林風之句命之曰湘清放船集賢于是
乎在環山循趾引水疏渠繚繞縈迴索奇討幽得新洞二命曰
北潛南潛又為亭于其陽直西命之曰望崑是皆出乎六洞之

外發前人之遺逸增往牒之未載遂使西湖勝槩脩然如立塵寰之表江浙雖稱亦未能過焉
侯德亭記 嘉定甲戌中夏管定夫新作小亭于潛洞之口于
是映帶遠近洞以增邃初伏後一日期方孚若陳庸仲來觀參
坐洞中酌酒數行颯然秋也主人曰亭宜何名有客曰昌黎公
以侯德名上謂蔽于古而顯于今有侯德之道與此同意借以
名亭可乎咸曰然遂書諸石

題名

宋王壽卿姚同卿張子貞子斐黃德制田子審王儀之滕子正乾
道己丑中元日遊
淳熙辛丑夏六月望天台王清叔約客于西湖之上程伯莊徐商
老張明仲劉傅明張子真李伯寅魏熏夫王詠之凡八人于時背
夏涉秋老大益壯縈舟叢薄少憇是間觴行笑歌聲動巖谷夕景
西下冷風襲人殊不知有暑氣茲遊甚樂書以記時
潛洞二篆

西山

風土記云延齡寺聖象在西山前近隱山舊號西慶林寺武宗廢
毀宣宗再崇峰巒亘張雲木交映為一府勝游之所寺有古象微
于碑碣蓋廬舍那佛之所報身也

詩

唐戎昱桂州西山登高上陸大夫 登高上山上高處更堪愁
野菊他鄉酒蘆花滿眼秋風烟連楚郡兄弟客荊州早晚朝天
去親隨定遠侯
宋折彥質超然亭 超然亭上鬢毛斑浩蕩秋風小立開豈為
詩情堪過海祇緣脚力要尋山峭峰斷續天容缺高壘縈紆地
勢慳回首不堪東北望桂林萬里是秦關
張拭和友人夢遊西山 故人疇昔隱西峰野寺幽房一徑通
無復老僧談舊事空餘修竹滿清風夢中尋勝忘南北向裏論
心豈異同我欲壁間題唱和他年留得吃南公
方信孺鑿池種白蓮作池開新白遍天涯未許東風擅一家

蒼桂叢中蒼桂樹碧蓮峰裏碧蓮花波光分破湖千頃路影斜
飛水一窪待著闌干橫淺漾浮萍開處見魚蝦
又詠海棠 真珠幾顆最深紅點綴偏芳造化功好事向年移
蜀種美人清曉出吳宮妖嬈能得幾時賞零落纔消一夜風自
有生香人不 繡衾全覆錦薰籠
曾宏正 足倦尚躋攀南來第一仙撐空列齒峯拂閣聳孱顏
莫作炎山看渾疑雁蕩間輸他癡衲子終老白雲關
臨江曾宏正 溘祐癸卯暮春題崖
李曾伯 玉筍環星拱青螺帶霧披山為天

桂之林蒼梧之野觀此瑞文如符所兆之語即以碧
桂山林名之山人倦于游蓋將避世願奉母慈持妻子遂隱者
淪朝夕于此山中庶幾再遇瑞石以獻之於明天子願不休哉

于乎陵遷谷化今昔一時為湖為田等歸 千載悠悠可以圖
山林于茲敞舍切為銘曰碧桂之東有斗其峰有金其壟氣佳
哉鬱蔥碧桂之西蜂房蟻嶼爾夷化劔刀鉏犁碧桂之南大海
天涵維崖維儋一王仁是覃碧桂之北萬仞壁立不騫不泐聖
人壽與匹其中盤盤我居之安有泉水可汲有煙霞可餐援素
琴而彈流水高山知音孔艱吾與子俱還 嘉定八年正月朔
紫帽山人方信孺述丹霞子張自命立石
方信孺既自銘其碧桂山林又為張自明作碧瑤壇銘并序
紫帽山人既作碧桂山林丹霞子登其絕頂以為碧瑤壇扶奇
闡秘于斯紫帽山人為之銘曰碧桂之阿宏深嵯峨有方者壇
仍此坡陀如踞虎豹如駕龜鼉或坐而奕或倚而哦布席而飲
植杖而歌上天星辰大地山河伊俯仰間可蹴可摩安期羨門
騎氣相過笑傲古今等一刹那忽來不速款我松蘿彼何人斯
山靈所呵
題名

假守張莊禱雨茲山

轉運副使權經畧安撫陳仲宜道夫提點刑獄唐最夢傅提舉常
平陳中復從道走馬承受陳昉明遠同游西山飲于觀音院登西
峰閣啜茶盤桓抵暮而歸政和改元仲冬癸亥轉運判官唐懋晉
德題

莆田李子凝紹熙五年嘗陪漕運方公東遊巖竇西泛湖山來一
寓目後餘二十年東閣檢詳輶車存至因籥後塵千山爽氣且復
挹致於是束裝東歸馬嘉定甲戌重九日書

河內李曾伯長孺領客胡實端甫李廷龍東甫管安昌順甫周應
和同甫同來弟李仕教忠子杓姪根侍瀉祐庚戌四月之十日

咸淳甲戌四月初六日憲倉九華章時發帥守同谷李興聯車遊
西湖登千山觀憩雲戶洞曠望幽尋景趣兩得 此文闕

千山觀三大字 嘉定五年李曾伯書

灘山人曰復湖之事殆難言哉田既負郭又便引水公賦所入已
有定額興大役以市衆怨不免移此攤彼償所損賦其山雖潤其

民則賴所謂玩細娛而不圖大患者得無近之耶於李公時為沮
洳葦萑之區穿泉築室植菱芰於其中且荅民勞兼暢羈思時哉
南宋斯季故疆既以日蹙國勢日以不支茲何時也灑新亭之淚
猶以為恥況可慕錢塘之湖窮財力于此哉臣主同樂鮮有競志
尤之效矣亂何濟乎及至咸淳甲戌宋厯告訖近在兩歲無問愚
智戶知其然乃章時發李興龍隱記遊則曰時和歲豐與堯民共
擊壤于西湖登千山憩雲戶又曰曠望尋幽景趣兩得何其酣昏
若此甚也衝梯未及桂興先委城而遁馬公墜義激代之死守不
國之夏而禍是樂其罪烏可數哉善乎蟋蟀之詩曰今我不樂日
月其除言行樂貴及時也又曰無已太康職思其居言好樂當無
荒余竊誦是以為議復湖者規焉

中隱山

山去西城四五里至則小溪淺碧可踐而過循麓入叢巖有三重
其下附地者最為廣平上漸未削然戴履純石瑩然朗淨無復下
方埃壒之狀陟第三重倚牖而望若游目天表暝煙歸鳥似從下

飛侯山返照入巖轉光風自西來薄巖拂樹與東麓僧庵鐘磬相和炊煙縷縷起叢薄間遙聞餘響微以犬吠僧云此去木林不遠木林即其旁地名居人頗衆中隱一作鍾隱土人曰佛子巖以宋乾道間建有福緣寺為僧祖華所居故名之寺廢已久惟東小庵其地陘阨不足騁目乃三巖下鐫有張公洞大篆書又其先有稱呂公巖各具爾時所為序及記中之呂之張不知誰屬乃中隱則其昔名馬

詩

宋呂愿忠 護田綠水轉山樊滴翠羣峰列巨杉桐外僧藍侵斗漢澗邊人跡隔仙凡深深雲谷春常在寂寂松扉夜不緘此處得名爰自我要須題作呂公巖

假守呂叔恭游中隱巖無名洞坐客鄱陽朱國輔云此洞未有名因公而題欲名曰呂公巖予未敢披襟而劉子思陳奉彥皆曰甚當戲書五十六字鑱于石壁間紹興甲戌季春七日又 坎止流行但信緣嶠南風景異山川偶因乘興穿山腹始悟壺中則有天

假守睢陽呂愿忠叔恭機宜祥符劉襄子思通守鄱陽朱良弼國輔經屬建安陳廷傑朝彥因祈晴設伊蒲塞饌于西山寺飯已乘興游中隱巖不期而集歎巖竇之奇恍然別是一山川留題以記勝游叔子大鈞侍紹興甲戌季春七日張維題張公洞 年來行樂與民同探穴追踪太史公幽洞初開名易著蒼崖新刻句難工風驅俗駕松扉外雲鎖仙丹石室中付與山僧同管鑰勿教勝地草蒙莪

文

宋張維張公洞記 環桂之郊巖洞二十有一皆人跡所至者獨佛巖之下有洞焉虛明而邃幽過之者弗顧豈游人慕佛巖而來窮其足力興盡則汲汲而去雖欲一顧有所不暇耶抑視

之如若李以為不足嗜耶乾道元年予承乏按刑嘗同張使君
紫薇公幽尋得之相語曰斯洞蔽于今日吾人始發蓋亭于洞
前俾來遊者指為張公洞可乎明年使君去予實繼之又明年
治中從事因人心之去思也于是大書以特表之十二月乙卯
延平張維記同里曹總書

題名

元豐二年八月十八日劉宜父曾公冕苗永孺僧紹簡游
括蒼管定夫莆陽方孚若長樂陳膚仲嘉定癸酉先重陽一日來
遊詩境癸酉三月三日遊詩境即方孚若之別號
蕭子敬向伯大王德強呂叔舉鍾德元張聖泳鍾長卿王必大端
平丙申下元前二日來遊
長沙鍾春伯豫章范旗叟端平丙申歲十月既望前三日同遊
臨川羅愚瀉祐辛丑中伏日約曹伯虎聶世用梁介魏牧楊義仲
趙時頌陳噲汪知幾翁崇榭觀稼西郊至呂公巖泛舟覽湖山之
勝觀石湖南諸賢題字時雨初霽涼風先秋穡事可期因志其喜

陳鐸叔振周子榮景仁范得興民載趙孟邁君啟瀉祐辛亥前立
春二日同遊

灘山人曰余觀福緣寺記見三四先政丹青重巖藻黼衆壑不遺
餘力矣其略曰府判江公新興精宇經略戶部呂公建三門齋廳
大帥紫薇張公荆山亭于巖右經略徽猷張公植壽松五百餘本
以蔭巖居諸所增飾一何盛也之數公者豈直徽福于浮屠氏哉
無亦以虛巖沓出麗若重樓近桂四野可俯而窺為西郊登眺之
最其時山僧若祖華之屬頗任任持即是記撰者日登書者惠通
雖于文義不甚嫻雅然差愈後來目不識書口不持誦者教所謂
白頭者士大夫庸奴遇之爾誰其任以任山哉往見廬山紀事江
都桑君喬于其名利多慨諸僧不追先軌致勝地因之榛莽吁豈
獨廬阜為然哉余于吾桂諸山亦云

桂勝卷四

清秀山

明 張鳳鳴 撰

從西清門下濠石道上西皋入夾山口緣山行一里許有塘曰清
巖出其上初名新後仍塘名曰清最後加以秀云環桂諸山本以
孤峭標秀而是山則岡連隴湊盤紆第鬱長以可一里餘獨以巖門
下瞰塘水山澤通氣清彩映發如其名馬一入巖門則有西對關
西對關上出山半其迴朗亦適相敵北郭諸山近在東牖可招而
至其西則陽江北來倚巖可望批崖越壑其流洄瀝過下庄居者
前水波寬緩山漸深土漸行似村塢可居者然去是山不甚遠向
南行三四里出夾山潛洞隱山蹲踞其口頃行山中見衆山環合
江出其裏愛其邃麗以為近郭希有且幸秋霽一得縱目世願莫
之問然亦以山隔在西北一隅不惟遊者少所命駕即舉名亦罔
識所在矣

詩

宋張莊山甫遙歸有詔期省耕聊復耀幢麾翠岑恰似千旗
密綠野何妨萬馬馳鵬鶚精神元老貴鼎彝功業太平時自惟
晚進誠天幸獨附台躔每處隨

龍圖閣直學士經畧王公若愚與提點刑獄劉子至提舉學
士唐夢傳大張旌旆觀稼近郊烹今歲建茅於此遂過傲雲
諸閣大觀元年五月十六日權遣轉運副使公事張莊正

民題

呂愿忠爽塏虛明小洞天巉巖垂乳類鋒銘薰風習習來三
面夏雨蕭蕭欠一檐指願羣山勞應接徘徊歸騎縱觀瞻門前
綠水泓澄淨底處應須是谷簾

郡守呂叔恭以甲戌季春七日遊中隱巖山水膏肓之興未
已後兩日再拉機宜劉子思監州朱國輔輕屬陳朝彥同至
新洞所見愈奇真所謂倒食甘蔗聊書五十六字

方信孺尋徧洞天三十六蒼靈獨闕此巖扉旋除野草開新
逕遮莫寒藤刺客衣歲月偶同題壁字煙霞似不法人歸把茆

欲作開山主已落瞿曇第二機

嘉定甲戌六月始遊清秀巖呂叔恭得此巖亦甲戌歲刻石
猶可攷莆田方信孺字若

張自明甲子循環各一時又逢青丈獲巖扉金墉城鎖瑤池
苑蒼玉樓鋪錦地衣萬里西風生木末數聲湘竹叫雲歸明朝
天上秋期近問訊河邊織女機

嘉定甲戌歲立秋前二日盱江張自明誠子來游奉次詩鏡
詩翁扉字韻黃冠鄒次洪方袍清一同來

文

唐鐸開巖小記桂林多勝致其廢於榛棘者十八九斯洞以
遠尤不獲葺呂公一嘗居民爭出力以新之樓閣巋然不日而
就幽奇雋發應接不暇驟改觀於遊人殆非偶然之遇也靖康
改元七月朔臨桂令唐鐸謹題

題名

杜唐臣張通夫王誠中張通甫董君佐姪稽聖程聖欽元符三年

八月旦同遊

欲騎日月超然之韻端臣獨題

公輔公密大觀庚寅清明前六日遊男叔侍明叔仲明仁仲子源靖康改元五月中休同遊是歲初冬九日明叔仲明子源同卿再來時仁仲以母憂歸鄉

衡陽太守裴夢貺祖塗前一日魏彥濟陳景淵同遊自新洞過龍

隱酌八桂堂徧覽勝槩為驢甲寅二月十有二日張仲欽郭道深張安國同遊朱元順清巖丙戌季夏

清秀巖三大字真書旁小書七美二字

灘山人曰巖居蓋有朱元順云是時張安國帥桂年壯氣盛少所屈意乃紆駟入谷親與其客造朱所棲至勒之石豈桂之蜚遞之士朱獨高舉希慕遺風安國遂從而禮異之於以風部內乎了達之牒乃判府汪公聖錫所給且稱了達有苦行巖刻具在然君子來遊獨於元順多追歎之非遇張紫薇誰將干旄在西之郊下從幽人游哉厥後辰山有劉升之氏蓋聞是風而興起者惜乎無有

可表見後世觀唐令開巖記所指呂公源當靖康之年方乃謂呂叔恭以甲戌得之豈其未見唐記哉叔恭大節殊無足觀方于時號為砥礪名行者不是為山移文追數而反引之以為己榮或呂既隔世而公議遂暫弭未可知也不然以方矯矯而慕彼碌碌生平自許何如哉余於是竊有異焉

虞山

出自北城山起東隅灘水漾其左黃潭縈其後下有洞曰韶音入洞面潭水石清漪其地一名為皇澤灣洞南平原舜祠在焉前則古松數十株樛枝密葉交撐互擁圓若軒蓋長若旌幢彷彿有洞蒼虬翼翠鳳遠巡南表之狀於後則重巘上盤平嶂倒列有若負辰南嚮黃潭本灘小支疑即宋王祖道相城之北穿為長池引潭灌注用作癸水范方繼踵鳩工增繕或為闡名曰朝宗使東接灘江西達隱山之湖其曰癸水以方隅所宜故云山左側臨灘處枕麓特高上有亭曰南薰倚檻東睇堯山積翠與彼澹澹倏有風至前掠松林後戛潭壑鳥鳴其間諸響迭臻笙鏞璆石如奏有韶於

是山之下不但延眺稱秀曠也已
風土記云舜祠在虞山之下有澄潭號黃潭古老相承言舜南巡
曾遊此潭今每遇歲旱張旗震鼓請雨多應

詩

唐宋之問桂州黃潭舜祠 虞世巡百越相傳葬九疑精靈遊
此地祠樹日光輝裡祭忽羣望丹青圖二妃神來獻舞仙去
鳳還飛日暝山氣落江空潭靄微帝鄉三萬里乘彼白雲歸
宋朱晞顏 魯按薰弦天一方埽除民愠變清涼遺音凜凜猶
聞耳不獨年味可忘
方信孺 西風攪桂樹落日明楓林游子懷歸期予悲渺登臨
虞山一何高湘水一何深英皇僅枯冢寂寞薰兮琴我欲奏古
曲俗耳更注淫古器不可見聊作相思吟相思長相思相思無
古今一歌衆鳥聽再歌萬籟音推手君勿歌有酒且孤斟落落
此時意寥寥千載心五絃毋庸絕四海誰知音
文

唐張九齡祭舜廟文 維某月朔日中散大夫使持節都督桂
州諸軍事守桂州刺史兼當管經略使嶺南道監察御史御史
中丞借紫金魚袋上柱國曲江縣開國男張九齡敢昭告於大
舜之靈惟神以大孝而崇德以大聖而奮庸以至公而有天下
以至均而一海內故不以荒服之外不以黃屋之尊巡狩而來
俎落于此勤倦之造永結于恭庶惠懷之尊長存于壽宮載祀
雖假威靈如在今聖朝紹興至道愍茲遠人爰遣使臣按理邊
俗惟神幽鑒願表微誠若私僻為謀公忠有替明鑒是殛俾無
遠圖如悉心在公惟力是視當福而為善者俱矣今至止之日
輒詣陳誠伏維神道聰明亮斯欽到願俯垂冥祐俾輸力明時
尚饗

韓雲卿記 帝舜有虞氏南巡狩崩於蒼梧之野南人懷思立
祠禱祭歷夏殷周秦距乎有國凡更十姓享奠不替大曆十一
年皇族隴西縣尹兼御史中丞昌巖領桂林象郡之地虔祇統
命肅恭神祀以祠宇墮圯狹隘朽陋不足延降神靈遂謀于州

佐縣尹因以俸錢增新易故崇垣峻宇蕭屏牖戶有輪有度壘
繕既成以時昭享瞻覲門屏踐履階閭兢業恂懼肅然無不加
敬牲牲既設正祝斯列齋莊蠲慙然如享其誠簫鼓既歇俎豆
斯徹神人和悅僂然如受其福是歲寇賊殲平年穀豐稔五嶺
之人陰受帝祉官屬長老願刊琢表識以彰懿列其詞曰惟虞
禪夏夏德斯淪更殷歷周以及嬴秦帝號再尊帝道莫宣祀典
空存記禮無聞於穆皇家踵美虞唐獨生溥儉後嗣其昌明明
大君祐祐俾躬穆穆宗臣祇業肅恭廣廈增飾展禮竭忠人神
胥會風雨晦蒙三十年間禮幣贊通西原寇平南畝有年紀事
報功皇靈降臻伋伋武夫戎戰自尅畎畝農耜我勤乃獲日用
遊馬惡知帝力天人同休心存影會誠感照通肩易室碣刊石
播美垂億千載

趙觀文祭器碑記 皇帝御宇大順壬子季冬十二月故府司
空穎川陳公自桂州觀察使膺制命建靜江軍號仍降龍節明
年春二月准敕有事於堯舜二祠禮畢顧謂府長史朱韞曰吾

軍旅之事則嘗聞之俎豆之事未知學也子嘗知書好古試詳
此禮德合於經乎韞惕然而對曰韞塵走下僚安敢輒議祀典
公諭之曰古有綿蕞定大禮者皆草茅之士爾今為上佐佐於
郡政何謙而不言韞辭不獲已而對曰嘗見開元禮祠古帝王
之制今請求知禮者共為刪定矧帝舜南巡標乎古典推茲法
物豈可不周繇是命有司撰三獻官冠衣劍佩三十有九贊引
禮生衣憤一十有六籩豆簠簋洗罇爵播鼓七十有七儀品斯
畢具表以聞帝曰俞哉褒稱綸言不載於此今僕射彭 同兩
使可繼巨屏守簡子至言者九同關西不惑者三追念前功若
己有之以觀文明廷擢第故里遠歸有陳蕃下榻之知有智伯
國士之遇有魯肅指囷之意有平仲脫驂之識授書詰旦猥屬
斯文觀文謬以二雅得名實未造軻雄之旨克讓未果是敢直
書庶幾正教傳乎不朽作頌曰大哉堯舜真氣不弭以聖禪聖
不子其子舉賢登庸投凶禦魅化匪逆人羶寧慕蟻大功漸著
南巡脫屣九疑雨沈蒼梧雲起偉與玄蹤遺於桂水蒼生思之

牢醴千祀俎豆禮缺元侯克備發揮古典駢羅雅器三獻得儀
雍容劍履教人為臣可達深者翠巘稽天紅輪出地得君皋陶
千古意氣中興有帝無令伊恥
宋朱熹舜祠記 靜江府有虞帝祠在城東北五里而近虞山
之下皇澤之灣蓋莫計其始所自立而有虞氏魏象在焉有宋
淳熙二年春今直秘閣張栻始行府事奉奠事謁仰視棟宇傾
墊弗支圖像錯陳遂以淫厲則竦然曰帝德在人其神在天威
靈所至無有遠邇降祠茲土粵有故常而因陋踵訛以至於此
弗圖弗革栻則懼焉已事則命撤而新之時又方按圖典毀諸
所祀不法者因悉致其美材文石以奉茲役作治踰時訖事以
告門觀顯嚴麗離遠屏外朝內寢墁及二妃之神恭已南面儼
然臨之秋七月癸未侯率其屬奉承牢醴俯伏灌薦以享皇靈
三獻成禮神人浹和民吏駿奔咏歎興起合辭懇請願著名章
伴來乞辭以昭無極熹竊惟帝之所以配天地立極法施無窮
者既非文字形容所及而傳記所稱南巡不返遂葬蒼梧者又

非經言無所考證則皆罔敢知惟是天理人倫之際帝之所以
垂教後世者蓋嘗與侯講而志之於侯之意庶幾識其所以然
者乃敬篆而題之俾刻焉其詩曰虞山之土灘水之澌旌修虞
祀九歌韶舞有美張侯牧此南州懷帝之人荅其祐休再瞻祠
宇頽剝支柱明靈弗蠲淫傲駢五乃敦綱紀乃夷乃攻乃堂乃
基峻宇崇墉帝降不遲四門穆穆侯樂其成來饋來祀惟帝之
則規圓矩方即物而用大倫以光爰自測微動植潛至恭已當
天雲行雨施惠於來世億萬斯年窮天博地峙嶽流川矧是南
方舊為聲教愀然見之興起則效子隆於孝臣力其忠侯拜稽
首惟帝之功

張栻韶音洞記 由虞祠之後不十步至虞山下有石門可窺
入其中則虛明以長仰而視之石去人僅尺許色清潤可愛
其旁蹲踞蜿蜒如虎豹龍蛇者皆是也行其中十步餘望北牖
清江橫於前下臨深淵所謂皇澤灣也始栻既前帝之祠得前
安朱熹為之記命工人度山之崖磨而鐫之偶發石而得斯洞

鑿其下石之齧足者翦其林薄之翳目者而地之勝有若天成
焉名之曰韶音洞蓋淳熙三年秋也洞之深凡十有三丈廣二
丈有奇牖之外少西而隆然有地高為臺可釣明年秋又於洞
之左得小邱平曠爽塏江出於旁凡桂之山瑰奇傑出者悉獻
其狀作亭於上名之曰南薰之亭於是祠之前後皆有覽觀之
美來拜祠下者已事而退又得以從容而遊息馬嗟乎有虞氏
之德其盛蔑以加矣蓋君臣父子兄弟夫婦之彝性孰不具是
哉帝之所以為盛德亦盡吾之心所同然者爾是則帝之澤流
洽於人心固將與天命並行而不可泯夫何有今古之間哉後
人裴回於斯地遐想簫韶之音詠歌南風之詩鼓舞而忘歸也
其亦庶幾有以興起乎遂書於石四年十月戊子廣漢張棧記

題名

淳熙乙巳九月二十九日大閱前一夕雨會朝開霽旗幟明人馬
盛努力勁皆新創也士練有素各以技逞實一時壯觀桐廬詹體
仁以明日招三山熊景瞻林德隅出郊歷韶音洞鑿釣臺天氣增

爽言宴清適儘可人意屬景瞻有移節江東之命舉酒相屬又使
人不能無悵然
灘山人曰談舜事當據虞典其云陟方以死未指何方而且蒼梧
之名二典咸曠即如南巡狩至於南嶽亦罔識上古所謂南嶽者
安在至漢武帝周行天下所發南嶽實惟瀟霍舜德雖大其如三
苗以南難徧巡何蓋壤隔種異鳥言獸心各自為域不樂內屬者
聖人不必招徠之況肯輕御六飛遠越重阻而畢命南荒哉典無
明文故弗之信大氏孔氏所刪皆繆悠之說史記不深考相徇云
然後世譏其輕信亦一事也楚風好巫至婆婆舞二妃屈平陳辭
其漢人踵其故度湘以南率用二妃事又謂蒼梧山帝舜葬於陽
丹朱葬於陰或又謂二妃葬衡山乃唐莫氏風土記云雙女塚在
府城北十里俗傳舜妃尋帝葬於此不懼非聖曷恥狂誕俗故不
以錄噫斯固難為淺見寡聞者道也

堯山 辰山 穿山 琴潭山 望夫山 附

山雖界在靈川去桂城東北裁十里積土盤迴亦略帶石長竟數

百里高亦為桂諸山之冠陰雨將至先有白雲起其中冥濛漸合
飄灑隨及山道多松從松間而上亦有盤石參差橫道望見兩掖
皆有石巖在其下道詰曲處土人云靈官顯上有平田曰天子因
堯以名後訛曰天賜其竅高處曰白虎禪師故庵地按漢書始安
侯國其下注引始安郡記曰東有駿樂山遼山豈遼訛為堯白鹿
即駿樂皆以其聲相近故耶有堯廟在山平平地山無石壁可以
鐫題故少采錄自廟而西七八里有辰山自辰山七里踰龍隱而
南有穿山渡灘西行稍遠有琴潭山北城之外望夫山董董有宋
人二三刻或止得其一難自成卷故附見焉

詩

唐軒轅彌明謁堯帝廟 祖龍開國盡遐荒廟建唐堯鎮此邦
山卷白雲朝帝座林疏紅日列仙幢巍巍聖跡陵松嶠蕩蕩恩

波洽桂江瞻仰威靈共回首紫霞深處鎖軒窗

宋張棧謁廟詞 溪交流兮谷幽山作屏兮層邱木偃蹇兮枝
相樛皇胡為兮於此留藹冠佩兮充庭潔芳馨兮再陳純衣兮
在御東風吹兮物為春皇之仁兮其天四時序兮何言出門兮
四顧渺宇宙兮茫然

辰山

城北東渡三四里即山所在山人名曰虎山中巖重起略似中隱
宋有士人劉晞升之家其下桂帥李大異嘉晞有隱操以螭龍擬
之因用名其巖其詳具晞子劉君顯所鏡諸詩中然詩及序半滅
不能錄矣

舊志云山有三巖下巖初入昏黑行十餘步乃明豁有石室穹然
坐三十餘客巖扉西向下瞰平野山川城郭瞭然在目自巖扉左
登陟磴百餘級至中巖乳石奇怪可駭可愕又由閣道至上巖巖
之顛有小亭放目天際冥濛杳靄不可窮極嘉泰初士人劉升之
始出此巖於荒蕪中游者驚詫以為桂林諸山之冠經略李大異

謂久晦弗彰疑為神物所居名曰螫龍巖

詩

宋唐弼敬和經略直閣寺丞丈贈劉升之螫龍巖之作二首
古人事業不關書聖處工夫詠舞雩窈窕巖居辱題品山南端
有臥龍無倚天寒壁鎖嵌空咫尺丹霄有螫龍莫向明時縮
頭角風雲只在笑談中

胡槻和前韻二首今存其一 東望堯山西舜宮山人名姓不
求通螫巖側畔蘧廬子即是巢由住箇中 嘉定庚辰十一月
書於緩帶堂

又 歐陽味異寄示項年所和簡寄玉牡丹詩悲愴之餘復用
元韻詩二首今存其一 密友昵交無半在宦情吟興亦俱闌
不堪撫卷重回首悲歎填胸哽爵盤

詩後序云 慶元乙巳命為桂林治中壽 主臨桂簿是時同
僚士友劉正之饒述古劉升之蔣子立陳方大趙季行劉清卿
及三數君子皆一時秀士往來甚密蔣子立嘗學詩習裘甫劉

升之為諸生日呂愿忠帥桂招見任寄居士人喻以秦城有王
氣俾於賦詩以詒老檜劉獨不賦其家依辰山巖洞奇秀尤登
臨佳處暇日余多率諸君過之必從容竟日今十有八年矣諸
君多為古人追思曩者遊宴之好為之心折因并 之庶幾諸
賢子孫或見此卷尚能記父友也嘉定丙子書於金陵總餉景
蕭堂

又槻於詩序後跋數十字云 槻被命帥桂行次湘清升之之
子子陽帥其子士華來迂談聞及之子陽欲得錄本因書以遺
之嘉定庚辰十月

劉居顯鑱前詩與序跋於巖壁仍自為記其略曰 辰山峙結
訖千百年莫或異顧大諫李先生貽扁螫巖而重以詩是山之
舉籍籍矣先君以為是固無意斯世者所宜螫也蓋嘗從南軒
張先生游講聞義利之弊有日宜郡以褻然計偕舉竟疑莫前
其介如之素若此荐歷二紀居顯政惟先志行涉蕪泯是懼無
何天眷南顧命先生重鎮舊治公餘首檢較昔游慨彼往事如

夢之歎所以惠廟迺復跡前孔稠一日以其和大諫李公韻并
總餉金陵懷舊十篇寵遺居顯薰沐跪諷其感慨詞氣爛溢毫
楮且揭巢許高躅傳先君有知九原敢冒是昇乎雖然士君子
出處未嘗不相表裏稟稷謀則箕穎尾遯宜也堯舜君民事業
有先生以身之則洗耳高臥先君其奚辭噫古人生死交情反
復手情而先生不間存歿所為感奮飛躍何如耶巖石增輝草
木吐氣潛德幽光真不朽矣世謂盤谷以愿顯安知以昌黎之
序顯山陰陳迹後人何酷掛諸牙頰毋亦右軍一記難磨與欲
刻之石崖使來者悉先君之隆遇其知斯巖始終隱顯有自來
矣歲值闕逢涖灘是月也重光協洽之既望契家姪劉居顯拜
手謹書

題名

趙悦道翁子東李叔逢余仲庸鍾定叟嘉定甲子月夕前七日來
遊

穿山

浮舟灘水南下鬪雞山其東水口即彈丸溪來合灘處上有山竦
身昂首若與西岸鬪雞山作鬪狀山半有穴南北橫貫故以穿名
或題曰空明宋胡槻曰月巖

詩

宋無名氏 石磴欹欹幾許層坐來心迹自雙清不知混沌何
年鑿便有嬋娟一鏡明周穆馬蹄何寂寞謝公屐齒最安平飄
然欲御長風去冉冉煙雲腳下生

其後題云廬陵胡仲威伯圓約張維翰和甫陳次賈倪俊孺來
遊嘉定五年 月 日雖有此題莫定誰作故但曰無名氏

趙師恕 睇此巖壑勝領客共登臨危棧臨不測巖塗歷欹欹
俯仰極高低下窮幽深來登空明山千崖正沈沈下瞰清羅

山古木鬱蕭森清風萬里來層雲蕩孤襟有客可共賦有酒可
自斟此景豈易得此樂豈易尋吾生今老矣遁迹歸窮峯一棹
下瀟湘此別意難任別後無相忘詩成寄郵音

此詩前四句苔乳所加不復可辨後有所題恐亦非前文姑

錄其可見者曰 端平丙申七月長樂趙師恕不以將受代
睦此巖壑之勝僚佐之賢上澣日邀慶元劉椿壽卿莆陽王
太冲元遊

空明山三大篆字
月巖二大字嘉定五年胡伯圓書

琴潭山

其山在西郊關外下有空洞洞有流水觸石成響如聞其聲故以
琴潭名旁有荔枝巖窅然深秀乳凝多奇狀亦佳境也

題名

方孚若再至桂林歷窮勝踐最後始得清秀玉乳荔枝琴潭四巖
而琴潭水石又諸巖之冠冕且川原平行羣峰環抱愛之幾不能
去安得此為菟裘地耶嘉定甲戌七月二十日同來李子凝張玉
父林時可子左廷左車侍

望夫山

山去北城不遠刻有宋餞別姓名或曰在望夫山之旁明月山洞

亦以明月名或又曰劉安一作留庵姑兩存之

題名

廬陵劉彥登允升通判靜江秩滿還朝以紹興己巳二月六日啟
塗連帥相廬方公載酒酌別於城北郵亭翌日又命僚佐作餞為
終日之集會者十有四人清湘唐時逢堯甫田戴緯對甫臨川劉
振時舉却陽董辨審言汴陽鄧建義成真定賈傑次之夷門王邦
翰憲卿番陽汪洛端中雒陽李津元映程祐之申夫陸庚 豫章
黃拱辰贊甫建安胡實正虛同安朱彥德繼善

灘山人曰桂諸山堯特以高廣稱其他則洞穴空邃或納行雲或
枕流水可備潛水之下然負策郊行往往而是其名難以徧舉故
於今志所主在有金石刻刻主唐宋以世代寢遠姓名易滅故多
方訪錄非獨以補文獻之闕亦以成前列立名之意不然何山不
巖何巖不佳奚宜取此十數山為耶乃余最好述潛夫事無可撫
据以當實錄者惟辰山劉升之有李公大異表其巖扉有胡公觀
先以詩序有子居顯其刻巖石此豈不足徵哉即所刻漫漶過半

矣猶然掇拾不少汰棄當以其詩文爾雅乎高士獨善之風當塗
旌賢之典執友篤故之誼孝子揚先之心一舉而四善集焉故謹
志之將以厲世又非緊刻之取己也夫用之則行舍之則藏藏非
必也而行為難能藏則不喪吾寶若劉升之氏邦伯契合則欣然
與之遊至誘以媚竈詩猶引却不應亦近乎知藏者余故假以終
詩山云

灑江 陽江 南溪 彈丸溪 訾家洲 朝宗渠 附

桂川曰灑與湘同源出興安陽海山至縣之北醜為二流灑則經
靈渠南出繚繞桂城東北之西南帶以陽江從灑山下入於灑水
波寬廣為陽金湯之固岸旁數山或扼其衝或遮其去故間有亂
石及沙潭處清淺為灑港碧為潭餘雖至深一二丈其下石雜五
色草兼諸種所有游魚羣戲水面間沒葉底停橈少選種狀可盡
別以此水最清洞澈無翳飛雲過鳥景不能遁南中人士自袂襖
之外良辰吉日浮舟宴集乃其故俗觀之之間三月三日詩自唐
為然矣至宋諸公或有乘月汎遊播之歌詠良以清景娛人且無

風濤之惡故也諸樓亭堂館並水為勝其詩及文隨各水後附焉
桑欽水經云灑水亦出陽海山
酈道元水經注云灑水與湘水出一山而分源也湘灑之間陸地
廣百餘步為之始安嶠嶠即越城嶠也嶠水之嶠之陽南流注灑
名曰始安水故庾仲初之賦揚都云判五嶺而分流漢書所謂出
零陵下灑水者也

詩

唐宋之問桂州三月三日其篇末云始安繁華舊風俗帳飲傾
城沸江曲主人絲管清且悲客子肝腸斷還續荔浦蘅皋萬里
餘洛陽音信絕能疏故園念日應愁思曲水何能更袂除作伴
誰憐合浦葉思歸豈食桂江魚不求槩使金囊贈願得佳人錦
字書

張九齡巡按自灑水南行 理棹雖云遠飲水寧有惜乃佳山
川怡然傲潭石奇峰岌前轉茂樹隈中積猿鳥聲自呼風泉氣
相激目因詭容逆心與清暉滌紛吾謬執簡行郡將移檄即事

聊獨歡素懷豈兼適悠悠詠扉監庶以同日夕
宋李昇之夜遊灘江上 灘江開徧四時花遊覽都 屐齒賒
風景雖宜秋向老關山無奈客思家漏傳樓上三通鼓水落灘
頭幾尺沙京國未歸鄉信斷陣鴻何處貼雲斜
章峴和 自笑無錢對菊花天寒欲冷慢令賒枕柳葉暗臨江
圃茉莉香來釀酒家月霧空濛螢照水霜風蕭瑟鷺眠沙歸尋
獨秀山前路城角參橫斗柄斜
灘經城東樓冠其上唐曰東樓

文
唐于邵九日陪廉使盧端公宴東樓序
國家以桂林重鎮越吳襟帶有郡縣可以網紀有蠻夷可以羈
靡朔南聲教蓋以此始皇上繼承大位之明年啟謨羣后載命
連率是以范陽盧公自京而來條察二十八州諸軍事千里之
地遂無外虞三軍之士皆務前敵然後賞必勞罰必當官不易
法府無留事封略既靜公堂自閑況重陽美景得為為樂大合

賓佐高張郡樓紅塵發地青山坳牧連天漲海來接蒼梧憑高
而翠靄轉微送遠而白雁看沒泛椒菊而筭爵願絲桐而間奏
賓醉月上主待露晞想彭釋之獨遊悵馬臺之陳迹今日之會
何其盛與余負累謫居卒起庭府點參佐之體陪上樽之娛韓
友已然耶谷自煖奉命為序冠於羣篇辭之所難敢謝不敏請
分賦五韻書諸即事云

東樓之北有樓曰道遙亦不枕灘
宋之問登道遙詩 道遙樓上望鄉關綠水泓澄雲霧間此去
衡陽二千里無因雁足繫書還

宋改道遙曰湘南
李彥弼湘南樓記 上登位之明年有詔經略安撫程公進直
龍圖閣所以獎忠勤勵勳闕也公自以遠守藩城獲膺佳命德
上之賜頓首感榮惟是庶幾夙夜恪恭厥職而公於府事無間
巨細咸與區處邊陲宴休鈴齋多暇願無足以據胸懷者而公
默恢遠慮謂桂西南會府為襟蠻帶海用兵遣將之區然自皇

祐中儂賊噬邊始大城桂故其隍池樓櫓之列有瓌鴻侈麗之勢閱歲滋久城東之門歆頽腐撓公乃因舊基而鼎新之興於建中靖國之秋成於崇寧初元之夏下拔峻墉上聳麗譙霍若雲興俄而山峙驤蒼牙以掛斗傍崇欄楯以躍林杪頽湖丹碣與朝日爭輝高牖疏櫺與游氛襲氣觀者忡愕謂是功不訾矣功既落成文武賓士咸列在席公舉觴屬廬陵李彥弼曰茲樓揭孽輪幽壓百雉之紆徐爽豁空濛睇千里之超忽平開七星之秀峰傍窅八桂之遠嶺前橫灘江之風漪後踴官府之雲屋疊衆皴以蕩漾環郡山而孤騫若神騰而鬼趨若波駭而龍驚茲亦勝暨之絕倫者矣昔之賦客詩人咸指桂林為湘水之南嘗試以湘南命馬子其為我搗藻而碑之惠茲樓為不朽可乎彥弼敬復公曰昔李太白人中仙才而以不識韓荆州為羞韓退之天下文伯而以不到滕王閣為恨蓋慨夫心賞之難遭也今僕之來藉碧幢之餘蔭踵珠履之後塵士為高明之遊寓凡襟而寓遙矚閱飛動而接混茫慘毫振英與山川淑氣相為

朋斯豈尋常之遇哉夫氣象之優嘉此亦造物之所深惜也然其有所謂神龍之洞淵真仙之廬宅名曰巨川往往於此遐州渺邑之陋幽林哀壑之荒軌跡不得而經者此亦物象之不幸也今湘南之景駿騁雄張環輳城郭而雲煙之變化風月之朝昏千態萬狀惟公以一樓臨之檻倚轉瞬之頃盡得於眉睫之間則雖使造物欲韜光匿奇祕藏而惜之烏可得哉公識量虛明禮賢揚善英俊之士翔集府下號為冠蓋之盛則公之睠睠於茲樓豈造物者特所以露怪變之豪而侑觴詠之樂哉因復系之以辭辭曰偉桂林之通都兮邈三湘之嶺南控蠻陬而轄海疆弓儼帥居之潭潭誦昌黎之高篇兮江山羅帶而玉簪繫脚命而來游兮若仙登而鸞驂遶我聖朝之天覆兮鳥奔猿警而亂戢戢戈甲而蠲氛埃兮曾弗勞於韜鈴嘉龍閣之程公兮擁藩旄而笑談疊清威而抗稜兮洗蠻餐而律貪浹五春於藩宣兮承皇流而布澤涵奢樓觀以壯威武兮屹飛甍之耽耽壓城椒而四瞰兮籠景象而錯參搏翠壁而攬秀色兮駭造化之

剡鏡馭蒼螭而駕青蚪兮瞰層
而仰巉穴來風而巖隱龍兮
竦靈窟之空嵌羌連拳而敞
虧兮憑七星而倚神檐墉峻
脚以插訾洲兮匣清漪于士
玉捫大虛而梯天兮超恍惚
於囂凡雅風餐而雲臥兮洒
蟻蝶於拱簷羅賓尊而舡吞
兮醺簪裙而醉酣仰我公之
興復不淺兮躡風御而薄詠
蟾愧無倚馬之仙標兮為我
公翻墨海而搜潛排閭闔而
掀滯淫兮剖鬱紆於前瞻
雖越吟楚秦而忘異鄉兮仲
宣依劉而知恬寄窮通於塵
垢之外兮探虛無曠莫於周
聃嗟景物之戀賢牧兮違恤
主人之留淹望堯雲於慶霄
兮接何時而畫三冀我公之
橫梨兮拱凝旒於邃巖風流
千載茲樓兮桂人志德以無
厭

唐人從東城至北建有三亭亭皆據灘其一為東山亭

風土記云府之東門有大亭枕江與望月樓接最近子城一為拜表亭

風土記云北接碧潯南連望月東俯長河西隣雉堞前政山北盧尚書匡建置

一為碧潯亭

風土記云大中初前韋舍人瓘拈造在子城東北隅十餘步接連
逍遙樓前近大江館宇宏麗制作精緻高下敞豁冠諸亭院後有
去思館舊名青桂館前政吏部張侍郎鶯除替飾裝於此遂改為
去思館韋舍人年十九入闕應進士舉二十一進士狀頭榜下除
左拾遺於時名重搢紳指期直上馬相為長安令二十八度候謁
不蒙一見復任廉察桂林裁半歲而馬相執大政尋追舊懷事非
時除賓客分司悵望留詩於碧潯亭

唐韋瓘 半年領郡固無勞一日為心素所操輪奐未成繩墨
在規模已壯閎闔高理人雖切才常短薄官都緣命不遭從此
歸耕洛川上大干江路任風濤

曹鄴碧潯宴上有懷知己 荻花蘆葉滿溪流一簇笙歌在水

樓金管曲長人盡醉玉簪恩重獨生愁女蘿力弱難逢地桐樹
心孤易感秋莫怪當歡却惆悵全家欲上五湖舟

灘所挾諸水陽江為大其在郭西領杉木諸塘水匯為澄潭歷西

南文昌三石梁東出灘山與灘合對岸即城宋於城下構亭曰陽
亭宋張栻仲春過陽亭亭古危臨岸林幽巧近城煙容隨雨住
花片著溪清春事已如許客懷誰與傾亭前幾株樹滿意欲敷
榮

灘南流至鬪雞山南溪之水自西南來出山陰入灘從水口上沂
白龍劉仙登岸經便白龍洞前將軍橋下水中有泉甘冽宜茗稍
東為金蓮港每夏秋間其花盛發搖漾水面鬱若金粲亦臨汎佳
處

唐李渤留別南溪常歎春泉去不回我今比去更難來欲知

別後留情處手種巖花次第開

彈丸溪上接圓通灣水下合流水支流經七星龍隱至穿山下所
出水口當鬪雞於注於灘

訾家洲起灘水中近城東隅唐元和中裴中丞行立栢建亭閣於
其上

風土記云訾家洲在子城東南百餘步長河中先是訾家所居因

以名馬洲每經大水不曾淹浸相承言其浮也

唐楊尚書宴遊詩桂林雲物盡漫雨裏開花雨裏殘惟有

今朝好風景櫻桃含笑柳眉攢

從事陸宏休新春雨綻訾家洲信是南方最信游酒滿百分

殊不怕人添一歲更堪愁鶯聲暗逐歌聲豔花態還隨舞態羞

莫惜今朝同酌酌任他龜鶴與蜉蝣

歐陽賓舊業分明桂水頭人歸業盡水空流春風日暮江頭

立不及漁家有釣舟

宋張孝祥一雨便清涼風回百草香雲山朱家畫水竹輞川

庄僧賦蠲新拈牆榛斬舊行歸羈乘晚霽空翠滿輕裝

唐柳宗元上裴中丞撰訾家洲記啟右伏奉處分令訾家洲

亭記伏以境之殊尤者必待才之絕妙以極其詞今是亭之勝

甲於天下而猥顧鄙陋使為之記伏受嚴命不敢固讓退自揣

度惕然汗流累奉游宴竊觀物象涉旬模擬不得萬一竊復詳

村進退若墜久稽篆刻有違慢之辜速課空薄又見疏燕之累

借期廢事无所戰慄謹修撰記上獻退自跼蹐不知所裁無任
隕越惶恐之至
宋元訾家洲記 大凡以觀游名于代者不過視于一方其或
傍達左右則以為特異至若不驚遠不陵危環山洄江回出如
一奔奇競秀咸不相讓徧行天下者惟是得之桂州多靈山發
地峭樹林立四野署之左曰灘水水之中曰訾氏之洲凡嶠南
之山川達於海上於是畢出而古今莫能知元和十二年御史
中丞裴公來莅茲邦都督二十七州諸軍事盜遁姦革德敷施
期年政成而當天子平淮夷定河朔告於諸侯公既施慶于下
乃合僚吏登茲以嬉觀望攸長悼前之遺於是厚貨居甿移于
間壤伐惡木荆奧草前指後畫心舒目行忽焉若飄浮上騰以
臨雲氣萬山面內重江束隘聯嵐含輝旋視其宜常所未覩倏
然互見以為飛舞奔走與遊者偕來乃經工庀材考極相方南
為燕亭延宇垂阿步簷更衣周若一舍北有崇軒以臨千里左
浮飛閣右列閭館比舟為梁與波升降苞灘山含龍宮昔之所

大畜在亭內日出扶桑雲飛蒼梧海霞島霧來助游物其隙則
杭月檻於迴溪出風榭於篁中畫極其美又益以夜列星下布
顯氣迴合邃然萬變若與安期羨門接于物外則凡名觀游于
天下者有不屈伏退讓以推高是亭者乎勢成以宴歡極則賀
咸曰昔之遺勝槩者必于深山窮谷人罕能至而好事者後得
以為己功未有真治城挾闌閭車輿步騎朝過夕視訖千百莫
或異顧一旦得之遂出於他邦雖博物辨口莫能舉其上者然
則人之心目其果有遠絕特殊而不可至者耶蓋非桂山之靈
不足以環觀非是洲之曠不足以極視非公之鑒不能以獨得
噫造物之設是久矣而盡之於今余其可以無藉乎

朝宗渠宋人於北當道穿渠使其流東接灘江西入西湖達於陽
江用補之所不及

張仲宇盛事記云王公祖道洙子癸之流以注辛戌環城有水
如血脈之榮一身遂聞之朝故大觀二年准敕著令壅隔新恤
者以盜決黃汴二河隄防法坐之其年桂士得舉者衆范公成

大又修之具勸駕詩序中方公信孺至又為繕築然今湮塞已
盡土人至以朦朧橋呼之近歲於橋旁掘得石記其文曰嘉定
年 月提舉何渠公務方信孺修復古渠築渠開二石堰一
靈溪之水大至畧城而西達於陽江董事者昭州立山縣尉丁
似雄邊軍統轄孫恢迄工六旬糜費萬錢因采范石湖詩以朝
宗名且志於石嘉平月 日
西清賓賢其壕水春夏之交齋淪山麓崖花水藻叢發清綺隔
水百十家隱見本末後負連山前則萬荷遮映鼓勝
隱山之下故有濛溪引
曰西湖今悉為田僅餘
郭外諸水此其大經乃
曰陽橋一曰西湖一曰
興浚築有八桂堂泛綠
地在東北隅起伏波竟
者環繞而塘身無幾且

橋東西薄城中帶麗譙

湖在郡廨西名與隱山

不及陽橋大氏城內之

宋李彥弼八桂堂記

是為桂林秦以郡置唐

控蠻窟宿兵授帥於喉

會府蓋承聖宋之御圖

外黔獠効順師徒勿勤

其業而安其生喜見太

歲時載合提醪口簫腰鼓以遨遊燕賓為事然而群山蜿蟺環

轅郭郭幽巖邃壑窮欄密檻多棲於煙 風登之外不足以容

邦人車蓋之盛輿情患之龍圖閣鄱陽程公自紹聖五載擁旄

開府今閱五春矣公淵淪胸襟恬澹壇宇闔開權謀不運氣氣

而威揚澤霑瘴塵消廓臥鼓邊廷於是表輕帶煖時為逍遙遊

因欲以豁邦人鬱紆之情乃度州治東北隅有隙野馬蘭高燕

原陂陀軒霍萬景獻秀可以圃而堂之爾乃薙斧劇榛埽除程
猗巖馳所以嗥風嘯雨之區而為穹臺曲榭崢嶸環麗之觀獨
秀坵其孤伏波喋其偉前繚以平湖為菰蒲菡萏之境中闢以
廣庭為車騎樂舞之場右峙迎曦以賓朝暎左開待月以呼夕
魄山月滿目桃李成蹊鋪進日以采繁激光風而轉蕙而對植
丹桂為蒼蒼之林散蟾窟之天馨飄薄于几席之間是為八桂
堂也輪汲清漪筒洿迅注泛蘭舟而載雕觴環佳賓而筭醇醪
是為流桂泉也鑿方沼而聳中洲叩淺闌而數遊鱗脩然有濠
上之趣不減惠莊之真是為知魚閣也因岡為臺憑高徙倚巖
波影於簷檻漱灘聲於眉宇而峻以青瓊盪空而嬉女士喧咽
心醉物華不知珥墮而簪遺是為熙春臺也公乘休暇則驅貌
緜抗幢旆引賢大夫而來游相與傲清晝擷芳鮮酌桂漿之全
波浮先春之玉乳投驍壺而敲芳杵西晷頽光鳴珂而歸夾道
之人仰公高致邈在物表微公雍容燕衍坐鎮數十里於樽俎
之上若將與民相忘者雖山秀倫之醉習池羊叔子之登峴山

風流之敏妙僚侶之英華未足多謝彥弼乃招稠人而語之曰
爾知公之所以遊乎夫君子長者之於人未有不先同其憂而
後同其樂者蓋數炊秬爨足以已享而不足以享人此小知之
士所以長見笑於大方之家公之帥桂也明政事鍊甲兵銷患
未萌而人無駭與之變此先同其憂也公之闢圃也敞扉通塗
無隔塞之禁而不忍擅一身之私此後同其樂也惟憂樂與斯
人共之是為公所以建八桂之意與於是衆口嗟咨感公盛德
惟山石可泐川滿可涸斯堂之景豈有既乎雖然景則無時而
盡公則有時而去一日歸拜明光密侍嚴凝則吾人思公之心
亦豈有既乎願德公之文以紀無既之景垂無既之思僕曰公
手植八桂於堂之砌異時公歸在朝爾邦之人擁翠幹而培深
根徘徊撫翫於濃陰之下想風采而詠芳馨期為分翦之千齡
則是真甘棠之思也願吾之文亦何與哉謹記

灘山人曰桂林山聞山以洞巖得稱秀絕微灘為之池不且氣之
盤鬱無所宣洩而山亦偏枯何所麗以增其清韻也且城據之以

為險人因之以為利其北走洞庭南出番禺城下輕齎重裝水道是繇即軍國所須鮮不取濟灘之功用大矣哉又不特增諸山之美已也漢書郡國志及酈道元水經注指灘所出昭矣宋人又從而為之說至以湘為上為先以灘為下為後又謂湘灘為名是類也是所假也是從義也是有因也何其騁辨不審要一至此乎不惟其文猥冗而於義亦無當雖今昔郡志采以為證心竊非之故無取焉乃莫公休符風土記於桂諸山多少發明至靈渠條下駁人言馬援鄭弘開渠之謬是矣其謂戈船將軍嚴助則失考史記所云故歸義越侯二人為戈船下厲將軍出陵零下灘水烏得有嚴助哉余亦不之錄世固不之是古非今者故詳探往錄著考見同異如此

桂勝卷四

桂故卷一



明 張鳴鳳 撰

郡國

桂故荆屬本南楚之境為郡為國皆以始安名與秦所置桂林雖
土壤相接然楚自楚越自越名稱昃分著在前史不可營亂失自
唐起如楚典風土志諸書本唐人撰畧不同圖按求故地遂一
切曰桂秦與魏晉桂林郡縣幾淪滅矣所以失者蓋因梁置桂州
刺史於始安刺史雖可假桂而置始安豈可循桂而改沒其稱耶
此不涉史者之過也茲特備列用以舉正焉

前漢地理志

零陵郡所領縣十

一始安

後漢郡國志

零陵郡所領十三城

一始安侯國

按志注云屬荊州刺史始安屬荆則當時桂林區別明甚隨考漢志屬交州者為鬱林郡領縣十二一曰桂林其郡名下注云故秦桂林郡武帝更名曰鬱晉至隋皆因之

三國吳志

甘露元年十一月以零陵南郡為始安郡

晉書地理志

始安郡 注云吳置統七縣

始安郡 始陽 平樂 荔浦 長安 熙平 永豐

宋書州郡志

始建內史 注云宋明帝改今名領縣七

始安 熙平 永豐 荔浦 平樂 建陵 樂化

晉書州郡志

始安郡 注云宋名始建今名之領縣六

始安 荔浦 建陵 熙平 永豐 平樂

梁書

天監六年七月丙寅分廣州置桂州
大同六年置桂州於始安郡督南桂林等二十四郡

按始安初屬荊州中屬湘州後改屬廣州受彼刺史所督察未
有桂稱其設州稱桂為部刺史治所自梁始曰南桂林即秦桂林也

陳書無志

隋書地理志

始安郡 注云梁置桂州平陳後置總管府大業元年府廢統縣十五

始安 平樂 荔浦 建陵 陽朔 象 隋化 義熙 龍城

馬平 桂林 陽壽 富川 龍平 豪靜

唐書地理志

桂林始安郡中都督府至德二載更名曰建陵後復故至大順三

年始建府號曰靜江軍領縣十一

臨桂 理定 靈川 陽朔 荔浦 豐水 修仁 恭化 永

福 全義 古

其陽朔下注云武德四年置歸義縣

按隋以前首縣皆名始安未有桂稱惟隋第十一縣曰桂林注云大業初併西甯縣入至唐乃改首縣名曰桂林注云本始安

武德四年置後因之

五代史職方序

桂州靜海軍初屬湖南馬氏後屬南漢

宋史地理志

靜江府本桂州始安郡靜江軍節度大觀元年為大都督府又陞為帥府舊領廣南西路兵馬鈐轄兼本路經畧安撫使紹興三年以高宗潛邸陞府寶祐元年改廣西制置大使後四年廢復為廣西路經畧安撫使領縣十

臨桂

興安

靈川

荔浦

永福

脩仁

義甯

理定

古

永甯

南渡後無永甯縣

瀛山人曰世之議者必云屠睢之所擊任囂之所戍翁居之所監非此桂林明矣史祿鑿渠厥壞安在夫浚瀛之流以開餉道為戍

粵之資非置郡而後始鑿也無足疑者或者疑以古有八桂為言山海經曰桂林八樹在番禺東質今吾桂東番禺東耶西耶名之不正遂令郡志以吳桂林太守脩允牽入抑何其輕信已或又謂余之著書亦桂始安何夫絳之有故也猶豐之有新也名從其新實存其故執古以非新則僭徇新而忘故則愚廣置詰難為以秦所開設亂楚以強云爾甚者又妄附交南必以唐中葉有安南桂管宣慰使之官不知爾時或因交南不庭遙為撫諭或蕩定之後徙其人於桂旁地不則桂當交人貢道貢使始入一慰勞之也邕交鄰境尚不得爭咫尺無故而舉桂數千里之外附之為誤孔甚用以牖愚單但涉僭抑萬世後獨無解者耶有則昔人所謂旦暮也已奚其僭

桂故卷二

官名

明 張鳴鳳 撰

夫為民師而命以民事昔謂之紀近迴覽前策莫有問古以指名可知其職非若上古摹雲撰鳥象火紀水難厝思也故問者不憚越國傳者自謂顯門即如周禮一書總之所載不過六卿諸屬與其所受之事文古義深劉敞謂獨識不能銳精至鄭賈解行猶多遺闕孰謂官名乃細故耶唐宋以降事不師古冗流猥衆官號不雅毋假考古者皆知之顧志者往往不謂別白如宋經界安撫轉運提刑所在並設皆網紀全節之上其外又有常平緒官頗相頡頏故諸山題名送為先後恐見者有所不解因并籍記亦以備志者之闕焉諸官首舉始安令何名見前史自縣起示有先也

前漢

始安縣縣有令或長公卿表云縣令長掌治其縣萬戶以上為令秩千石至六百石減萬戶為長秩五百石至三百石皆有丞尉秩

四百石至二百石是為長史

後漢始安侯國國有相百官志云每縣邑道大者署令一人千石其次署長四百石小者署長三百石侯國之相秩次亦如之

三國吳

始安郡其職名不見於志乃他郡或有之大抵仿漢所置也

晉

始安郡職官志云郡皆置太守諸王國皆以內史掌太守之任

宋

置始建國內史

齊

改始建為始安郡仍置守

梁

始置桂州刺史

陳

因梁之舊亦置刺史

隋

平陳後置總管府百官志云總管刺史加使持節

唐

所置不常如都督府則稱桂州都督開耀間改稱管內經畧使後復置都防禦觀察招討處置等使大順三年陞桂管經畧使為靜江軍節度使蓋其季也乃稱常或檢校尚書及中丞桂州刺史兼桂管防禦觀察等使而已天寶六年改州為郡改刺史為太守至德一載復諸州皆官名州屬則有別駕長史司馬錄事參軍而節度之屬又有副大使知節度使行軍司馬副使判官支使掌書記推官巡官衙推官之類

五代楚

馬氏初稱桂管觀察使後以其弟賓為靜江軍節度使

宋

知桂州率以諸館閣秘殿兼經畧安撫使紹興三年為靜江軍則

實

稱知靜江府提舉學事管内勸農使充廣南西路兵馬都鈐轄經
略安撫使兼提舉賈馬不一自桂及瓊並受節制戎機民事小則
顯決大則奏請後併黔南為一路所部蓋廣故稱帥府及寶祐改
制置大使兼轉運又有稱制閩矣其屬有幹當公事主管機宜文
字準備將領準備差使而通判于州郡為上佐云
轉運使副使判官各一人掌經度一路財賦歲行所部檢察儲積
凡吏蠹民瘼悉條以上及專舉刺官吏之事其屬有主管文字幹
辦官各一人文臣武臣準備差遣差使多寡無定數
提點刑獄公事掌察所部獄訟凡禁繫淹江不決盜竊捕竄不獲
皆劾以聞及舉刺官吏之事舊制參用武臣熙寧初罷之六年置
諸路提刑司檢法官紹聖初以提刑兼管坑冶乾道八年以人言
諸路經總制錢併委提刑官督責後又以人言廣西所部州軍最
多提刑或照原降指揮分上下半年就鬱林州與靜江府兩處置
司其屬有檢法官幹辦
提舉常平司提舉學事顯攝不一後或罷第令兼攝

走馬承受舊隸經畧安撫司歲一入奏有事則不時馳驛上聞崇
寧中始詔不隸政和六年改稱廉訪使者與經畧安撫等夷矣靖
康初罷之

縣置皆同兩漢百官志令長而下惟有丞尉獨無主簿列傳內始
有置為主簿之文厥後因之乃注為定員在尉上

梁陳以後有都督廣交越桂諸軍事或督湘衛武桂諸軍又衛桂
成合四州諸軍權出兼督又有遙領至宋遙領益衆其行軍總管
所有長史司馬皆以行軍立號宋又有體量安撫經制賊盜諸使
及招安捉賊等名皆以征南至而唐之桂管安南都護蓋因交南
有事間一置之路分兵馬都監兵馬鈐轄管界巡檢等官皆戍備
邊盜者陳宋末又有都統制兼大使遣暫總戍雖非常設以有名
諸山故附列之篇

瀛山人曰余為官名見漢世之文辨物正辭義該事舉由周而後
文訖于此蓋嘗學之研精史漢旁及黃圖雜記諸書嘉所稱謂寧
張局署吏聞哉宮殿樓觀館舍臺亭被以一字咸極精雅論者美

之謂炳焉與三代同風信矣唐至中葉六典失守羣盜攘節鎮廝
與濫侯王使名重沓幾至百字宋初稍懲又經元豐更定官制猶
不能澄汰故習至其後領兼紛紛而名號濁惡亦孔之甚蓋宋自
景德慶曆四五十年間運鍾隆盛人亦太康國體之墮蓋吏治之
苟且始不莊議後相徇不思更化矯俗黨同妒異小人乘之遂
煽黨禍其極也舉翠華汗黃沙豈可令熙豐首事者獨任其咎哉
不獨談治講學亦爾將亡之主請蓋為理何理之遵安坐待盡文
物不振恆必由之觀桂勝諸所錄出自宋者何可掩也

桂故卷二

桂故卷三

明 張鳴鳳 撰

先政上

記事之書國史而下則有外志如汝南三輔華陽諸書皆州郡之
所采輯郡縣之所甄別大者侯牧次則令長其頒示科條與夫治
迹著在境內者罔不籍記雖年代薦更而伊人如在近可述其善
政遠可永其流風不以異姓滅彼名籍如齊起太公上沂蒲始歷
逢伯陵至於季前卒推本爽鳩氏厯厯有據晏子故博物君子不
有典籍藏在舊府何由默識而取辨立談哉兩漢令相史蓋闕錄
追尋未從良可惜也故本諸史及他書與名勒諸山者或摭其本
傳或循其遺詠徵以數語畧存風概為諸先政傳參佐從事亦領
豫焉乃任行陽衡李商隱數君子其迹若類羈游其名實在桂府
且于時府主得自辟選諸君例治奉凜故不敢附之遊寓
張九齡字子壽曲江人自洪州都督徙桂州兼嶺南按察選補使
謁虞山舜廟有文其詩則巡按自灘水南行者甚稱山川之桂至

姑

楊

云目因詭客逆江與清暉滌鸞疑其勝而此劉禹錫乃謂九齡為始安有瘴癘之歎非也禹錫蓋因九齡當國曾建立宜峻遷客之防禹錫屢經謫外又久不得量移內地故追憾九齡且云無後況不安瘴癘乎

李昌巖大厓間以御史中丞桂州刺史兼桂管觀察防禦使有討西原賊潘長安功吏士為刻平蠻頌鎮南山下又嘗修飾舜祠祠後虞山亦有碑其時韓雲卿以文韓秀實以書李陽冰以篆知名當世二刻皆三尺所為獨秀山又有監察御史裏行鄭叔齊為昌巖作新開石巖記中言昌巖即山建學大興弦誦昌巖於桂蓋多可稱者尋以荆南節度使討梁崇義任華於桂稱昌巖忠義特達有文武才畧或者謂之實錄

任華其詩尚奇如贈李翰林杜拾遺兩詩古無其體在桂送祖評事赴黔府序云出餞何許舜亭峩峩憑欄窺鼃鼃之窟酬酒滴魚龍之背及序宋宗判官歸判臺又云二子出餞于野霜天如掃低回朱崖加以炎山萬重平地卓立黑是鐵色銳如筆鋒復有陽

江桂江畧軍城而南走噴入滄海橫浸三山則中朝羣公豈知遐荒之外有如是山水山水既然人亦其然華是時為昌巖府中參佐同時有蘇侍御澣武功入佐前御史中丞張公為判官

戎昱荆南入登進士第衛伯玉鎮荆南辟為從事復後因桂府之辟有登西山上陸大夫詩又兩有李大夫詩陸失其名李則昌巖然于李深感其恩亦足以徵昌巖之能容士昱後官辰虔二州刺史孟簡字幾道德州平昌人簡工詩尚節義以善交聞所知既沒多恤其家一時名士柳宗元韓愈諸人皆樂與之遊晚節躁競佞佛最甚頗為時所誚獨秀山曾有題名但稱刑部員外郎疑是時或倅桂州云

馬總字會元其家廟碑云以御史中丞都護日南以國子祭酒觀察桂州刺史稱其都護安康廉靖不撓用儒術教其俗政事嘉美獠夷安之後從桂入為刑部侍郎官終戶部尚書總喜讀書雖視吏事書不去前即所輯意林其涉獵亦頗衆矣疊絲山有安南桂管宣慰使馬日溫送馬祭酒刻石溫無所考馬祭酒必總也

柳宗元字子厚其先河東人文名爵位詳具唐書中自以永州司馬為柳州刺史曾一至桂有桂州城北望秦驛手開竹徑至釣磯留待徐容州詩曰幽徑為誰開美人城北來王程倘餘暇一上子陵臺又為裴行立記訾家洲其文於時與韓齊名若登高而賦義深語麗有魏晉間風藻則韓無以過也遠謫蚤死宦學未竟匪人是抑天亦忌之悲夫

裴行立自安南經畧使徙桂管觀察曾討平黃峒賊即城東灘江中訾家洲造梁構亭跨洲抗水為一時館宇之最屬柳子厚記之然行止議討西原初妄謂蠻弱首請發兵盡誅叛者欲徼幸有功憲宗許之行立出兵擊更二歲妄奏斬獲二萬罔天子為解自是邕容士民以戰戎疾疫死者甚衆而調費至無所給其禍由行立陽旻二人當時莫不咎之韓愈亦謂自行立旻建征討生事詭賞邕容日以彫弊人神共妒之不知後來何以行立祠名宦蓋不考史而徒讀柳文者故耳

李渤字潛之寶厓間為桂管觀察使渤與兄涉早隱廬山中徙少室元和初戶部侍郎李巽諫議大夫韋況交章薦之以右拾遺召河南少尹杜兼遣吏敦促渤上書謝不至洛陽令韓愈遺書規渤心善其言始出山家於東都久之以著作郎召遂起歲餘遷右補闕渤自山人召起奮發敢言用荅時望封章日上天子頗徇所請擢給事中金賜紫服後出為桂管濬聖渠廣水道又為桂奏請設常平以其暇日開隱山疏南溪濱伍往遊踵為勝集隱山相傳有皇甫湜吳武陵韋宗卿所為記湜文不存南溪則渤自序與其詩

並傳

吳武陵慷慨尚奇李渤請為侔故事副車上任具橐鞬通謝又數日毬場治宴酒酣武陵致詞云奉約同遊山水奈何責望以故事乎渤不得已強從之已乃于坐聞褰衣笑語渤醉益怒命左右梓送衙司斬之時都押衙米蘭以為不可遂引共請渤平夜聞家人哭聲怪問所以家人告以聞殺武陵渤遽起召蘭乃知無恙比明渤至武陵寢所卑詞引過遂歡好如初先是武陵居永州柳宗元賢其為人及後為裴度所知每為度言宗元久斥蠻中當量移使

得優游江湖又為書與侍郎孟簡言宗元久斥不還一旦蒙霧露而死柳氏無後矣後出為韶州刺史以贓貶潘州司戶參軍卒然武陵好文篤舊其于宗元有古節士之風在桂時為渤記隱山又有韋宗卿者作六洞記宗卿亦自操贍然不知在桂為何官元晦相國稹從子其自吏部郎中受諫議大夫制稱其往在內庭嘗感先顧奮發忠懇不私形骸俯伏青蒲至于雪涕蓋敢諫之士出為御史中丞桂管觀察使見疊綵山有干越四望左右迴翼心大樂之引水穿沼治亭院其間晦自命名其小記與題篆似皆出其手寶稽山亦建一亭曰巖光晦鑱有詩今失所在又嘗以離山不可與溫泉驪山並稱改曰儀晦于元氏亦秀而文有勝抱者乃杜牧之薦其友人韓又云又惡晦之為人將有所揚必有所抑又絕無指實恐牧之斯言非篤論也

盧匡桂管觀察時以九月集請參伍登東樓宴飲長吏于郡為序邵氏相門以諫議大夫知制誥進吏部侍郎朝有大典策必出其手為三司使治辟邕獄忤上旨貶桂州長史復為太子賓客與時

相陸贄不平出為杭州刺史再貶衢州徙江州卒邵于桂著文最多

韋瓘字茂弘仕累中書舍人其自桂管觀察使除賓客分司以少時傲忽馬植比植柄政追懷舊事乃以分司罷歸洛詳具風土記中唐書以瓘與李德裕善李宗閔惡之德裕罷瓘明州長史會昌末累遷楚州刺史終桂管觀察使誤矣洪氏隨筆有辨瓘浯溪留題云其官位與見惡宗閔質李德裕罷相年歲皆不合且自言旁考諸書竟不知瓘去國坐何事豈未見風土記耶

楊漢公字用乂桂管觀察使於訾家洲宴遊賦詩從事陸鴻休和張固亦桂管觀察使大中建以重陽節宴於東觀觀在今七星山從事盧順之即席贈固以詩固亦有和詠獨秀山亦有固詠所著有幽間鼓吹唐史遺事通考六回懿僖間人

鄭亞大中初為桂州刺史御史中丞桂管防禦觀察使辟李商隱為判官居府中典其書記以與李德裕善德裕罷相坐貶循州李商隱字義山懷州河內人或言英國公世勣之裔孫第進士調宏

農尉後依桂管觀察使鄭亞為判官亞謫循州商隱從之凡三年
乃歸李德裕故與令狐楚有隙商隱早事楚後依亞亞以德裕黨斥
外楚子絢憾商隱不置商隱文名高於一時忌者以絢故目為輕薄
商隱竟與世坎壈終其身任桂詩甚多其自桂林奉使江陵途中感
懷之作有曰既載從戎筆仍披選勝襟瀧通伏波桂簾對有虞琴宅
與巖城接門藏別袖深閣涼松冉冉堂靜桂森森此數句狀府廨與
獨秀相接如在目中若西溪及流杯亭恐他處皆有難定指以為桂
楊衡者吳興人在桂與陳羽念別有云碧桂水連海蒼梧雲滿山
及送公孫起自桂林歸蜀則云桂流淺復碧潺湲半露石似亦曾
臨清流而興詠者其少時與符載同隱載有送衡自江陵下南陵
序自言其學得衡指授最多孟郊亦有哭衡詩君生雲水清君死
雲水渾其為流輩所重如此吳興志不著其名桂亦莫有知其詩
者惜哉

莫休符其自序所著桂林風土記前賢撰述有事迹書故有三國
志云荆楚歲時記湘中記奉天記惟桂林事迹闕然無聞休符因

退居粗錄見聞曰桂林風土記聊以為序時唐光化二年九月二
十三日休符不知何所人序前自列官位所至銀青光祿大夫檢
校左散騎常侍使持節融州諸軍事守融州刺史御史大夫以桂
勝多引其書故附之傳末

灘山人曰唐諸先政若王賈裴懷古韓攸三四公或愛利著於屯
田或信順格于黜賊公庸茂矣乃棄不錄顧歆豔李元之經營任
吳之序記者何曰此指桂勝非循吏傳也夫隱山南溪顯于西南
疊彩寶積況於東北繫二公是賴哉李則入山而有隱操立朝而
有風議元事不章其授諫議之制謂其奮發忠懇伏諫雪涕亦非
無所指而然也又其文采皆可照耀巖壑任才跌宕似出吳右均
於吾桂山水多所潤色乃談者獨取昌黎參帶之詠不幾淺之乎
其涉耶古語之有百聞不如一見昌黎蓋聞者即斯兩句本非詩
苑之極則何足述哉又郡志所采詩多自他處送人至桂曾以身
遊目睹者殊科則余之不尚隄度所操殆與射聲者異矣

桂故卷三

桂故卷四

明 張鳴鳳 撰

先政中

桂在西南一隅非四戰之地議者必曰中原有固足可保險偏安數十年動引庸妄人癸水之識以為證其說近是而實非也蓋試一土觀唐宋五代之際乎宣晟始亂馬氏繼之至番禺劉氏父子而至五六十年間土易三姓如反覆手其人得自脫于劍戟之鋒矢石之慘者無幾譬之人身中夏腹心也邊隅四體也未有腹心受病而四體愉快如常者偏安之說其可信乎後賴宋稱制加以寬政夷節寬鎮建州府黜侯王置牧守解去武健專任儒生原野無戰塵之揚海嶠有惠風之扇經畧轉運提刑諸大夫政刑具平聽覽斯暇或以省耕省斂或以送往迎來或汎于舟或命乃駕不東之七星則西之隱山諸處來遊接軫勒名選石其鈔錄至者余得按之節序為傳焉

蘇安世字夢得開封人為三司戶部判官太常博士時歐陽修以

甥女獄事相連權貴人惡修者欲因而推之使安世與中貴雜治
安世竟白其冤修得不至權貴人遷怒安世誣以治獄不直黜監
泰州稅安世久在外不蒙召還終廣西轉運使王安石誌其墓言
安世十五年不求磨勘其淡於榮進如此雉山有題名且及其諸
子台文等與進士趙揚揚即其壻台文弟兄皆歷官中外
余靖字安道曲江人以文學稱鄉里自潭州改桂州時儂智高反
召以廣南西路委靖經制測智高必結援交趾脅諸峒以自固靖
乃遣使諭交趾會兵擊賊又募儂黃諸姓酋長皆縻以職使不與
智高合其後狄青孫沔討平智高論者謂靖先謀翦智高羽翼功
居多焉徙知潭青兩州以交趾申紹泰之變靖復安撫廣西龍隱
巖有題名熊文反蕭固宋咸柳涉李師中馬仲方黃照皆同遊者
宋咸李師中自有傳

宋咸字貫之建陽人歷廣西提刑轉運使嘉祐三年知桂州蕭固
轉運使王罕命臨桂令梁庚復關華景洞時咸以提刑為記之石
仍載武提刑文思副使王琚鈐轄供備庫使李繼明判屯田員外

郎周約

李師中字誠之楚邱人提點廣西刑獄鑿靈渠奏罷邕管馬軍初
邕州蕭注宜州張師正謀徼邊功注欲以所管蠻峒首豪往討交
趾云不煩朝廷兵食經畧使蕭固轉運使宋咸為注所餌合詞稱
便詔以注奏付師中規畫可否師中詰難注其議乃沮擢轉運使
攝帥事師中嘗著宋頌三章其一神武頌太祖曰於赫神武不顯
其躬天命在躬圖維厥終不卜不謀付命太宗惟帝之心天地之
公其二文明頌太宗曰於昭文明繼序其皇既有典常底定四方
清廟用章德音不忘其三仁功頌真宗曰於穆仁功已任天覆萬
民靡不壽懷爾戎以及禽獸吁嗟仁功草木潰茂如文王之固頌
在龍隱巖鑄者前知合浦縣陳師濤中政尚清淨不喜用兵多於
詩中見意其頌亦爾非為懲格注議然也
柳開字仲塗大名人自全知桂所著有玄風洞銘及湘灘二水說
亡何坐前在全有卒訟開開即杖背黥面送闕下有司言卒罪不
及徒召開下御史獄獄具以上削二官黜為團練副使開于時有

姓名

王罕字師言其先蜀人徙家于舒為桂州轉運使名在華景巖罕所莅號精敏然寬雅有局士風莫不愛戴之王氏子孫顯聞于舒自罕始

孫抗黟縣人舉進士為尚書工部郎中廣南西路轉運使以文學見于世詩在隱山

吳及字幾道通州靜海人為右司諫以勁正稱遇事無小大輒言久之出為工部員外郎知廬州進戶部直昭文館知桂州于伏波

山北建蒙亭李師中記之

陸詵字介夫餘杭人熙甯初以集賢殿修撰知桂州奏言邕去桂十八驛往時經畧使未嘗行飭武備臣願得一往使羣蠻知有大將號令因以聲震南交詔可自智高定後交人侵驕守帥常姑息詵至部後其使者黎順宗來偃蹇如故態詵詰其禮因諭所當為懾伏而去詵遂至邕州集左右江四十五峒酋詣麾下閱簡壯丁五萬補置將吏更鑄印給之軍聲益張交人知益恭遣使入貢召

恕

為天章閣待制知諫院命張田代之英宗戒以毋得改詵法說詵在桂時一與僚佐遊伏波山提點刑獄余藻為其題名巖中與中

孔延之白均徐印姚原道劉恕

孔延之新喻人宣聖四十七世孫幼孤貧晝則帶經耕鋤夜則燃松讀書慶麻間舉進士為廣西轉運判官伏波雉山隱山皆有名

所撰瘞宜賊記鏡城北鎮南山

姚原道通州人自縣尉有聲遷職方郎中曾知鬱林先為經畧使

管勾機宜文字

俞獻可新安人為桂轉運使九月九日宴龍隱獻可自書石其篆

大有徐鉉筆意

劉恕字道原筠州人恕少穎悟年十三欲應制科從人假漢晉書閱月皆歸之善說經義尤精史學司馬光編次資治道鑑引恕共事恕于魏晉以後事考證差謬最為精詳與安石有舊欲引寘三司條例恕以不習金穀為辭因言天子方屬公大政宜恢張堯舜之道以佐明主不應以利為先又條陳所更法令不合衆心者勸

使復舊至面刺其過安石怒怒不少屈然性喜讀書最甚宋敏求知亳州家多書恕往道借覽閉閣晝夜口誦手鈔留旬日盡其書而去目為之翳熙寧初曾為桂經略司勾當公事與陸詵遊伏波山和斌字勝之濮州鄆城人任廣西鈐轄平儂智高有戰功改秦鳳廣西以蠻事乞留秦州亦請之詔留廣西累歲詵涇源召對議者謂交州可取斌盛言有害無益願戒邊臣毋妄動神宗歎曰卿質直如此乃知兩路爭卿為不誣矣在桂時斌獨遊伏波山蕭固字幹臣新喻人為廣西轉運使察儂智高有反狀豫條上羈縻之策于樞府時不能用後智高反一如所料人始服其有先識名列華景宋咸所為記中

張田字公載澶淵人知廬州治有善蹟桂州異時蠻使朝貢假道道經桂與方伯抗禮田乃厚犒之絀其儀蠻不敢校土人劉紀盧豹素為邊患終田在官懾然斂迹或告交趾盛兵襲特磨道諸將請益兵田曰此虛聲也必其國有故張以恐我爾後果如田言宜州人魏利安負罪亡命西南龍蕃從其使入貢凡十反至是龍以

烈來復從之田因其入詰責之梟其首欲并斬以烈叩頭流血請命田曰汝罪當死然事幸在新天子即位赦前汝自從朝廷乞恩乃密請貸其死熙寧初加龍圖閣知廣州治尚清嚴起欽賢堂繪古清刺史于中日夕拜之蘇軾嘗讀其書以侔古廉吏先是唐介司馬光交劾之介以田奏減執政而下裕享賚論其虧損上恩遂指為傾險然吏著田為人伉直自喜好謾罵使氣陵人故多失士大夫意及身死而人亦不衰名在龍隱巖後其子壽之赴官合浦道出桂林觀田題名悲感為記其孫脩武郎先祖後四十年再至重為書之

燕肅字穆之益都人遷中侍御史提點廣西路刑獄與俞獻可李誌同遊七星山

孫覽字傳師高郵人以寶文館待制知桂州所著有獨秀山五詠堂記及雉山有題名

曾布字子宣南豐人元豐元年知桂州二年間七星之東巖與其僚屬遊管勾常平劉誼為記布自作詩轉運副使苗時中提點刑

獄劉宗傑彭次雲提舉常平齊謀皆和之楊損尚用之亦繼有詩
布為人詳其姦臣傳

苗時中字子居其先自壺關徙宿州之符離遂為符離人所至皆
有惠政其為廣西轉運副使師討交人罪次富良江久不進時中
曰師無進討意賊必從間道來乘我不備冀萬一之勝可密備之
既而果從上流來及戰敗始納欵後加直龍圖閣知桂州進寶文
閣待制任學規範載時中曾為臨桂令項于諸山所鑄得宋知臨
桂者梁庾唐鐸西門賞陳舜韶斛邁其名皆不見于郡志僅存送
臨桂令戴若訥一詩而已惜無能述時中以下治邑所施行者
劉誼字宜父長興人熙寧中持節南方請罷買沈香減鹽價四十
餘事上稱其論事有陸贄之風王安石銳意斯法極諫不便坐黜
以歸乃隱居三茅山有文集奏議行于世桂林志亦載其奏免役
錢為桂名宦云與誼同時遊曾公巖者洛陽劉宗傑歷陽齊謀吉
水彭次雲又有尚用之江都人郡志謂用之受桂風土因留家焉
張頡字仲舉其先金陵人徙鼎州桃源為廣西轉運使頡為建廣

沅為順州無益朝廷從其議坐倅罵參軍沈竦罷歸未幾以直集
賢院知齊滄二州進直龍圖閣知桂州入覲帝首言鄉嚮者論順
州不可守信然時有獻言者謂海南黎人陳被以五峒首領異時
盛強且為中國患令請出兵自効宜有以撫納之命頡處其事頡
使一介往呼之出補以牙校喜而去詔問何賞之薄對曰荒徼蠻
蛋無他覬得自足矣尋罷兵海外訖無事久之轉運使馬默劾其
經理宜州蠻事失宜罷職知均州哲宗立朝故職知鳳翔廣州召
為戶部侍郎頡所歷以嚴致理而深文狡獪右司諫議蘇軾論其
九罪執政以頡雖無德而才可用不報龍隱巖有頡名
周駿汝南人知桂州與轉運判官安定梁戴提刑隴右李承德為
七星之遊永德惟清次子家世惟清本傳

譚揆字文初曲江人提舉廣西常平歷轉運副使曾徧遊諸山最
愛龍隱手自題石伏波有其兩弟拱抃名又有譚振或譚族也雉
山遊者有劉曄亦其里人
曹輔字子方海陵人與蘇軾秦觀遊為廣西提刑于玄風洞有歐

陽晦夫詩晦夫名關桂州人自有傳

劉怡字彥強西安人元符間與府帥黃忱同遊龍隱衢志稱其廉

遜歷事五朝僅至刑部郎戴安仁質夫亦衢人提舉學事

章峴浦城人提點廣西刑獄龍隱伏波雉山皆有詩姑蘇志稱其

兄岷與峴及弟岿皆以文詞清麗有名當世

彭子民湘陰人為廣西察訪董必之屬官時蘇軾謫儋州董媚時

宰欲遣人害之彭顧泣曰人各有子孫董感悟止令小使臣迫出

官舍子民官至員外郎曾於南溪諸山與陶達諸人遊子民字彥

脩

劉蒙字子明宜黃人提點廣西刑獄為人清潔不可干以私所得

補官先二弟而後二子在桂時與程節遊龍隱巖鑄有名

胡宗回字醇夫用廢登第紹聖初以直龍圖閣知桂州進寶文閣

待制坐繫平民死降集賢殿脩撰知隨州名在伏波山

徐常字彥和浦城人紹聖間提舉常平徙知桂州胡宗回遊龍隱

李宗儀字唐輔江夏人與從弟宗儒四世同居相友愛好學獨行

常為廣西提刑龍隱有宗儀與張觀關杞諸人名

關杞字蔚宗會稽人熙寧間提舉常平先是有提刑余藻與其同

時人遊諸山凡所題名多杞與藻手筆

王祖道字若愚福州人以直龍圖閣知桂州蔡京開邊祖道誘王

江首楊晟免等使納土張大其詞言嚮慕者百三十尚五千九百

家十餘萬口宜開建城邑制百蠻以武臣為守置溪峒司主之詔

以為懷遠軍且頒諸使司至殿侍軍將告命使弟補其首領置二

砦為立學又開置允格等州與張莊先後其事共要官賞

張莊者應天府人字正民為廣南西路轉運使希祖道旨銳意拓

邊尋代祖道以集賢殿知桂州自撰平允徙州城寨記歸功祖道

論者以為虛美中書舍人宇文粹中言祖道及莊擅興師旅啟釁

徼功妄言諸蠻效順納款得地當時柄臣攬為綏撫四夷之功奏

賀行賞張皇其事自昔欺君無大於此朝廷既追貶祖道莊責舒

州團練副使永州安置再貶連州其後有程鄰亦襲莊迹而起

程鄰字欽之鄱陽人也父節紹聖間帥桂繕脩道遂樓更名曰湘

南復於揭帝塘上建八桂堂皆李彥弼為之記鄰代父政仗其才智欲招徠外夷以視廣土遂建築隆兌之議論者以為得不償失大抵祖道及鄰皆以拓地受上賞而朝廷受其蔽云祖道與莊及陳邁諸人遊龍隱者二祖道被召與莊遊清秀寺一龍隱有節小像彥弼贊之曰玉立千仞坡注萬頃神抱天倪明韜內景卷舒帷籌闔開巒嶺聲纏斗南功篆金鼎又有崇寧間獎論勅書文多不載節字信叔有與米元章往來詩鄰則無足稱者

陳邁字亨伯零陵人轉運判官從王祖道遊龍隱邁在真州曾收治花石網擾漕河者風裁凜然後死于山中之難陶達與弟迴皆零陵人

米芾字元章其先襄陽人建中靖國元年真州東園以詩送教授推官李彥弼兼簡桂帥程節節亦有詩答之彥弼將芾與節所答并鏡之龍隱巖伏波山鏡有芾小像旁有芾與潘景純熙寧七年同遊名備考其年是時芾僅十七八歲方信孺謂其尉臨桂來遊疑無是事史與天啓祭肇所為芾墓誌但云尉滄光題名或好事者

為

癖

之信孺好奇力辯非一像有高宗贊乃芾曾孫秀實為靜江府支使所攜至者景純嘉興人熙寧間曾知永州

李彥弼字端臣廬陵人才藻橫放恒自擬李翰林白然撰製特尚新奇亦其癖也在桂當程氏父子之間作湘南樓八桂堂築兌州三記皆侈麗可觀又曾與曹邁遊玄風洞有長律鐫之壁乃其子昂霄書大抵彥弼父子皆喜效米芾書米亦有送彥弼教授桂林詩留桂最久其官惟見稱權通判桂州軍疑或止此吉志僅載其科名不及其為人必負才凌物不為鄉里所稱道者時從事周刊記釋迦寺然才微遜李

謝勳字致遠建安人政和三年春與同時李溫田永年裴曉楚執規楊書思遊雉山及疊綵之石門洞勳舉進士而有軍功其破黃安俊親擣巢穴擒安俊斬之以功轉右武大夫建寧志謂其膂力過人云

朱輅字國器郴州人政和間曾與韓靖諸人遊龍隱

吳億字大年蘄春人灘山之水月洞及龍隱皆有億所篆但自稱

為谿園居士

沈起字興宗以天章閣待制知桂州先為轉運時與提刑章峴遊
隱山

劉彝字執中福州人直史館知福州龍隱有彝與張觀諸人題名
桂自蕭注始建滅交之策其後起彝相繼欲規以功交因寇邊浸
不可制事聞貶筠州團練使副安置隨州又除名為氏編隸循州
徙襄州

洪彥昇字仲達饒州樂平人嘗辟廣西經畧府或稱其才擢提舉
常平御史中丞石公弼薦其提舉廣西學士與譚揆及其鄉人程
鄰以臘月遊龍隱

李昇之為轉運副使與譚振尚肅之黃鐸遊伏波有時乘月泛灘
江明日以詩視章峴峴欣然為和宋史趙良嗣傳言良嗣已竄柳

州詔廣西轉運副使李昇之即所至梟其首
張澂以監察御史亦臨斬童貫貫時竄吉陽軍澂於桂聞貫未至
乃往南雄誅之澂有龍隱巖詩

弗

董必字子強宣州南陵人時章惇與蔡卞將大誅流人遣呂升卿
往廣東必往廣西察訪哲宗既止必治然必所至猶以摻刻按節
立威謀遣人渡海害蘇軾以其屬彭子民泣諫而止必與孫覽諸
人一宴遊雉山

蔡懌字樂道膠州人宣和間知桂州伏波七星曾公龍隱皆有所
至之迹與之遊者提點刑獄尚用之仲明廉訪使者張洵仁仲又
有清源劉鉉逢時晉江呂抃子會祥符馮元震亨之襄陵侯材晉
卿蒼溪王蕃子宜張洵浚儀人

許彥先字覺之南雄始興人累官殿中丞遷廣南西路轉運使熙
甯六年與張觀諸人遊龍隱彥先自題名于石其官稱但曰察訪
廣西公事似以使至尚未為轉運時也

林葆字芑民鄞人兩辟主管機宜文字時將士率俘平民冒賞葆
覈正之全活為多家居十餘年安貧著書後官至權吏部侍郎假
本曹尚書以敷文閣待制奉祠伏波山有葆宣和庚子同三衢毛
子嘉等所題名

灘山人曰老子有言治大國若烹小鮮嗟乎大國尚爾况理小國者乎又云小國寡民使有什伯人之器而不用使民重死而不遠徙雖有舟輿無所乘之雖有甲兵無所陳之信斯言也蓋莫若以簡靜弘風教哉况桂全部曾不當江河南北一大部山童而不材水淺而無所畜加以苗夷時肆毒螫不有長者護視之寬其徵發薄其調斂苗非深入不輕議兵民胡以有樂生之心一反此道騷然煩費欲求安富何日之有故曰民之難治以其上之有為是以難治民之輕死以其求生之厚是以輕死夫民輕死則難乎矣至謂佳兵不祥孰謂伯陽而不達于治國哉漢文最稱明主曹平陽亦賢相國畧用以臻清淨之治宋因制法要在保民如傳中劉開黥卒不應條收下御史獄胡宗曰妄繫平民至死亦罔不按以劾祖道諸人伸國威以恢王畧何不可者宋史力詆其非似皆不能坐追此道者也或曰子儒而談老可乎曰吾桂小國也簡靜者是使桂樂生之方也是孔老之所同也不然何以敬簡臨民之言為然也

桂故卷五



明 張鳴鳳 撰

先政下

果

宋自寶鼎沒於金源翠華飛於浙水土宇既感干戈是尋內則有
戰士之奉外則有虜幣之徵視昔全盛不能稍減加以盜訐其中
潭衡而南半遭抄掠曹成且逼幾被蹂躪桂事亦孔棘矣不知當
時羣公所以安集本土捍禦外虞上之給國賦下之紓民力其策
安在况吾桂西南舉足夷境其中恒偵伺中國盛衰以為叛服民
咨詈夷必陸梁一夫盜兵闔城盱食甯得揆吉日休公事皆我同
好稱彼兇觥方舟而咏清川連騎而窺碧岫以行樂哉故觀司府
之雍容則知閭閻之暇豫厥後增樓櫓以與天翔浚池隍以絕地
脈財不告出民不告病天下詢詢為元滅宋桂獨守義効之以死
不由羣公當俶擾之秋施綏輯之政能至此乎惜無紀述令人緡
書而重慨焉

周因字與道浦城人建炎間直徽猷閣知桂州先是因任湖南轉

運使上語及谿洞事對曰有邊事邊臣之福無邊事朝廷之福時
初得燕薊故語及之因在桂曾遊屏風山與栖霞洞其名在屏風
李彌大字似舉吳縣人知靜江府奏廣西邊防利害甚悉上多采
用之召為工部尚書廣西提刑韓璜劾其在靜江日斷盜引綾入
斬坐貶兩秩曾易棲霞洞名曰仙李其落尹穡為之銘文甚清警
尹穡者字少稷嘗侍其父於桂官廨故有仙李銘仙蹟記皆在棲
霞洞中龍隱亦有尹溫叔所題字云子穡侍遊溫叔即其父也穡
後官殿中侍御史歷遷諫議大夫力主和議論者多非之
劉彥適字立道紹興初知靜江府與陳亮董茶趙子巖孫觀遊曾
公巖是時孫觀自象州放歸道經于桂諸人以其有時名樂與之
游亮字景淵子巖字少隱
董茶字令升父適以博達聞于古書畫尤所精鑒今世傳書跋畫
跋皆適所論著茶世其業著述亦廣有廣川家學燕閒常談諸書
茶與孫觀遊時為提點刑獄
張宗元字淵道方城人事在趙鼎傳鼎以檜惡徙居吉陽軍三年

門生故吏無通問者宗元知靜江常遣兵校渡海往視餽米醪者
相繼七星山有題名所與同遊路彬曾幾方滋劉昉皆聞人
路彬字質夫晉陽人為提刑時上章乞減廣右上供布錢見桂人
張仲宇所為盛事碑中

曾幾字吉甫贛人也紹興間兩為運判一遷副使治尚清淨不攜
土物人稱其廉贛志謂幾為文醇正雅健尤工詩

方滋字務德桐廬人其在靜江于諸遷謫密為營護遂物故者少
移番禺亦謹事檜嘗製異香蠟炬遺之檜聞其善視流人謂有觀
望意偶問所親以其人善對乃已檜死坐罷隨值吳銓召還感滋舊
志延譽朝右滋因得復職諸山有方洪字稚川亦桐廬人必滋弟也
劉昉字方明潮州人先侍父允在桂官廨昉時尚幼不及遊諸山
最後從蜀還潮泊舟伏波山下聞復帥湖南之命乃自題伏波山
志其事潮志稱允其學該貫歷有吏迹第不及在桂為何官
劉彥登字允升廬陵人紹興間通判靜江府帥方滋雅重之比滿
裝行滋為祖道又命僚幕中宴為別在坐十有四入內程佑之字

升甫自洛陽家此蓋二程之後其人亦以學行為桂人所推重其名俱在北郭外望夫山呂愿中字叔恭知靜江府諸山多有詩諂以快檜即奏光在貶所與胡銓詩賦倡和譏訕朝政乃移光昌化軍他日又妄言秦城驛有王氣率桂衣冠為詩頌檜且欲致推戴之意諸與遊者劉襄朱良弼葉仁陳廷傑亦何愿中意至改中隱山為呂公云寶積山諸葛亮下亦有巖曰呂公不知何呂也汪應辰字聖錫信州玉山人通判靜江府踰期不得代乃泐徽歸省其母史稱應辰剛方正直敢言不避曾一遊龍隱給清秀巖僧劄曰判府狀元汪公應辰少年舉進士第一同知樞密劉珙言于上曰汪應辰陳良翰張栻學行才能臣所不及其為名流所稱引如此張孝祥字安國歷陽人英悟絕人紹興中廷試主者首薦檜子上親擢孝祥第一後積官集賢修撰知靜江聲績日茂尤以文翰為當世所敬羨至不敢名但稱紫云以孝祥故紫薇舍人張維字仲欽延平人同時張孝祥有才名與維同官建康獨器異

維賦朝陽亭詩以贈之孝祥知靜江維為提刑兩人相得驩甚同遊山水多有題詠及維代孝祥知靜江孝祥因改水月洞為朝陽復贈以詩用中前期維亦改玩珠為還珠以孟嘗比孝祥又題中隱為張公洞以致戀別孝祥之意維開西湖潛洞與張公洞記皆其里人曹總書總後以朝散郎知衢州維一字振綱見延平志范成大字至能吳郡人乾道間知靜江首奏裁漕司行鹽不便民者次禁部內勿得暴露遺骸仍籍記僧道舍歷年寄棺無主者葬之遣官以祭其文曰維乾道九年歲次癸巳辛酉朔二十五日乙酉朝左奉郎充集英殿修撰知靜江軍府事提舉學事兼管內勸農事充廣南西路兵馬都鈐轄兼本路經畧安撫使兼提舉買馬吳縣開國男食邑三百戶賜紫金魚袋范成大謹遣左迪功郎臨桂縣令陳舜韶左迪功郎司法參軍鄭鄖以清酌庶羞之奠祭于新塚諸君之靈嗚呼聖人有言卜其宅兆而安唐之則凡死無宅兆者不得其安可知也形魄降于地骨歸復於土然後其魂氣無不之也故曰人死曰鬼鬼者歸也不得其安不得其歸魂羈而無

託天下之至悲也桂林之俗或不葬所親寓其骨于浮屠而顛莫
此也與夫遠游客死遺骸委骼狼籍散亂而勿收者不知其幾也
嗚呼若爾諸君生何罪於天而今乃至于此也太守之來惻然動
乎其心若已手之而去也屬吾同僚出公帑營燥剛寔覺華之原
鍾官之墟鬱然砥然以為諸君之墓隧也舉凡無歸之骨而竊之
域於前列者有官君子也分封于兩旁者姓氏不傳冥漠君之類
也祭之雖非其親藏之雖非其里有以安而歸之何異于其親與
里也日吉辰良肴芬而酒旨魂兮即安無南無北無東西也牛羊
勿踐樵薪避馬詔於中古勿毀勿夷也嗚呼哀哉成大帥桂可紀
者非一以斯事史不載故特書之

張栻字敬夫廣漢人家世學業具宋史中其知靜江籍諸州黠卒
教以戰法又時檄諭谿峒酋豪弭怨睦鄰毋相殺掠徭與諸夷無
敢為梗以乃繕飾堯山虞山祠時與賓佐臨眺山水其留題頗衆
又有勸農詩二十四章以多不能錄弟杓字定叟亦官帥幕龍隱
有杓與其甥甘爽同遊名

諫

鄭丙字少融長樂人性勁特欲以直諫顯名於世又孝宗在御喜
納言得丙所奏請汰冗濫章制下亟行如丙奏廷臣側目已乃因
事劇切上上不謂忤尋以駁陳龜年女欲詞及阻韓子師援曾覿
起廢兩事言者詆為賣直上不聽召丙諭曰朕自喜給得舍人矣
丙立朝風節類此其官廣西范成大張栻樂與之遊名在棲霞水
月洞宋史以其論道學事遂薄丙為人極力指斥然亦不審于名
實之辨矣

梁安世字次張括蒼人屏風巖有安世詩其自序云與范成大同
舉進士曾于彈丸巖賦乳牀賦曰吳中以水為鄉嶺南以石為州
厥惟桂林巖空穴幽玲瓏嵯峨磊落雕鏤欲靡繩而篝火窮糧絕
而道攸石有脈其何來泉春夏而滲流積久而凝附贅垂疣或擊
斯鍾或振斯裘或蓮斯葩或筍斯抽或胡而龍或脊而牛或象之
嗅或龜之浮或麟其角或馬其趨或躍而魚或攀而猴或繫金星
或羅珍羞或肺而支或臂而瘤或釜之隆或囊之投或瘤而膝或
疊而丘或鑿圭竇或層岑樓或賈屏貝或農鋤耨或士冠纓或兵

兜鍪或下上而相續或中闕而未周稽本草之乳牀特精狗之不
 侔爾嘗以歲而計之十萬年而盈寸度尋丈之積累歲合逾於千
 萬肇開闢而距今邈春秋其幾換蠟屐之士倏來亟散訝泉乳之
 能堅若朝菌之暴旦孰知頑礦天理密運自立于岱能言于晉望
 夫而化殞星而鎮生公談妙而點頭初平叱羊而爭進凡如劍如
 佩如紳如弁如拱而侍如坐而盼既具人之形體蓋閱世而默見
 吾將灰心槁質孱顏畔岸兀坐嵌岩之側觀融液之流轉自分及
 丈十百而羨高低聯屬柱擎臺建小留侯濟北之遇玩蓬萊六鼇
 之抃俾磨崖刻畫之子孫當語之以老人大父之貴賤雖蓋頌而
 與穿戴一姓之奄旬儻謂瘴鄉之不可久處夫豈知處夷險而其
 志不變者耶賦後有序曰淳熙辛丑長至括蒼梁安世拉清江徐
 夢莘劉昌詩柯山李秩嚴陵邵端程金華徐茂之宜春孟浩來遊
 因論乳泉凝結書此刻之安世在桂與夢莘最友善
 徐夢莘字商老清江人主管廣西轉運司文字嘗與鄉人宦遊桂
 者十二人集酒南樓約共砥礪為詩見意且鑱彈丸巖夢莘曾從

廣西安撫幹官朝廷直與東西漕司於境上議鹽法力執廣西搬
 法為便時絀其說不三年竟復如夢莘言夢莘喜著述為書甚多
 孟浩字養直宜春人與徐夢莘同時在桂同修鄉里會袁志稱其
 廉介為文有法度先是奉新有王從言辟桂憲幕亦與其同時諸
 人遊龍隱題其字曰師孟奉新志稱其廉退
 詹儀之字體仁桐廬人襟度夷簡自轉運知靜江在桂甚久遇暇
 集僚屬造諸勝處故諸巖多所鐫名
 陳疇其父昭嗣淳熙間通判靜江疇未冠侍昭嗣官邸親見昭嗣
 每從詹帥儀之遊及疇自知永州為廣南西路轉運判官經水月
 洞覽儀之與昭嗣題名感傷追記然零陵志亦載疇在官有善狀
 劉焯眉州人淳熙間帥桂有平反賊李接功曾見彈丸巖前平疇
 廣野謂可騁眺因買以為圃繕亭造梁于其間乘暇宴集提刑梁
 安世為之記
 林光朝字謙之莆田人為廣西提點刑獄范成大復水月洞銘其
 序中言與光朝議合乃復之光朝有集二十卷陳宓序稱其森嚴

輿美精深簡古上參經訓下視騷詞劉克莊亦謂高處逼檀弓穀

梁平處猶與韓並驅世亦不以其言為過云

朱晞顏字子淵新安人紹興間知靜江府晞顏為人豪爽自喜然

最傾意于當世有文名者其赴桂經鄱陽留訪洪邁在桂得石屏

人以遺邁得遺石屏記乃自為跋鐫之龍隱又諸山多晞顏所題

劉穎字公實衢州人屏風山之遊以其字與諸人鐫之壁穎于衢

聲為力學

楊灝字正伯清江人名在棲霞洞臨江志稱其有學行為其鄉後

學所師法

蔡戡字定夫莆田人其帥靜江與提刑廖環運判吳獵遊隱山戡

在府著有分野總論至今言分野者多述之吳獵醴陵人字德夫

張拭雅知獵以平南簿機攝靜江教授劉焯代拭辟為本司準備

差遣其後擢轉運判官及開府江陵有捍禦功方信孺以獵往為

運判知其父崧卿前運判多幹畧因請撰崧卿祠碑刻之龍隱文

多磨滅故不載

方信孺字孚若莆田人其天節在宋史自道州擢為轉運判官父

崧卿先為運判甚有治名桂人祠之及信孺至大為增繕請吳獵

記其事莆田何夢得撰迎送神曲其褒揚先漕如不及人以為篤

孝他日于西山擇最勝處創起館宇期欲奉母偕隱其下名所營

曰碧桂山林自為之名其文今尚在山中又愛琴潭水石題以示

志曰吾何得此為菟裘之地乃灘山雲崖則親築軒于崖之陽乘

興獨往往則必留曾語守軒僧了真曰先祠在永寧去此不遠庶

幾神靈謂不肖孤在近或喜得暫依也間屏騶從小休軒下伸紙

濡毫有所撰述不移時草具當其得意處望崖而歎曰平生方提

刑以好山水聞孰信茲山寓筆研哉最後以提刑至故於桂諸山

探賞屐編製文賦詩曾不停思然亦往往有宕逸之氣其興學厲

士宜州多記之具龍溪書院圖與養士田記中

張自明字誠之江西建昌人治行在宜州甚著或有稱其仙去者

蓋以自明雅好仙故爾桂諸山多自明所鑿詩

鄒應龍字景初邵武泰寧人舉進士第一嘉定間知靜江龍隱有

與客同遊名應龍後官至端明殿大學士知樞密院事權參知政事卒贈少保謚文靖其為人具宋史本傳

柯夢得字東海莆田人以善楚辭為其鄉名輩方信孺所知曾從至桂信孺請其為撰先運判崧卿祠中迎送神曲其詞曰思公不見兮我心愁眇八荒兮遠遊嚴視事兮歲修幾來下兮淹留勤恤

祈天兮惠澤周如父母兮子孫謀非公休我兮我何以休誰知公心兮不獨桂人是憂衡杜兮薦羞桂醕兮芬浮臨饗兮誰醉酬胥

樂兮和氣流是感是慕兮無昭幽惠我桂人兮百千秋菲荐畢陳兮歆斯鑿斯歌鼓方洽兮送歌繼之擁翠雲兮祥風馳乘霧輶兮

揚桂旗秀峙兮營澌可遊兮可嬉來何從容兮去莫追悵望不及兮天一涯化災沴兮景既綏願修爾兮祀事孔時其刻在今棲霞洞

夏鴻池州人嘗與弟鵬撰十三代史畧後避為團練推官其題遊以字彥鴻鏡之屏風山

趙與權字悅道鄞人曾與翁子東諸人遊長山後立朝有清直名拜少傅卒贈少師追封奉化郡王謚清敏累贈太師隱山有豐蒞

和季曾伯詩蒞亦鄞人

管湛字定夫括蒼人為廣南西路提刑擢知靜江亭隱山曰卦德潛洞曰侯德其時提刑方信孺轉運判官陳孔碩皆一時之良故

湛每遊必與兩人俱陳孔碩字膚仲長樂人為廣西轉運判官以時醫者惟誦脈訣不知有脈經為覓善本刻之漕司

許子紹字季紹歷陽人也藻思輕雋有留題龍隱詩洪氏隨筆中謂子紹監左藏庫時欲得太常丞時相抑不用乃出為靜江府通判

王卿月字清叔臨海人高熙間以奉議郎直秘閣知靜江曾招徐夢莘諸人汎西湖列名潛洞

楊方字子直臨汀人以出按所部管湛等觴之白龍為勒其語於巖石

趙崇模字履規丞相汝愚諸子也水月洞勒有德政碑先是其兄崇憲知靜江有美聲宋史賢之畧不及崇模大抵賢者之後克肖

固自多也崇憲字履常

張釜丹陽人為轉運使時喜與郡人滑懋遊懋鑱釜所為詩於龍

隱釜亦自記與懋等名在水月洞

趙孟邁字君啟曾與陳鐸諸人遊中隱南安志載孟邁知南安軍

有惠愛

曾原一字子實贛之甯都人諸山鑄有與趙希圃輩同遊年月原

一博學工詩從當世知名者結江湖吟社所著有撰詩衍義蒼山

詩集

陳謙字正仲莆田人莆陽文獻傳云謙於羣籍無不該貫賦詩屬

文不為險語而雅有典則尤工書法其大字遒勁處不減蔡君謨

彈丸巖有謙詩與其所書題名宋史呂祖泰傳中言殿中侍御史

陳謙請杖黥祖泰如程松言乃杖之百配欽州牢城謙亦附依肖

者

姚宋佐字輔之桂陽人柳志云柳人與劉愈諸人汎舟西湖柳志

謂宋佐有詩名然其性廉介雖兩任而家仍貧同遊有曾倫長沙

人詹儀之帥桂從遊者郡文學陳邕邕亦長沙人

崔與之字正子增城人事具宋史其為廣西提刑巡行所部即荒

徼大海傳車皆徧號為匆匆不及作諸山之遊者及被旨奏事管

漕餞于七星山至今刻在山中

李大異豫章人慶元間知靜江曾以勸農之雉山從容與僚佐宴

語移時又嘉郡人劉晞居辰山有隱者之節為題所居曰蟄巖因

江

古

賦詩以寵之

胡槩字伯圖廬陵人先曾通判靜後以右文殿修撰為府帥篤于

雅故時劉晞久沒見其子孫愴然念之追敘其往昔論交之詣書

卷授之戒勿相忘仍錄與晞詩晞子居顯刻之辰山槩于穿山書

月巖及題名或云穿山詩即槩作祖銓即上封事請誅檜者槩與

弟渠官皆至尚書

曾宏臨江新淦人以直秘閣為轉運判官諸山多其詩又以父忠

節公三聘神道碑刻之龍隱後臨川羅愚亦以其父點所得御書

并其遺像于龍隱刻焉所不采錄其龍隱岩論中

李宏祖字守約為臨桂主簿辟石田縣令再辟廣西經幹曾與方

信孺遊伏波山

徐清叟字直翁嘉熙三年以朝奉郎集英殿修撰知靜江是年九日與提刑黃自明遊曾岩自明會稽人字明仲尋于淳祐初亦知靜江先是龍溪顏頤仲于嘉熙二年亦帥桂與長沙鍾震為龍隱諸岩之遊頤仲字景正

范應齡字旂叟豐城人歷仕以清直聞為廣西提刑廬陵羅大經時在幕下親得其為人見大經所著書中大經字景綸

鍾震字春伯長沙人與劉頤仲范應齡遊諸山震常刻父將之登我肩亭兩詞

董槐字庭植濠州定遠人官至右丞相兼樞密使事在宋史龍隱岩有迪功郎監廣南西路經畧安撫使犒賞庫門生陳彌壽所為德政碑以磨滅不可讀故不錄彌壽字仁父衡陽人

李如圭字寶之吉水人與臨江劉正豫章黃銖宴集龍隱正之字子正銖字公權如圭正之復皆有聞魏郡王子羽時亦在坐

趙師恕字李仁端平初以朝請大夫直煥章閣知靜江勒詩穿山

乃其去官與僚屬別者龍隱亦有郡人秦祥發所為師恕碑羅大經曾從師恕遊栖霞洞賦詩師恕闕之長樂人白龍曾宏正題名內有三山常挺挺亦閩人後官至參知政事

李曾伯字長孺河內人淳祐九年知靜江府兼經畧安撫使其後以湖南安撫使兼廣西制置使移司靜江府逾年以廣西經畧司官屬改稱制置司官屬曾伯城築闕隘訓練民兵旁及峒丁申嚴防遏開慶元年進曾伯觀文殿學士曾伯先後帥桂故諸山鐫題頗衆後坐元兵從他間道經部內曾伯嬰城自守不能備禦罷去家于嘉興然曾伯于宋末所在扞邊足稱勞臣矣或惜其見忌於賈似道云

胡穎字叔獻湘潭人自廣東移節廣右與李曾伯先後在鎮築浚城池其勞居多有提刑章時發所撰記在城北寶華山文漫滅不可錄其圖尚在

楊允恭字謙仲長沙人為道州教授時胡穎移湖南允恭上謁穎以其夜坐歷驗無鬼語允恭允恭對曰以為無則無矣從而察之

則是又疑其有也穎甚善其言允恭在桂徙李曾伯遊龍隱坐間
 有趙會夫俞仲全州人徐敏子黃岡人提刑淮西以貪削秩安置
 江州後起帥桂復以刻罷久之給事中張鎮上言敏子肆殺黷貨
 流毒桂府詔仍舊羈管敏子先以奉使至桂題名伏波山呂師夔
 宋末帥桂聞其叔父呂文煥以襄陽奉元上章待罪乞解所任不
 許久之召赴闕諭賈似道即以師夔權刑部尚書都督府參贊軍
 事任中流調遣命下二日即遣人詣蘄請降闕人朱禊孫亦嘗帥
 桂後擢荆湖宣撫以江陵降元呂與朱並以其名題之山
 朱廣用以建康都統制調戍桂刻其所得獎報于華京之壁其文
 曰救廣用蠢彼韃戎敢干王略肆猖狂之侵軼乘邊塞以驛騷蹂
 躡蜀淮窺闕襄廣翹萌芽傲霜電自速天誅陳師旅如雷霆維揚
 我武賴閫臣之指授暨守將之扞防張貔虎之威厲熊羆之士聯
 首尾而相應一心力而有勲凱奏屢馳狡謀莫逞然焦獲尚為整
 居之計幕南未聞遠遁之期欲底肅清正嚴備禦斥候望烽燧不
 得卧將吏被甲胄不得休暴露郊原蒙犯矢石屬此沍凝之候可

勝勞苦之情霏雪來思深念采薇之戍多寒拊勉庶同挾纊之溫
 夫推恩施惠則人忘其勞均食同服則士奮其勇咨爾統戎之任
 體予當饋之懷勤務撫循俾皆預拊各効摧鋒之力益堅敵愾之
 忠蕩滌腥氛靖安疆場仗戰多之來上迪懋賞以報功故茲撫諭
 想宜知悉比汝好否遣書指不多及廣用謝表亦以其表附刻敕
 下李曾伯隱山之遊廣用及汪光皆豫馬汪光亦兵帥龍隱又有
 總制出師軍馬夔路馬副軍副總管諸人之刻其名並剷去之豈
 以在戍主客相嫌不用約束哉或殘忍不戢為桂人積怨故也
 灘山人曰南宋遊者多書諸山大略具是矣終之以兵帥何夫治
 亂遞乘譬之糾纏兵蓋士大夫所諱言者設令邊圉檄飛山亭烽
 舉可遂不下堂皇以却之耶手握籌策躬擐甲胄本非所習其驅
 之前列者又多市人望風而潰亡足異也不得不駕言主兵脆弱
 借之他所及客兵集而禍有不可勝言者遠則龐勛之回戈近則
 昭州之擁甲此非其覆轍乎諸衛將校世授爵秩高皇帝任以禦
 侮為萬世之規豈獨行一時之賞哉一謂將門出將不煩外索一

謂生長彼中能其水土且山川險易技擊長短皆習知之幼誦韜
鈴于武學長試弧矢于監司又俱宴安鴟毒抗精損力則有不得
乘肩輿及挾牀上馬之條列聖為此慮深遠矣願久棄莫舉何誠
及今修復故事明視令甲每當選用額主武建不器之以儒雅
庶紈綺之態漸消果毅之氣益奮行之數年主兵自張粹有叵測
無煩大夫親驅市人而戰意者其道或在茲乎蓋兵無勇怯在將
校所用爾不亟是圖至惡客師勒名相高吁一何見之晚也

桂故卷五

桂故卷六

明 張鳴鳳 撰

先獻

桂在前世南際朱厓西連黔府東北與楚為界地幾千里采山入
水列方物充內貢者輿他所驛使項背相望獨于名賢鮮可觀記
漢暨六朝遠矣邈唐迄宋亦裁十數公而止雖然此其不名在山
必論著有與是志相發明者不然何棄彼取此抑桂舊俗微涉不
好學故曰邑有忠信不如好學信矣夫苟好學進足揚國休退足
端里議所謂文獻於是乎存傳不云乎不有君子其何能國謂之
君子別于衆庶豈獨為其擁顯號高貴爾哉故因諸山畧序先獻
章斯志所由起焉其或不詳蓋無所徵矣

唐

曹鄴字鄴之自云魏武之後不知徙桂所從起其寄監察從兄及
賈馳詩述鄴西園皆云我祖即名字並取鄴必其後也頗慕建安
七子詩故其所為亦多古體大中間進士及第歷祠部終洋州刺

史然鄴始為太常博士時相高璩白敏中相繼薨鄴建言璩交游醜雜進取多蹊逕謚法不思妄愛曰刺請謚為刺又青敏中病不堅退且逐諫臣舉怙威肆行謚曰醜鄴之持論不阿畧見兩人傳本家陽朔後居桂城阜財坊坊在市西門其時令孤觀察以鄴所居改為遷鶯坊鄴於桂有碧潯亭宴上詩唐兩詩人家桂州其一名唐字堯賓太和間進士曾辟為府從事

宋

趙觀文臨桂人乾甯二年狀元及第陳太保可環擁節南土改其所居坊曰進賢以表之觀文起自遠所入取高第意欲藉以陟要地多所幹濟值宦寺竊柄大盜蜂起遂歸家貴志以歿郡志謂其官終侍講則不知之矣至今堯山虞山兩廟有觀文祭器碑

紫

北七里岡崩盤紆即始安原脈熙寧初頻有祥煙紫氣鬱蔥其上父老異之而莫之識未幾果符今皇帝建封茲地中興海隅驗今推昔信芒碭之雲不為虛應也崇甯間尚書王公祖道來帥是邦念郡庠湫隘風教未敷乃闢而廣之誘進學者又採堪輿家之說洳子癸之流以注宰戎環城有水如血脈之榮一身遂聞之朝故大觀二年准敕著令壅隔新洳者以盜決黃汴二河隄防法坐之詎今應舉之士十倍前日鄉貢舊額八人而已秋闈校藝主文者每有遺材之歎紹興二十六年知昌化軍事黃公齊邦之先達也入覲宸扆首言靜江屬興王開府聖澤所淪士才日茂而取不及下郡之半乞稍優之上可其奏增解二名先是憲使路公彬上章言廣右土產瘠薄乞減靜江夏稅上供布錢以寬民力然不及軍裝布至是黃公復乞之上亦依奏迨今二年足輸一緡二侯之請也昔子產為政于鄭與人誦之曰我有子弟子產誨之我有田疇子產殖之若此邦之民沐聖恩寬惠膏澤涵濡皆二三大夫推仁教養之意而獨無志謹書其事鐫於名山傳之于後予以昭示來

世爾潛洞亦有仲宇記范公成大諭民及時舉葬文蓋其人以文
名于時者齊字義卿舉進士初尉富川悉知昌化軍與廉州以能
史聞仲宇官爵無所見自仲宇後四十餘年乃有張茂良
張茂良雅有著作才又篤耽古故為文氣高語潔削去宋季朽瑣
之態惜時無傳者獨語有灘山所刻為廣西經略顯謨趙公德政
頌序曰紹定四年秋有詔帥廣西趙公進直顯謨閣易鎮寶婺桂
人德公之久結戀不釋即無量壽佛宇西偏肖像建祠寓其去思
猶以為未足乃相與誦述善政刻之水月洞石崖此石永存德名
不朽公丞相忠定公之子名崇模字履規屏翰我邦六閱歲紀政
先仁恕鎮靜不擾捐利于予民恩惠周浹本端末整閭境晏清人
享和平之福形諸歌頌理則宜然頌曰帝奠區宇粵居南土連帥
之尊桂其治所始時桂人樵悴數畧詔公于蕃拯其疾苦宣上恩
旨滌以膏雨疏剔蠹民胥蹈舞喧喧歌謠謂來何莫帝曰嘉哉
寬我憂顧賜璽增秩事循漢故維公之德不茹不吐施于有政威
以仁寓安民之安勿庸鈞距耘耨緝績倉箱筐筥賦爾代輸屢捐

帑貲環堵宴眠吏毋扣戶平價發廩以哺饑阻斂散循環邑有高
庾攻堅易朽加惠黌宇有美南軒紹其遺矩吁嗟先賢魍魎是禦
揭祠蒸嘗蘭藉椒醕風化所繫人心起慕什伍其旅迺搜迺補築
室萬楹蠹屯分部粵俗機鬼妖巫楔偷發摘竄斥絕其根緒鄰荒
民流極負蓋縷賦粟結廬于時處處楷斂道殣分命緇侶喙免狸
蚋惠及齒腐鑿石他山康莊坦步虹梁廣濟屹若砥柱南渠可舟
濬堙疏淤潭潭督府匠石斤斧麗譙凌雲鐵甕安堵簪帶改觀水
亭坡墅游刃所及百廢具舉民不知役約已有裕江閩湖湘跳梁
狗鼠踰嶺以南寂然桴鼓莫徭鳥居種蔓盤鉢易攫難安顛首妥
附為政以德計效如此稚耄相告公我父母今舍我去如孩失哺
我言匪私感在心膺俾熾而昌奚斯頌魯公壽無疆受天之祐爰
作聲詩磨崖江澌產石巖巖昭示千古頌後列茂良仕為潭州善
化主簿才高位誦識者深惜之後有秦祥發然非茂良匹也
秦祥發端平間為廣西經略安撫煥章趙郎中德政碑其略曰端
平更化一洗貪俗惟廣右邊郡去天萬里貪官黷吏肆毒猶熾郡

將多右班寡廉鮮恥抑又甚焉人人無不思得賢帥為上宣德意
振桂所急判府經畧安撫煥章趙郎中下車之初不暇外美不沽
虛譽問民間之疾苦詢官政之得失知鄉民苦于征求規畫便利
亟與釐正其事詣府者尤苦胥徒居中多方留難公皆汰去之
又嚴約所部官吏勿殖貨厲民實守不如約風令自上祠以去賓
人繪公像祀焉賀時有他盜公即為之調兵往捍賀得以無恐宜
陽兵變亦賴公應時平定公諱師恕寓居長樂曾宰餘杭倅常得
守荆門持節夔子湖右剖符江西宜春所至有惠政民皆德之刻
石七星山祥發于文後自稱鄉貢進士先是紹熙中有滑懋所生
介在二張之間亦莫考其名位所至獨有跋張釜七詩
滑懋者其先自洛陽來家于桂懋則桂人也以文學為轉運使丹
陽張釜所器接以上賓釜常偕懋及諸僚幕泛舟灘江徧眺諸勝
明日獨以所賦詩視懋懋感其意刻之龍隱復為之記曰紹興四
年秋丹陽張公來主餉事公家世人物文學議論推重一世而尤
精于吏道始至思有以廣上恩蘇民瘼者首議脩鹽額于支郡以

杜之雅津送洛南之孤以出領置腰鋪增驛卒鑿井植木以便道塗
之往來凡剔蠹櫛弊鋤奸扶伏無不順民所願欲其塵慙備至疑
若日不暇給而公乃從容如平常間則與客登高訪古賦詩飲酒
以極其歡懋間以綴在席末公嘗手書是詩以見遺翰墨芒寒照
映圭華求觀者迨今其未已蓋公之詩精深婉轉能寫難狀之景
如在目前含不盡之意見于言外如前修所云者故一言一句人
以爭先觀之為快是用鏡諸巖石以傳示方來時公以中秘帥廣
東去桂蓋踰年云懋字和仲因釜水月洞題名始知為桂人
辰山隱者劉升之或曰晞其名也有雉巖兩字在雉山旁刻劉晞
書按晞以明始升為義或所云殆是桂雖多山其依巖結室非游
僧則方士里中士人託以避世者絕少晞獨居辰山又先為諸生
時帥桂呂愿中強晞共賦秦域王氣詩晞不與賦後帥李夫異聞
而嘉之題辰山之巖曰蟄或又曰蟄龍且為二詩以旌晞同時唐
弼胡槻皆為之和清巖有朱元順見禮於張孝祥似亦山居者

唐弼字公佐張栻帥桂時弼與里人蔣礪李化皆從之遊舊志載栻祭秦致政文秦失其名伏波山有秦舜卿李南夫涪熙甲午紀遊南夫乃化字則舜卿必致政字也辰山刻弼和經畧寺丞贈劉升之二詩弼與蔣李三君必當時里中名士栻于曾公巖亦刻有三君名先是歐陽闢當熙甯元祐間亦有名闢臨川人歐陽闢字晦夫早從宣城梅聖俞學詩因以知名蘇軾海外還贈闢有詩時為石康令海陵曾輔提刑廣右偶遇闢玄風洞亦有贈闢願獨不得見闢所為詩僅存闢劉仙巖記唐少卿遇仙事而已因附之羣公之末

唐全龍躍名見棲霞諸山復有陳方彥張大成白永暉于周唐世則尹士通胡師文黃澤廖頤秦光李經余亮張伯通馮傑劉敏孫璋陳德仁黃宗賢尹紹先諸國昇秦藻唐文雅于邦傑周汝厲丁長民劉上德李用章張子翼賈守真傅皋輩惟陳方彥故武翼大夫李經故助教于邦傑則進士然皆莫能緣名可撫其寔者

灘山人曰余傳先獻好事者將謂畧本實而采浮華似矣然士固

各有本實也抑人有言玉產山潤珠生川媚士患所懷寶或贗爾審得其真其精光雖與天地敵可也趙先生碧潯亭詩與善化簿君頌皆吾桂所未有夫豈無本真哉學不積文不茂故曰不如好學曹先生豈真以文翰華國哉亡論相國擅勢以逞其子弟姻親根據朝署躡迹持柄者非其門生則其故吏曹先生裁一太常博士爾又南中孤生獨持正議駁兩貴謚至今讀之猶使人不寒而栗假令當開元佐明皇其勁風直氣與曲江公方軌並駕無不可者乃郡志猥以文士抑之下列彼惡知曹先生哉彼惡知曹先生哉

桂故卷七

明 張鳴鳳 撰

游寓

桂與湖南水道相接風氣不殊非四夷之境可投畀罪人者唐間有之蓋以朝貴列華要一奉嚴遣走畏途即近在三輔亦嗟失勢况江嶺以南乎至宋則多屏之昭象州郡遠且惡也曰遷謫曰安置所坐各有名故不復鉤校其案與其人行事惟行李所經聞有屬詠及從是中士大夫游名著諸山者畧擬為傳與夫方外緇黃之流或標筆苑之鋒或齒華廂之末又或以老壽謂有道術身曾棲山或足迹一再至故亦得附見或曰寄寓獨無游士何曰唐桂府例得辟舉宋諸闕官惟軍府所選補又可署攝游者入境易注名于官簿如唐陽衡戎昱李商隱諸賢雍容幕府非浪寓也而他或寓者于山川不相涉故不志

唐

宋之問字廷清汾州人與同時沈佺期比律揚藻各擅麗則齊名

朝廷曰沈宋云在桂詩數首多思歸之歎則以待從日久希恩戀
貴不自知止足然諸詩最淒切可諷與應制教異亦得之遠徙者
為多自宋相傳真山觀乃之問遺宅今觀亦失所在

宋

黃庭堅字魯直分寧人以羈管宜州過桂見諸山驚歎奇絕遂賦
之詩云桂嶺環城如雁蕩平地蒼山忽嵯峨李成不生郭熙死奈
此百嶂千峰何惜庭堅是時以罪放所至督遣不得跨危峰攬飛
翠如生平讀書石牛洞與徧署鳳棲巖諸石名
鄒浩字志完常州人初以章惇詆浩狂妄羈管新州徽宗立召還
後為蔡京所惡謫衡州尋竄昭州有重經雉山詩
孫覲字仲益毘陵人早以文得名其四六與同時汪藻並出諸著
作右覲以罪謫歸州後再安置象州則坐尹臨安無廉聲焉比家
赦還劉彥適董茶諸人招遊諸山覲自紀遊於鐵牛寺藏院觀無
盡老人畫像初寮道人所題榜無盡老人乃故相張商英初寮則
王安中也商英蓋未至桂僧院以商英素事佛故多繪其像安中

先覲亦安置象州或曰安中所題榜即今獨秀山有宋顏公讀書
巖數字則其篆也安中亦文士

折彥質於桂有超然亭詩亭在西山當時以最勝聞而彥質固嘗

以宣撫總十萬師扼金人於河上師尋潰者蒙死云幸何論竄南

為乃後坐趙鼎姻黨安置柳州豈前夫潰適然後遂波及也彥質

簽樞密權參知政事自柳州赦還復其官吏不立傳或以師敗故

瓊志又謂其曾謫居昌化軍此詩亦云過海豈往反昌化時耶

郭顯者不知何所人居桂南溪之劉仙巖一稱住山道民一稱南

溪郭顯然卒無可蹤跡之者獨有南溪卜居銘首言士大夫以金

虜之故多南遷似避地中言志在神仙似方士末言榜揭歸去又

似棄官入山者迄今莫知顯為何如人也顯銘自云泌源郭顯蓋

今泌陽人張孝祥在桂其客有郭道深朱元順又嘗與道深訪元

順所居清巖元順必山居可稱者惜皆不知其名或曰道深乃顯

字華景又有蔣詩翁亦宋人

趙夔以二十四巖洞歌鐫南溪之穿雲巖歌非奇作或以其總括

附近諸巖洞名故鶴之或謂夔為趙賢良又有詩贈海陵余公夔
自稱曰漳州居士山間諸詩惟玄風洞所作足自立于宋人間郡
志謂夔自南遷北還經此夔蓋亦紹興中遷者所云賢良或其發
身之科然皆莫可考矣時有蔣任即劉振為夔書巖洞歌其書髣
髴顏真卿多寶塔迹振字時舉臨川人

方外

僧智深唐垂拱三年為合浦令呂興記灘山陽所鑄佛佛像書亦
出智深手其書與貞觀間吳人朱子奢相似乃智深名不振豈以
為僧或隔在所也

寶珍宋西峯住持僧學篆筆特雅勁其時桂府貴游有所勒石必
引寶珍篆其額今雉山華景鎮南峰皆有寶筆

了真亦宋嘉定間僧方提刑信孺嘗過灘山憩了真所居愛其居
後青壁迴秀每至必臨顧良久亡何捐俸獨建雲崖軒于其處他
日信孺至喜而賦詩且曰後世誰相知方生筆研寓哉了真隨奉
信孺詩刻之壁復為之跋張孝祥記朝陽亭亦有僧了元名

元在菴主人亦宋華景洞居者洞有石堂歌伏波山光月亭亦有
詩雖之高韻然其人似游方以外者名字俱匿莫辨僧與道或以
為蔣詩翁然歌指大抵禪者緒言也故槩列僧中

宋諸僧又有紹簡者劉誼苗時中與之遊張自明遊清秀巖亦有
清一著詩話一卷者曰德滄方信孺言西山資慶寺僧紹言有米
芾所與詩郡志著桂僧景瀆亦工詩此方又有齊月仲修仲堪了
達祖華西山海印大師賜紫日登似能皆住持諸山者而齊月則
有黃通判照所贈詩尚在雉巖中

軒轅彌明唐元和在南嶽與進士劉師服校書郎侯喜夜聯石
鼎詩昌黎韓愈奇其事敘之傳且曰彌明蓋隱君子也桂州堯廟
有彌明開元二年謁廟詩自宋鑄石在今郡學中彌明往來湖湘
間多止衡嶽人因謂之衡嶽道士始遊桂時必年二三十至元和
初七年殆一百二十餘歲竟不知其所終同時虎邱有清遠道士
自為詩述生商周之際則二千年人也顏真卿序而刻之虎邱且
頌以詩或曰即彌明其後羅浮又有軒轅集亦數百歲餘何唐兩

軒轅並以壽稱而彌明獨有兩詩傳于世
劉景字仲遠臨桂人曾游京師館賈相國昌朝宅二十年後歸家
入南溪山即山南巖以居自稱大空子提刑李師中往返之留詩
於巖天台張平叔是時隨陸誦居桂亦過就仲遠以談為作真人
歌贈之仲遠亦自著有金玄歌後年至一百十八歲乃終里人名
所居巖曰劉仙旁有仙跡巖相傳仲遠禮斗處其石上至今有足
跡余先生其名與里居無可考居劉仙巖講求仙術巖有趙賢良
贈先生詩賢良即趙夔余亦自著有金液還丹歌平叔悟真篇自
宋及今祖述者衆真修者皆宗之故不具論
宋道士鄒次洪李可道以遊山附名張子真李道隆以建築立碑
玉笥山胡銓平以隨潮陽鍾大鳴至乃若真山黃行觀正悟師舉
雖號出家然並以職名記廩官府者
灘山人曰唐宋于前代見謂有道至於遇遷謫無足言者乃我明
獨矜全之德何盛也夫士起南畝謁北闕解裘褐列冠帶內則備
侍從外則領州郡所以為士人光寵者何厚一有不肖之迹輕在

田
流竄稍重遣戍廷論明白不復追按其以言事忤旨或權貴侵冤
者旋被召還不決顯用未有顛命遣使及授意所在恣行誅戮如
唐周利貞之害袁恕己慘酷不忍言以忠厚立國如宋董必猶得
希惇卞之意謀遣人殺蘇軾呂愿中誣劾李光胡銓欲致之死以
快檜錢宏祖欲為史彌遠殺胡夢昱甚至如胡舜陟怒古令高登
不承意建檜父祠文致登不復生又况遷謫至者當虎口也乃今
有一於是乎宋諸事皆在桂故追論之為當時游寓諸公危并著
我朝弘貸曲全其深仁盛德視唐宋真天壤哉

桂故卷八

明 張鳴鳳 撰

雜志

或曰諸故備矣益以雜舉何曰夫桂阻山為固土石相揉物產不
豐田圃所出僅足自奉故其俗多儉儉故鮮邪心其民畏上惟所
指使一遭多故并力以敵王愾及大事去而闔城抗節不忍有二
志乃隋已然宋元尤烈著在史錄何可誣也昔漢高帝見魯不下
謂為守禮之國桂厯數朝大義暴白亦何慙于守禮哉嘉靖中學
使袁襄遊桂諸山反以名世不生而蠻種是繁為山川羞余竊憤
爾時無掌故者出請陳土風與其遺事使得聽覽庶山川不枉受
幾至今馬參以一二平蠻碑何蓋桂僅自給幸諸賢大夫加意拊
循膏雨時行猛政不施壯者畢力生計老得終其天年亦一樂國
也所患為疆場之警者蠻是以諸蠻即平民乃不驚故終之以平

隋蠻

李襲志字重光其先本隴西狄道人五世祖避之地更為金州安
康人仕隋始安郡丞大業末盜起襲志傾私產募得三千人乘城
拒盜蕭銑林士弘屢攻之不下聞煬帝喪乃與士民編素三日臨
或說曰公臨郡久士大夫悅向蠻夷畏威雖曰隋臣實君長也今
四海分裂自王者非一人今遂據嶺表取百粵何遠不若尉佗乎
襲志曰吾世隋室臣江都雖淪宗社尚有奉諸君當相與戮力刷
恥豈隨衆圖不義哉吾甯蹈忠死不逆節以生尉佗不足為吾法
也欲斬說者衆諫乃止遂固守凡二年力窮援絕為銑所陷襲志
亦以銑故蕭梁子孫乃權依之武德初高祖賜書命其子玄嗣召
之襲志約嶺南酋永平郡守李光度潛圖歸帝復以書命曰公朕
之宗不可與異姓比宜及子孫弟並豫宗正屬籍銑平嶺南六十
餘州皆送款乃襲志誘而致云趙郡王孝恭承制授桂州總管五
年來朝進柱國封始安郡公江州都督後討輔公祐為水軍總管
轉桂州都督襲志守桂二十八年政尚清省南荒便之

唐

周元靜為靜江軍節度使見唐末所在兵起章表道斷明約部內
守令將校各以廣農輯兵為務當候間圖勤王四境信嚮如平時
不見他盜安州防禦使宣晟亂人也以計入桂詭奪所領元靜不
從與其部將劉士政率衆以戰不勝死之部衆咸就死無棄去者

宋

馬暨字昌人咸淳中暨知欽州徙知邕邕地接六詔安南傍通諸
溪洞撫御少失宜往往召亂暨鎮撫諸蠻及治關隘皆有條理大
理不敢越善闡安南不敢入永平諸洞皆上帳冊邊陲宴然廣西
經畧李興上其功加閤門宣贊舍人未幾以左武衛將軍徵入朝
已而宋亡暨因留靜江總屯戍諸軍護經畧司印守城至元十四
年平章阿里海牙攻廣西暨發所部及諸洞兵守靜江而自將三
千人守嚴關鑿馬坑斷嶺道大兵攻嚴關不克乃以偏師入平樂
過臨桂夾攻暨暨大敗退保靜江平章使人招降暨發弩射之攻
三月暨夜不解甲前後百餘戰城中死傷相藉訖無降意城東隅
稍卑大軍佯攻西門以精兵夜決水牖攻東門破其外城暨閉內

城城守又破之暨率死士巷戰刀傷臂被執殺之斷其首獨握拳奮起立踰時始仆

鄧得遇字達夫邛州人淳祐十年進士調寧遠主簿改知南昌縣通判隆興府監行在藏庫出知昭州遷廣西提點刑獄逾年攝經略事兼知靜江府德祐元年長沙被兵得遇遣都統馬驥馬應麒赴援驥潛叛而還得遇斬之軍事悉委之應麒未幾馬驥行聞議事不合二年移治蒼梧靜江破得遇期服南望拜辭書幅紙云宋室忠臣鄧氏孝子不忍偷生甯甘溺死彭咸故居乃吾潭府屈公子平乃吾伴侶優哉悠哉吾得其所遂投南流江而死

劉子薦字貢伯安福人父夢驥以進士歷官知澧州沒于王事子薦以父勲任湘鄉尉以獲盜功調撫州司錄決王應亭疑獄事聞頒諭天下之為理官者改知贛縣監行在左藏庫通判常德府知融州以廉靜著聞主管仙都觀廣西經畧司檄為參議官德祐二年十一月北兵至靜江權經畧使馬暨遣子薦提瑤兵藥弩守城城東門勢不支時瀛國公已入燕子薦取笏書其上云我頭可

斷膝不可屈登城北望再拜取所服衣袍瘞之語左右曰事急不可為吾惟有以死守或諷子薦遁去子薦曰死事義也何以遁為竟死之

平蠻頌

朝議郎守尚書禮部郎中上柱國韓雲卿撰 朝議郎守梁州都督府長史武陽縣開國男翰林待詔韓秀實書 府州戶曹參軍李陽冰篆額

惟大麻十二年桂林象郡之外有西原賊率潘長安偽稱安南王誘脇夷蠻連跨州邑鼠伏蟻聚賊害平人南距雕題交趾西控昆明夜郎北洎黔巫衡湘彌亘萬里人不解甲天子命我隴西縣男昌夔領桂州都督兼御史中丞持節招討斬首二百餘級擒獲元惡并其下將率八十四人生獻闕下其餘逼逐俘虜二十餘萬並給耕牛種糧令還舊居統外一十八州牧守羈縻反覆歷代不賓皆受首請罪願為臣妾嘉其自新俾守厥舊商農漁樵各復其業悼耄鰥寡各安其宅變氛沴為陽煦化險阻為夷途五嶺之人若

出玄泉而觀白石如踏烈火而蒙清 飛書上聞復詔嘉馬公卿
百辟將校耆艾咸願歌頌勳烈以銘于石其辭曰皇帝嗣位十有
五載溘風橫流聲教無外蠢茲蠻貊肆其蠶蠹恃遠怙險為人蠹
害爰命隴西挾節討綏訓我師徒如虎如貔卷旗釋甲先喻德澤
稔惡勿懲舍董勿息矯矯隴西勵爾矛鉞鼓奮重泉兵揚九天出
其不意億萬踣顛來者面縛亡者染鍔搜洞索穴覆其巢宅若鼓
洪鑪燎彼毛毳若振飄風摧乎朽脆海嶠濛濛再開天光俾稷作
和化戎為農三軍卧鼓四鄙罷柝原野蕭條萬里澄廓明主是嘉
罷人是康銘之嶺門用垂無疆

平蠻碑

廣西經略使余靖撰

聖宋體天道欽文聰武聖仁孝德皇帝在位之三十一年天字
之內海渚之外氍裘卉服罔不率俾粵五月蠻賊儂智高寇邕州
陷其郭賊虐衣冠驅虜椎艾遂治鬱江東下所過郡縣素無壁壘
倏然寇至吏民棄走因得焚蕩剽抄無所畏憚乃攻圍廣州五十

餘日不克大掠其民而去然所存者官舍倉庫而已百年生聚異
域珍玩埽地無遺矣國家于嶺南不宿重兵故賊起三月而後師
集蔣偕張忠義號驍將相繼而覆沒由是畏懦者望風潰走賊鋒
益熾逼連賀瓯昭賓再穴于邕矣驛騎繼聞上甚憂之樞密副使
狄公青以為將帥之用古難其才若再命偏裨事一不集則二廣
之地患熾而不解矣亟自請行天子聽之遂改宣徽南院兼荆湖
南北路宣撫使都大提舉廣南東西路經制賊盜事九月拜命既
授禁旅仍啟以舊鎮兵及荆湖銳卒從行十二月至桂林督部伍
親金鼓然後兵知節制矣明年正月甲辰至賓州先是鈴轄陳曙
領步兵八千潰于崑崙之闕公推其罪首斬曙及猶吏以下三十
一人然後人知賞罰矣兵將股慄咸思用命是月己未引師至邕
邑一舍賊悉其徒以逆戰公之行師雖倉卒道途皆有行列賊至
駐先鋒以擊之公馮高望搗騎兵以翼馬賊徒大敗追奔十五里
斬首二千二百餘級生擒五百人尸甲如山積于道路偽署將相
死者五十七人是夕智高焚營自遁復入于蠻中先是命湖南西

路安撫使樞密直學士孫沔入內押班石全彬過嶺與廣西經略使余靖同共經至東西路盜賊故命公都大提舉然孫石譜謀而軍中悉稟公之節制賊之再據邕也農者輟耕商者輟行遠近惶惶不聊其生及公之拜命也朝野之論中外歡然以方召之才兼機軸之重出翦狂蠻無噍類矣賊之巢穴曰廣源州交趾之附庸也父為交趾所戮遂棄其州奔南蠻界中淵藪恃傲以僭號自名其居曰雲南道又曰南天國再名其年曰景瑞曰啟麻雜名左右之人自侍中開府以下署之其主謀者黃師宓儂建侯儂志忠等戰沒于陣未有翦其羽翼而能飛剗其心腹而能全者也故宵遁矣嗚呼智高之謀十餘年間招納亡叛共圖舉事十餘年間連破十二郡所向無前夫豈自知破碎奔走在于頃刻之間乃知名將攻取真自有體哉二月甲戌改乘轅其月丁亥至桂州詔徙護國置節度復以樞密副使召仍曲赦嶺南民得休息矣遂磨桂林之崖石以書其勳其辭曰有宋之大天覆地載四海正朔百蠻冠帶蠢茲狂寇起乎徼外交僂于郊逃死獠界招納亡命浸淫邊害邊

臣罔上失職以懈卒陷邕郭乘流東邁志圖全越肆其蠹蝨廣城言言梯衝附焉攻之五旬掠民而旋賊鋒一至千里無煙還據于邕五嶺騷然天生狄公輔聖推忠情存義烈志嫉頑兇請纓即路仗節臨戎英材遂集猛將風從賊之敢鬪實惟天誘來迓於郊奄喪羣醜當我推鋒易如摧朽僭補偽署叢授首羽翼既翦心腹既剗雖欲再舉人誰與圖焚廬而去回巢以遁六親不保日獻其俘厥惟邕邊南國之紀九洞襟帶列城唇齒險固一失兵糧無時庶民蚩蠻鳥驚獸跂我公之來電埽雲開叛蠻斗破網嶺重恢師成廟算民得春臺天聲遠振繫公之材

平交趾記

提點刑獄李師中撰

嘉祐五年六月交趾甲洞申紹泰率眾犯邕州境巡檢宋士堯等逆擊死之上聞乃召侍郎余公靖于青州面諭曰以卿熟嶺南事今授卿體量安撫使亟往無辭繼以如京使知邵州賈侯師熊副之擇材勇者自從即荆湖兵以行其年冬至邕遣介召交趾用事

者費嘉祐於麾下詰之嘉祐訴云本無惡心但近邊種落苦邕人
侵擾含怨不能自明乃相聚以起誤犯官軍以地遠不易知請歸
就治自今敢入寇者斬約束定乃去噫五刑不明小雅盡廢則蠻
夷猾夏寇戎姦究作矣自青深者其心怨自任重者其功遠惟天
眷佑下民惟君奄有天覆一物失所當自計利害勞費力與蠻夷
較勝負真忍人哉韓愈罪徼功之人李固駁用兵之議其有意于
根本矣今既黜邕守用廉重仁明者公又畫一為令以謹疆里盡
去前時徭役之害民者使後人知勝計在此不在彼專于自治以
撫斯民外安物情中葺邊備公之慮遠矣哉既還老幼遮道曰我
公無歸以保我生師中舊學于經得褒貶之義願桂之北青壁萬
尋礮而刻諸以為公作計其威令有未究者公將復命固請師中
不敏尚能為公志之

桂州瘞宜賊首級記

廣西去國既遠自有邊事主兵之臣懷詐事上專用姑息以取官
賞民益受弊賊益得計以致于不可救療慶厯四年正月十三日

怨

宜之環州有賊歐希範挾怨聚黨攻其州下之明日破帶溪普義
又明日破鎮甯逐其自稱神武定國令公桂牧內以世賊蒙
趕深溝高壁乘宜州無備將以龍江而搖二廣也於時
主者出兵捍禦雖頗攘定而賊方繕完器甲張勞安撫納故
事四月以刑部員外郎集賢杜公杞為轉運按察使得便宜追討
八月十二日公自至京師涉桂蹈宜駐旄于環經沈謀揆遠謂
安化種類頻至深入使吾數千里之氓夫耕婦織不能供命而瀆
于死者趕實為之地令不并誅是雖得希範猶不得也亦既禽趕
明年正月七日縛希範于荔波之古綰寨十三日械至環州二十
九日誅希範蒙趕及其偽置官屬二百四十有三人于宜州之城
下配隸之外并前斬首總一千四百九十四級公命分送諸郡
之以示衆而臨桂居四分之一于是桂之官吏相與謀曰古之誅
大惡者必為京觀所以示戒懼于其後也今此小醜敢行稱亂惡
已鉅矣宜斂而封之以應古誼然後盡所以命即北郊而瘞之章
大侈焉公之成功藏在冊府異時死者得葬生者得息含哺鼓腹

無征輸之患傳諸故老之口而不見公之顏色又無紀述以形盛德之美何以慰南人之思哉因畧取其粗而著之石云時乙酉三月六日欽州軍事推官將仕郎試秘書省校書郎權節度推官孔廷之記

灘山人曰守國設險必資形勝自古記之矣桂雖多山然皆特起不任屏蔽江瀨之淺可涉而過其險惡足恃哉虞慶則一時狂言實速自斃故李襲志堅拒僚佐據桂之策可謂英識雖然遭世隆平寓內熙豫鴻雁不歌于側戎馬不生于郊山川雖小亦足游詠不惟可暢越鄉之懷間行周覽土壤之腴瘠民居之多少瞭然在目因事創畫廣為便利得蒙游豫之助不少有事則糾合士衆為國家守封疆萬一不濟如周馬諸公去千百世風烈如在雖倡義自諸公協心勦力不辱斯土者非桂之人乎余故以為不忝有禮之國乃若謂蠻非我族類恬亂不翦耕牧無所抑四境卧不安席命駕造野祇以攬心或曰張莊平允從州程鄰築兌州蠻且樂附山有麗篆何可廢諸曰開邊徼功為國生事宋史非之張虛美而

導侈心不得不黜之以塞禍源馬乃若周馬諸公舉祠與否非野人所敢議蓋章節表忠用勸來者其柄在上即國初死元事之人遠漸安豐近媿東莞然律以大義各為其主亡足怪也